


XXIX
LYDOLIC.
1745







*Effigies imp. IUSTINIANI ex Alemanni Notis
ad Procopii historiam arcanam, p. 28.*

IAC. FRID. LVDOVICI, Icti,
VSVS PRACTICVS
DISTINCTIONVM
IVRIDICARVM

IVXTA SERIEM DIGESTORVM ADORNATVS.

RECENSITVS, ILLVSTRATVS, IN AR-
TICVLIS IVRIS SAXONICI AD ORDINAT. PROCESSVS
ELECTORAL. SAXON. RECOGNITAM ADCOMMODATVS,
NOVIS DISTINCTIONIBVS AC QVAMPLVRIMIS
PRACTICIS OBSERVATIONIBVS LOCV-
PLETATVS

A

IO. GERARDO SCHLITTIO, Icti.
POTENTISS. REGI BORVSS. A CONSIL. AVL. ET PROF.
IVR. ORDINAR. IN REGIA FRIDERICIANA.

EDITIO FI.
AVCTIOR ET EMENDATIO.



HALAE MAGDEBVRGICAE,
Sumtibus ORPHANOTROPHEI.
Anno M DCC XXXVI.

1870

1871

1872

1873

1874

1875

1876

1877

1878

1879

1880

1881

1882

1883

1884

1885

1886

1887

1888

1889

1890

ILLVSTRISSIMO
DOMINO
DN. ERNESTO
BOGISLAO
de **KAMEKE,**

SERENISSIMI ET POTEN-
TISSIMI REGIS BORVSSIAE
MINISTRO STATUS
INTIMO

CVBICVLI REGII MAGISTRO
SVPREMO RERVM DOMANIA-
LIVM DIRECTORI,

RELIQVA,

DOMINO SVO GRATIOSO

FELICITATEM!

ILLV-

ILLVSTRISSIME DOMINE,
DOMINE GRATIOSE,

Quod de arte in genere dicere
consueuerunt sapientes, lon-
gam illam esse, vitam vero bre-
uem: illud in specie ad artem iuris opti-
mo iure applicari posse videtur. Infi-
nita sunt hominum negotia: infinitæ
etiam exinde oriuntur controuersiaë,
quæ iuxta artem æqui & boni, quo ti-
tulo

DEDICATIO.

tulo Vlpianus iurisprudentiam insignit, singulæ trutinandæ & componendæ, cum impossibile sit legislatoribus, quibuscunque singularibus negotiis singulares legum decisiones adaptare. Longa itaque ars est, etiam si solummodo ea respicias, quæ in arte quotidie maximam vtilitatem præstant. Longissima vero euadit, si illa consideres, quæ mere inutilia sunt, altercationes interpretum de rebus nullius sæpe momenti, principia erronea & leges obsoletas, quæ nec habent, nec vnquam habere potuerunt vel minimam vtilitatem. Consideranda autem omnia illa sunt, postquam Germania nostra mores patrios fere ignorat, & decisiones causarum controuersarum non modo ex legibus exoticis, sed ex tot etiam glossis & Doctorum inter se dissentientium au-

DEDICATIO.

toritatibus atque opinionibus depromere adsueta est, ut hinc in arte iuris mala bonis & bona malis admixta inuenias. Itaque cum in nullius doctoris potestate positum sit, ut nouas leges ferat, & malo inueterato medeatur: meo quidem iudicio omnibus, qui iura docere nituntur, summo studio in id incumbendum est, ut bona a malis secernant, & quæ vsum in arte iuris aliquando præstare possint, quæ non, sedulo ostendant, neque talia proponant, quæ in spem futuræ obliuionis disci dicuntur, ut deinde vix diiudicare queas, an addiscere ea, an vero iterum dediscere grauius & difficilius sit. Ut ad scopum meum propius accedam, vulgatum quidem est, bene eum docere, qui bene distinguere nouit; interim tamen plurimas quoque distin-

DEDICATIO.

distinctiones, inutiles, vt in aliis disciplinis, ita quoque in arte iuris occurrere, quis ignorat? Tentavi itaque in libello hocce, quem TIBI ILLVSTRIS- SIME DOMINE, nunc humillime offero, annon & in hac distinctionum iuridicarum materia vtile ab inutili discerni posset, vnde titulus libelli:

Vsus practicus Distinctionum iuridicarum enatus est.

Dico, me tentasse: probe enim conscius sum exiguarum virium mearum, quæ non permittunt, vt integram materiam plene exhaurire potuerim. Quidquid vero sit, certissime confido, fore, vt TV, ILLVSTRIS- SIME DOMINE, hosce etiam conatus meos pro innata TIBI benignitate & propensione erga illos, qui studia liberalia sectantur, gratiose respicias,

DEDICATIO.

cias, quod in præfenti etiam a TE
 ea, qua par est, animi submissio-
 ne expeto atque contendo. Ser-
 uet DEVS T. O. M. TE ILLVSTRIS-
 SIME DOMINE, quam diutissi-
 me: adsit consiliis TVIS, vt in Di-
 uini nominis gloriam & Reipu-
 blicæ vtilitatem perennem ver-
 gant. Ita voueo

Illustrissimi Nominis TVI

Cultor

humilissimus

I. F. LVDOVICI.



PRÆFATIO
AD LECTOREM.

Quamuis cum multorum hominum ingeniis ita comparatum sit, ut omnia statim, quæ quodammodo saltem a veterum vestigiis discedere videntur, tanquam res nullius pretii cæco imperu eliminata esse cupiant; plures tamen, ni fallor, hodie reperiuntur, qui in alterum extremum prolapsi, nil eruditum, imo ne lectu quidem dignum existimant, nisi quod veterum Scriptorum principia non solum deferit, sed quod maius est, ea condemnat etiam atque refutat. Ita inter illos multos & hosce plures paucissimi media via, quæ sapientem decet, incedere didicerunt. Et quod exinde profluit, nihil fere scribi amplius potest, quod non vel ab his vel ab illis, si eorum gustui non est accommodatum, acrem censuram experiatur. Hos scopulos mecum perpendens hæsitavi ab initio dubius, utrum præsens opuscu-

PRÆFATIO

lum de usu practico distinctionum iuridicarum publicæ luci exponere consultum esset, nec ne, cum facile præviderem, me omnibus hac parte placere neutiquam posse, quin potius certissimum fore, ut diuersas censuras experiretur ille labor a me susceptus, prout scilicet adfectus Lectoris diuersus eundem ad diuersissima etiam iudicia ferenda incitare solet. Verum enim vero, cum ex altera parte considerarem, neminem hactenus ex mortalium numero repertum fuisse, cuius instituta, optima etiam, omnibus sese adprobauerint; scopulos illos, de quibus antea dixi, transcendere non adeo difficile fuit, præsertim cum mea intentio non sit, quod eruditis scribere, sed quod saltem ex necessitate illa, ad quam me officii mei ratio obstringit, studiosæ iuuentuti ad eo melius percipienda genuina iuris principia pro viribus meis exiguis inferuire velim, quem in finem etiam præsentem libellum statim ab initio publicis lectionibus destinaui, prout de hoc meo instituto Programma de *Distinctionibus Iuridicis usum in foro habentibus*, præfatus sum.

AD LECTOREM.

bus, vel non, ante aliquot menses in hac Academia publice propositum, vltcrius loquitur. Imo, si hoc addere permis- sum, & amatoribus antiquitatis, & il- lis, qui nouis rebus indulgent, me qua- dantenus inseruisse puto. Vsum enim practicum non ex proprio cerebro, sed *vel* ex ipsis legum receptarum fontibus, *vel* ex celeberrimorum Scriptorum operibus docere annisus sum, & sic ni- hil fere dixi, quod non antea iam di- ctum fuerit. Methodum aurem no- uam esse, quilibet spero, facile con- cedit, cum non deprehenderim, ea- dem, quam in præfenti elegi, via ante me quenquam incessisse: at vero præ- ter methodum in iure aliquid mutare, non ita facile, quam quidem in aliis, disciplinis licet, nisi erroneas DD. opi- niones nulli legi superstructas excipere velis. Equidem Antonius Henricus Mollenbecius, Rintelensis, I. V. D. iam olim Ao. MDCLXXII. Heydelbergæ in 8. publicauit *Radices & primordia Iu- risprudentiæ, siue Diuisionum Iuridicarum Centurias III. iuxta seriem Pandectarum dispositas*; sed Lector beneuolus facile ad-

PRÆFATIO AD LECTOREM.

aduertet, quod ille Autor ipsos solummodo diuisionum terminos explicare animum induxerit, vsum fori autem vel in paucissimis, vel plane non attigerit. Fuissent quidem, quæ & circa has terminorum expositiones ab eo adlatas moneri potuissent; sed labor nimium excreuisset, & simul, quod maximum erat, a scopo lectionum mearum publicarum ablusisset, quippe in quibus Auditoribus meis practicam saltem applicationem ostendere, ea vero, quæ subtilia videbantur, sequestrare & in tempus magis commodum reseruare volebam. Vtergo B. L. iuxta hanc meam intentionem præsentem laborem æstimare velit, est quod obnixè rogo. Dabam in Academia

Fridericiana d. XXIIIX. Dec.

M DCC II.



PRÆ-



PRÆFATIO

SECUNDÆ EDITIONIS.

Septem fere anni elapsi sunt, postquam præsentem librum de usu practico distinctionum iuridicarum prima vice publici iuris feci. Postquam vero iam ab aliquo tempore exemplaria distracta fuerunt, ego autem tum in Doctrina Pandectarum ante annum publicata, tum in supplementis meis ad Compendium iuris Lauterbachii subinde ad huncce distinctionum usum practicum prouocaui; hinc necessitas

PRÆFATIO.

tas efflagitauit, vt prelo ille denuo committeretur. Nata hinc est secunda hæc Editio, quam vides beneuole Lector, in aliquibus locis aucta & vere emendata, prout collatio prioris Editionis ostendet. Vtere ergo & hac editione, beneuole Lector, & studiis nostris porro faue. Dab. Halæ
d. XXIV. Septembr.

M DCC X.



PRÆ



PRÆFATIO
QVARTAE EDITIONIS.

LÉCTORI BENEVOLO

S. P. D.

IO. GERARDVS SCHLITTE.

Quarta hæc editio est, qua
B. DN. LVDOVICI,
IGti post fata quoque celeberrimi, & de iurisprudentia immortaliter meriti, *Vsus practicus Distinctionum Iuridicarum*, nunc meis curis illustratus, multisque adcessionibus locupletatus, in publicum profertur. Quibus rationibus quondam adductus Vir celeberrimus in hoc argumento desuda-

PRÆFATIO.

sudarit iam ipse tum in peculia-
 ri programme, tunc temporis
 euulgato, tum in præfatione pri-
 mæ editioni præmissa, fuisse edi-
 feruit. Mei vero facti, quod in
 recognoscendo hoc libello ope-
 ram posuerim, rationem ut Tibi,
Lector Beneuole, exponam, forte
 non abs re erit. Perspicuum vide-
 licet est, constatque inter omnes,
 quanta iuris, cum primis Saxoni-
 ci, commutatio facta sit, Ordi-
 natione Processus recognita, ante
 biennium, & quod excurrit, in
 Electoratu Saxoniae promulgata.
 Hinc facile est ad intelligendum,
 non posse non quod ad articulos
 iuris Saxonici, quibus liber hic re-
 fertus, iuris cultorem dubitatio-
 ne æstuarè, num ii Ordinationi,
 quam prædixi, Recognitæ exa-
 müssim respondeant, an vero ab
 eadem discrepent. Cui incom-
 mode

PRÆFATIO.


modo medicinam adlaturus, cuncta illa capita, quibus Ius Saxonicum Electorale nouissimum a veteri, atque adeo a quamplurimis AVCTORIS doctrinis abit, sollicite adnotaui, ac multa alia eiusdem argumenti commodis locis inserui, quo iuris cultori de vsu practico distinctionum iuridarum in Electoratu Saxoniae mox liquere possit. Qua cura cogitationeque suscepta, vt pro virili mea parte cupidæ legum iuuentutis, cum primis eorum, qui vocis meæ ministerio vtuntur, studia iuuarem, simul supplementis quibusdam libellum expleui, additis tum rationibus, tum limitationibus, tum denique practicis observationibus, ac nouis plane distinctionibus. Plura addere haud libuit, ne forma libelli nimis mutaretur. Ceterum in dubiis quæ-

PRÆFATIO:

stionibus, passim in hoc libello
 occurrentibus, nullius laudibus
 detraxi, sed ea sentiendi libertate
 usus sum, quam & AVCTOR
 ὁ μακρότης sibi indulsit, & nemini,
 si conuiciandi libido absit, negari
 posse, in confesso est. Vnde de-
 precor, ne detur amori, quod
 plerasque AVCTORIS senten-
 tias aduersus dissentientium DD.
 tela firmauerim, neue odio, vel
 æmulationi, quod in nonnullis
 modeste ab eodem dissenferim.
 Pluribus Te, *Lector honoratissi-*
me, haud moror, sed conatus
 hosce meos fauori Tuo com-
 mendans, quam optime Te va-
 lere iubeo. Dabam in Acade-
 mia Fridericiana d. X. Maii

CIO MDCC XXVI.

VSVS



Q. D. B. V.
VSUS PRACTICVS
DISTINCTIONVM
IURIDICARVM

IVXTA
ORDINEM DIGESTORVM.

LIBRI I. TITVLVS I.
De Iustitia & Iure.

DISTINCTIO I.
Inter Iustitiam *uniuersalem* & *parti-*
cularem.

Prima hæc communiter in Compen-
diis & Systematibus iuridicis sub
præsenti Titulo deprehenditur iu-
ris distinctio, cum qua alia inter
ius perfectum & *imperfectum*, siue
virtutem, (prout quidam loqui malunt,) coin-

P. I.

A

coin-

coincidere videtur, quam Pufendorffius alii-
 que DD. morales adhibere sueuerunt. Iustitia enim vniuersalis officia *amoris*, particularis vero officia *debiti* inculcat, ad priora autem illa ius perfectum, id est, cum coactione coniunctum, non competit, sed imperfectum saltem, h. e. pudori cuiuslibet relinquitur, an eadem præstare velit, an non; quo refero officia humanitatis, suppeditationem eleemosynarum, &c. vnde pauper ob denegatum subsidium charitativum actionem contra diuitem denegantem instituere non potest. Amor enim coactus amoris naturam statim amittit. Vfus huius distinctionis circa quæstionem: *quenam ex duabus illis Iustitiæ Speciebus Iurisprudentiæ finis sit?* præcipue sese exserit. Siquidem scire oportet iudicem, quinam officii eius sint limites, ne vel aliquid omittat, quod faciendum; vel aliquid faciat, quod omit- tendum erat. Duæ autem hic sese offerunt opiniones. Nonnulli, inter quos Lauterbachius, Iustitiam vniuersalem Iurisprudentiæ finem esse existimant: alii contra pro Iustitia particulari pugnant, quibus Dn. Hoppius accedit, & quorum sententiæ nos etiam calculum nostrum adicimus. Frustraneus quippe habetur finis, ad quem consequendum congrua remedia non prostant. At vero iudici qua tali, id est, qua-
 tenus iubet & punit, remedia homines ve-
 re

re virtuosos reddendi non suppetunt, sed eo est contentus, modo subditi actiones externas legum præscripto conforment, quamvis hæc conformatio ex animo virtuoso non procedat. Optat equidem probus Iudex, ut omnia, quæ fiunt a subditis, ex animo virtuoso proficiantur, impedimenta quoque externa remouet; sed remedia, quibus hoc votum suum præcise obtineri possit, ipsi deficiunt. Vnde iudices fallacem in alienam messem mittere eaque sibi arrogare non debent, quæ ad forum Philosophicum vel Theologicum pertinent; Theologi contra & Philosophi ea, quæ ad iudicia externa pertinent, non inuolent.

DISTINCTIO II.

Inter Iustitiam *distributiuam* & *commutativam*, item: inter Proportionem *Geometricam* & *Aritmeticam*. A)

Aequæ frequens hæc est, ut præcedens, non tamen æquæ clara, nec æquæ utilis.

A) Ne mox in limine Iuris cultor ad hos scopulos offendar, non abs re erit, breuem horum terminorum explicationem subiungere. Proportio *geometrica* dicitur, **A 2** quan-

lis. Nondum enim inter se conueniunt DD. quomodo vtraque iustitia definienda sit. Multi ad distributiuam referunt distributionem munerum, honorum, & pœnarum criminalium, iure humano statutarum, proportionem geometrica faciendam: ad commutatiuam vero res priuatorum, vi præcedentium contractuum distribuendas, item pœnas ciuiles & criminales, iure diuino dictatas, & hic proportionem arithmeticam obseruandam esse dicunt, v. Hopp. *comm. ad pr. I. de I. & I. late Struu. S. I. C. Ex. t. tb. 19. sqq. lac. Thomaf. Phil. Pract. Tab. XXIII. & XXIV.* Pufendorffius contra & distributiuam & commutatiuam ad ciuilem contractus refert, & distributiuam quidem in societatis contractu adesse dicit, *lib. 1. de I. N. & G. c. 7. §. 9.* Hugo Grotius *de I. B. & P. l. 1. c. 1. §. 8.* Iustitiam attributricem suam & expletricem substituit, & hic

quando inter plures numeros *ratio multiplicitatis est eadem*, e. g. 2. 4. 8. 16. 32. 64. cetera, heic ratio semper est *dupla*; vel 1. 3. 9. 27. 81. cetera, heic ratio semper est *tripla*. Proportio *arithmetica* est, quando inter plures numeros *differentia est eadem*, v. gr. 3. 6. 9. 12. 15. 18. cetera, heic eadem differentia, quæ est inter 3. & 6. quoque inter 6. & 9. inter 12. & 15. intercedit.

hic disputant, an expletrix cum Aristotelis commutativa, attributrix vero cum distributiva conveniat? quod negat Thomas. *loc. cit. ibique in not.* Alii in societate æquali proportionem arithmeticam admittunt, intuitu inæqualis autem inter medium inveniendi & inuentum applicandi distinguunt. Simon *in not. ad d. Grotii loc. verb. Proportionem comparata.* Vides, incerta esse omnia. Prout vero nulla adest certitudo, ita quoque nulla utilitas huius distinctionisprehenditur. Prouoco ad omnes Iudices & Aduocatos, an hæc distinctio illis vnquam vel minimum vsum in decidendis, vel perorandis causis præstiterit? Iusta quoque manebit sententia iuxta Leges concepta, licet Iudex interrogatus respondere nesciat, quam iuxta proportionem eandem conceperit. Nec ergo multum operæ impendere necesse habebit iuris cultor, vt hanc proportionem sibi sollicitè imprimat.

DISTINCTIO III.

Inter Ius diuinum & humanum.

Hanc utilissimam esse nemo negabit. Princeps legibus a se latis non obligatur, bene tamen diuinis, quorsum refero, quod ad seruanda pacta cum subditis inita, quæ Leges fundamentales vocant, sit obli-

gatus, quia ius diuinum, naturale pariter & reuelatum, pacta seruanda esse inculcat. Ex quo porro deducitur; Principem non posse talia subditis suis iniungere, quæ Legi diuinæ aduersantur, sed tunc locum habere illud: *Deo magis obediendum, quam hominibus.* Denique in materia dispensationis pœnarum & nuptiarum huc vnice respiciendum est. Potest Princeps dispensare circa pœnas, iure humano statutas, non quæ ex diuino profluunt, vnde pœnam homicidii indispensabilem esse recte asseritur, B) propter tam euidentem textum *Genes. 9. v. 6.* repetitum in N. T. *Matth. 26. v. 52.* Neque nuptias

B) Hæc sententia dubio haud vacat, nec textus ab AVCTORE excitatus adeo euidentis est, 1) quoniam genius linguæ Ebraicæ non absolute infert *præceptum*, sed habet significationem *futuri temporis.* 2) Non præscribi in illo textu *Legem* magistratui politico, inde vero fit simile, quoniam tunc temporis *nulla* in familia Noachi erat *respubl.* nullus *magistratus.* 3) Quia dictum illud non continet *nouam Legem*, sed est saltem *appendix* L. præcedentis de non comedendo sanguine. Vid. Ill. DN. THOMAS. *Fundament. Iur. Iur. Nat. & Gent. Lib. 3. cap. 7. §. 21.* & cum primis *Disp. de Iure aggratiandi Princip. Euangel. in caus. homicid. cap. 4. §. 4.*

nuptias in illis gradibus contrahendas permittere iure poterit, quas Deus ter O. M. *Lev. 18.* prohibuit. Vnde errat Carpzovius *Ipr. Eccl. Lib. 2. Def. 99.* putans, matrimonium in gradu secundo lineæ inæqualis contractum (de facto) non rescindi, ob *Lev. 18. in f.* ubi dicitur: Sie sollen ausgerottet werden. Idem enim esset, ac si in Rep. subditus circa Legem a Principe promulgatam sibi potestatem dispensandi sumere vellet. Quid ergo dicendum de Pontificibus, quibus potestatem supra omnia & contra omnia, & facultatem contra ipsum ius diuinum dispensandi tribuunt eorum adulatores? v. Reinking. *de regim. secul. & eccl. l. 1. class. 2. c. 4. n. 50. seqq.* & *Disp. nostr. de iudice in caus. Princ. protest. matrim. §. 7.*

DISTINCTIO IV.

Inter Ius naturæ & positivum uniuersale.

Quæ hic ad historiam pertinent, summam recensuimus in *Delineatione Historiæ iuris naturalis & positiui uniuersalis.* Ceterum ad id prodest adlata distinctio, ut imbecillitatem rationis nostræ sibi relictæ eo melius agnoscamus, atque Deo ter O. M. pro reuelatione voluntatis suæ humilissimas gratias persoluamus. Scilicet cum ex lumine naturæ, ea tantum iniusta esse, quæ

socialitatem turbant, homini Ethnico demonstrari queat; sequitur exinde, multorum criminum sceditatem ius naturæ ignorare, quæ tamen ex Sacra Scriptura facile agnosci potest. Ceterum ratione obligationis inter vtrumque ius nulla intercedit differentia, cum vtroque omnes homines æqualiter obstringantur, & sic ignorantia iuris positiui vniuersalis excusationis loco a nemine adduci queat. Inde Deus præter alia crimina Cananæos etiam propter commissum incestum sedibus suis eiëcit, in cuius tamen prohibitione demonstranda ratio sola admodum cœcurit. Et ergo necessario supponendum est, Deum illas leges aliquando toti humano generi, vel certe personis post diluuium, illud repræsentantibus, promulgasse; alias enim propter transgressionem Legum nunquam promulgatarum pœna infligi non potuisset. De criteriis cognoscendi leges vniuersales positiuas in *cit. De lineatione* §. 114. egimus add. Seldenus in *tr. de iure nat. & Gent. iuxta disciplin. Hebræorum*.

DISTINCTIO V.

Inter Ius diuinum positium *vniuersale & particulare*.

Leges vniuersales a particularibus exacte discernere, maximam post se trahit utilita-

litatem. Scilicet leges vniuersales adhuc hodie æque vt in V. T. obligant, atque adeo Legislatoribus nostris ne larum quidem vnguem ab iisdem recedere fas est. De Legibus autem particularibus, siue per eas *forenses*, siue *ceremoniales* intelligas, vnanimis DD. est sententia, eaque veritate superstructa, quod post extinctam Remp. Hebræorum eadem quoque cessent, cum ad statum illius Reip. fuerint accommodatæ, quo statu mutato & illæ quoque mutationem passæ sunt; qua de re conferri meretur doctissimus libellus, quem *de Habitu religionis* conscripsit illustris quondam Pufendorffius. Distinguit equidem Lauterbach *in Comp. iur. b. t.* inter ius forense vniuersale & particulare; sed vel per vniuersale illud intelligit ius morale, vel illa distinctio, si alium significatum iuri forensi vniuersali tribuere voluit, nullo fundamento nititur.

DISTINCTIO VI.

Inter Ius *naturale* & *Gentium*.

Variis quidem modis C) supponitur vox *iuris Gentium*, de quibus consulendus Excell.

C) Nimirum 1) pro *attributo personæ*, seu *facultate*, quam gentes, natura permittente, exercent, 2) pro *moribus* plurium

Excell. Thomafius in *Iurispr. diuin. l. 1. c. 2. §. 103.* communiter tamen pro *moribus plurimum Gentium* iure suo eodem modo vrentium accipitur, v. g. vt ipsum bellum præcedat denunciatio: vt captiui in feruitutem redigantur, &c. Mores tamen illi speciem aliquam iuris positiui humani non constituent, vt voluerunt aliqui, v. Rachelium in *pecul. Disp. de Iure Gentium*. Nullus enim vnquam fuit Monarcha, qui omnibus gentibus imperasset, & sic illis legem aliquam communem præscribere potuisset. Nec adest spontanea subiectio, vtpote de qua in historiis altum est silentium. Pactum quoque expressum de eiusmodi moribus seruandis nunquam inierunt gentes, & si iniussent,

gentium, quando nempe iure suo vnanimiter & eodem modo vti solent, 3) pro *iure ciuili* multarum gentium, quorsum spectant *modi acquirendi*, qui *iuris gentium* dicuntur, 4) pro *iure gentium proprie sic dicto*, qua denotat legem, officia gentium inter se, qua sunt gentes, concernentem, 5) pro ipso *iure naturali*. quoniam id obligat omnes gentes. DN. THOMAS. *d. l.* Qui vltimus significatus in LL. ciuilibus passim obuius. Vid. *§. 1. ff. de J. N. G. & C. §. 11. & 41. ff. de R. D. l. 9. ff. de J. & J. L. 31. ff. Depos. L. 1. ff. de A. R. D.*

sent, exinde non oriretur peculiaris iuris
positivi species, sed obligatio ex iure natu-
ræ proveniret, quod pacta servanda esse di-
ctitat. Idem dicendum de pacto tacito,
quod nonnulli in subsidium vocant, quam-
vis ne hoc quidem adsit, cum actus ille, quo
gentes aliarum gentium mores imitantur,
tale pactum non inferat, quemadmodum
exinde etiam nulla obligatio profluit, quan-
do privatus alterius privati actiones & mo-
res imitatur. Hisce suppositis usus distin-
ctionis inter sic dictum ius Gentium & natu-
ræ in oculos incurrit. Scilicet ius naturæ
mutationi non est subiectum, sed omnes
Gentes ad continuam eius observationem
obstringuntur; mores Gentium autem pro
lubitu a qualibet gente, altera etiam invita,
mutari possunt. Omittitur iam hodie in-
terdum denunciatio bellica, & eo ipso ta-
men iustitiæ belli nihil decedit, si illud alias
iustum est. Et quid si vna gens omnes ca-
ptivos interficere iuberet, an putas reliquis
ius contradicendi competere? Adest aliud
recens Exemplum. Anno 1702. Mense Maio
Ordines Generales Belgii vniti Edictum
promulgabant, daß alle und iede Caper, so
zwischen denen Sonnen und Baacken vor dem
Lande, oder auch gar in den Häven ertappet
würden, ungeachtet ihrer Commission, mit
dem Tode gestraft werden solten: at vero alias
illi, qui eiusmodi excursionibus maritimis
vacant,

vacant, militibus voluntariis comparantur, & instar aliorum captiuorum militum tractantur. Sane hoc facere non potuissent Ordines Generales, si ius aliquod proprie sic dictum in contrarium adfuisse. Vnde non cohærebat iudicium Autoris der Relation aus dem Parnasso vom 2. Jun. 1702. qui rem decidere volebat: Apollo gab zur Antwort, daß zwar die eingeführte Gewohnheit aller Völker ein Recht mache, (sed hoc erroneum, quia Gentes non habent superiorem, a cuius adprobatione tamen consuetudo robur suum accipit,) und auch in einem offenbahren Kriege beyde Parthenen zur Beobachtung dessen verbinde, iedoch nur also, daß die hohe Obrigkeit die Freyheit behalte, zum besten dero Unterthanen eine andere Verordnung zu machen und die allgemeine Gewohnheit aufzuheben, (hoc fieri non possit, si mores Gentium ius facerent; nam & Princeps hoc iure esset obligatus,) insonderheit wenn solches vorher gebührender massen kund gemacht wird, daß sich, so zu reden, alle, denen es zu wissen nöthig, darnach achten können.

DISTINCTIO VII.

Inter Ius Gentium *primæum* &
secundarium.

Illud ex ratione, hoc autem ex ratiocinatione deductum esse volunt, v. Wesenbec.

dec. *Parat. ff. b. t. n. 15.* Ita vero vtrumque describunt, vt ius Gentium primæuum tale non maneat, sed vt cum iure naturæ coincidat, prout iam obseruauit Struui. *Exerc. L. Thes. 54.* Ad quid ergo proderit hæc distinctio, nisi quod entia præter necessitatem multiplicentur, præcipue cum Ius Gentium, quod secundarium vocant, ad ius positium neutiquam referri posse, paulo ante demonstrauerimus.

DISTINCTIO VIII.

Inter Ius naturæ *proprie* & *improprie* tale.

Tribonianus cum in *princ. I. de I. N. G. & C.* ius naturæ non humani generis proprium, sed omnium animalium, quæ in cælo, mari & terra nascuntur, esse dixisset; nonnulli, vt ab ignorantiae vitio eum liberarent, distinctionem hanc in medium prorulerunt, & Tribonianum de iure naturæ improprie sic dicto saltem locutum esse affirmarunt. Est certe hæc distinctio eius generis, ac si quis inter hominem proprium & improprium distinguere, & per hominem improprie dictum, simiam, vel aliam bestiam bipedem intelligere veller. Imo non absimilis est alteri cuidam inter barbam rationalem & irrationalem, quam posteriorem capro tribuerat non nemo. Quemadmodum ergo non datur ius naturæ improprie sic dictum: ita

ita nec adlata distinctio vllum vsum post se trahit. Anne enim Iudex forsan bestias improprie punire poterit? an improprie contrahent, delinquent, &c.? vid. *Hopp. Exam. Inst. de I. N. G. & C. qu. 3.*

DISTINCTIO IX.

Inter ius naturæ præceptium & permissuum.

Impugnat quidem hanc distinctionem Pufendorfius *de I. N. & G. lib. 1. Cap. 6. §. 15.* & Modestinus in *l. 7. ff. de LL.* non satis accurate locutum esse existimat, quando hic ad Legis virtutes etiam permissionem refert, cum ea non sit proprie actio Legis, sed actionis negatio. Verum enim vero hæc curiosa saltem esse videntur: putamus nos, eam distinctionem omnino retineri posse, cum rem ipsam satis clare exprimat. Vfus autem eiusdem sat manifestus est. Scilicet circa ea, quæ ius naturæ præcipit, Principi potestas disponendi non competit, bene autem illorum intuitu, quæ nec prohibentur, nec præcipiuntur, sed *D)* permissa sunt. Vnde

D) Non ineleganter rem alii efferunt, distinguentes inter Ius Naturæ, qua denotat *Legem naturalem*, & qua denotat *facultatem naturalem*; priori respectu mutari

Vnde principes multa ad regalia sua traxerunt, quæ tamen iure naturæ cuilibet permittébantur, e. g. venatio, piscatio, aucupium, &c. Quod si vero Princeps pactorum violationem, aliorum læsionem, iniuriam, &c. inter res licitas referre veller, tunc eius dispositio non minus irrationabilis dicenda foret, quam consuetudo, quæ contra ius naturæ & diuinum reuelatum impingit.

~~~~~

## NOVA DISTINCTIO.

Inter Ius ciuile *merum* (purum)  
ac *mixtum*.

**I**llud dicitur, quod ex *mera ratione ciuili* a populo R. excogitatum ac stabilitum est: quorum pertinent Stipulatio, & Contractus chirographarius, *hoc*, quod originem habet ex Iure Naturæ & Gentium, & L. ciuili vel omnimodo *adprobatum*, e. g. contractus plerique, vel ei quid *additum*, e. g. patria potestas, Nuptiæ, Tutela, Dominia, cetera; vel ei quid *detractum*, v. g. quod fœmina ex fideiussione, filiusfam. ex contractu mutui, in pecunia numerata consistentis, haud obligetur.

L.II.

rari nequit, bene tamen *posteriori*, quorum spectant exempla ab AUCTORE adlata.

# De Origine Iuris, & omnium Magistratuum, & Successione Prudentum.

## DISTINCTIO I.

*Inter Leges, Interpretationes prudentum, Plebiscita, SCta, Prætorum Edicta, & Principum Constitutiones.*

**T**heoretice hæc omnia quam maxime a se differre, nemo negabit, cum ratione originis diuersissimam habeant naturam. *A)* Hodie tamen, postquam Imp. Iustinianus omnia sua fecit, quæ quondam diuerso tempore & diuerso modo intro-

*A)* Vnde nata distinctio inter *Ius ciuile strictius* dictum, & *Ius prætorium*. Illud, quod ex LL. Plebiscitis, SCris, Constitutionibus Principum, & Auctoritate Prudentum venit *l. 7. ff. de I. & I. hoc*, quod *Prætores* Edictis suis introduxerunt. *d. l. 7. §. 1.* Sic alia est Successio *ciuilis*, alia *prætoria*, h. e. Bonorum Possessio; alia *Obligationes ciuiles*, alia *prætoriae*, alia *Actiones ciuiles*, alia *prætoriae*, cetera.

troducta fuerant, exigua admodum supererit differentia; v. *Constit. Dedit nobis. de Confirmat. Digest. §. 10.* Hoc saltem mansit ex iure prætorio, quod actiones pœnales, v. g. iniuriarum, anno B) præscribantur *utili*, C) contra illæ, quæ ex *Lege*, *Scito*, siue ex *Sacris Constitutionibus* proficiuntur, in perpetuum D) competant. *pr. I. de perpet. & temporal. action.* Idem obtinet in actionibus prætoriis, rem quidem persequentibus, ad rescissionem actus gesti vero tendentibus, ubi annus *utilis* ad eas instituendas conceditur, v. g. in Pauliana, rescissoria, restitutione in integrum, quem annum utilem in quadriennium continuum commutavit Imperator in *L. ult. C. de Temp. in integr. restitut.* v. Illustr. Dn. Stryk. *de Action. forens. inuest. Sect. 3. Membr. 3. Ax. 2.* vid. *Tit. sequ. Distinct. II.*

## DISTIN.

B) Ita regulariter. Exceptiones vid. *infra Lib. 44. Tit. 7. Distinct. 13.*

C) Si usum fori spectes, annus ille in actione iniuriarum *utilis* saltem est ratione *initii*, h. e. non currit, nisi a *die scientiæ*, in *curso* vero est *continuus*. BACHOV. & HOPF. *ad §. f. I. de Iniur.*

D) Ita ut olim *omni tempore*, etiam post 100 annos, possent institui, hodie vero, ut ad summum 30 vel 40 annos durent. *pr. I. de Perpet. & Temporal. Action. ib. VINN.*

P. L.

B

## DISTINCTIO II.


Inter Responsa Prudentum *ad Instantiam unius Partis, & ad Requisitionem Iudicis* concepta.

**R**esponsa Facultatum Iuridicarum, Scabinatum, singulorumque Iurorum (modo hi gradu academico *E*) sint insigniti, illustr. Dn. Stryk. *in not. ad Brunnem. ius eccl. l. 3. c. 8. §. 4.*) ab expensarum quidem refusione liberant succumbentem, *F*) & probabilem litigandi causam efficiunt, v. Brunn. *Proe. Ciu. cap. 27. num. 78.* Iudicem tamen non constringunt, ut ad eorum normam sententiam suam proferre teneatur, si scilicet perpensis fideliter actis ipsi contraria sententia magis vera videatur, *Mev. P. 1. Dec. 110. num. 5.* Aliud obtinet, si ad requisitionem iudicis, vel partibus hoc petentibus, vel ex officio etiam, Collegia iuridica transmissis ad eadem Actis iudicialibus, sententiam concipiunt, tunc enim Iudici, licet ad ipsius gustum

*E*) Quoniam gradu academico decoratis saltem publice *de iure respondendi potestas* conceditur.

*F*) Modo factum bona fide narratum fuerit ab eo, qui responsum impetrauit, alioqui ab expensis *haud liberabitur.* *M. E. W. Consil. CX. n. 230. B. STRYK. V. s. mod. ff. b. t. §. f. LAVTERB. diss. de Expens. victor. th. 44.*

stum non fuerit pronunciatum, eandem mutare vel ab Actis reiicere non permittitur, sed parti grauatae competentibus remediis suspensiuus illam impugnare liberum est. Ceterum regulariter hodie acta iudicialia ad priuatos ICros non transmittuntur, nisi in Ducatu Cliuiæ, vbi hoc in iudiciis inferioribus adhuc interdum fieri solet. Idem obtinet in aliis Westphaliæ iudiciis.



## LIB. I. TIT. III.

## De Legibus, Sctis, &amp; longa Consuetudine.

## DISTINCTIO I.

*Inter Legem scriptam & Consuetudinem.*

**C**irca Consuetudinem *duæ* quæstiones ab inuicem probe sunt separandæ, prima: *an existat?* & secunda: *an obliget?* Quantum ad *secundam* attinet, nulla deprehenditur inter legem scriptam & consuetudinem differentia, cum vtriusque eadem sit vis & efficacia obligandi, & actus contra consuetudinem commissus non minori nullitate laboret, quam qui contra Legem

gem scriptam suscipitur, v. l. 33. 35. & 36. ff. b. t. & hoc respectu *iuris* esse dicitur consuetudo. Ratione quæstionis *primæ* autem notabilis sese differentia exserit. Scilicet, quæ in Lege scripta deprehenduntur, a nemine ignorari debent, sed inter res notorias referuntur, & sic probatione non indigent; diuersum obtinet intuitu consuetudinis. Hæc siquidem ex diuersis demum actibus introducitur, hi actus autem in facto consistunt, & sic probatione indigent, vnde & ipsa consuetudo in hac consideratione *facti* esse dicitur. Hinc est, quod positiones non quidem de iure communi scripto, sed tamen de consuetudine concipi queant, Gail. l. 1. obs. 82. n. 13. sequ. Mynsing. Cent. 5. Obs. 88. num. 4. sequ. Item, quod ius scriptum non sit obiectum probationis, & articulorum probatorialium, bene tamen consuetudo, v. Struv. S. I. C. Ex. 2. tb. 21. & Exerc. 28. tb. 8. Plura huc facientia collegimus in *Diff. nostr. de Icto sine Lege loquente* §. 30. 31. & 32. vbi Wesenbecio etiam respondimus, qui ius eo casu probandum esse censet, cum illud ab aduersario negatur. Ex his præmissis etiam profluere censeo, quod, quando dicunt, iuris ignorantiam nemini prodesse; id saltem de iure scripto, non autem de consuetudine intelligendum sit. Facta enim scire omnes non possumus.

## NOVA DISTINCTIO.

Inter *Consuetudinem*, *Observantiam*,  
*Stylum Curiae*, ac *Ritum*.

**D**iffert *Consuetudo* ab *Observantia*, quod ad illam actus plures requirantur, hæc vero uno etiam actu contenta sit, arg. *L. 14. §. 2. ff. de Aliment. & Cibar. legat.* vbi dicitur testator ea alimenta viuis *præstare solitus*, quæ vel *unica* vice, eaque nouissima, præstirir. Sic solutione ministro creditoris facta, debitor non liberatur, nisi creditor *solutus sit* per eiusmodi ministrum credita exigere, ad quod etiam *vnus* actus sufficit. DN. de BERGER *Oecon. Iur. Lib. 1. Tit. 1. §. 19. Not. 1. & Lib. 3. Tit. 15. §. 2. Not. 3.* a *Stylo Curiae*, quod illa circa *definitionem causarum*, vel etiam circa actus *extra iudiciales*, hic circa *ordinem & modum procedendi in iudicio* versetur. BLVM. *Proc. Cameral. Tit. 2. n. 22.* B. STRYK. *Disp. de Stylo Curiae. cap. 1. n. 43.* Sic iuxta *Stylum Curiae Iudicii Cameralis* vna *generalis* citatio ad totam causam emanat. Sic in Saxonia in causis metallicis tantum *viua voce*, non in scriptis, appellatio interponenda. Vid. *infr. Not. ad Lib. 42. Tit. 1. Distinct. 1. lit. e.* Sic iuxta *Stylum Curiae* in Curia prouinciali Lipsiensi libellus in termino *quod ad verba singula* repeti debet, sub pœna 5 thal. CARPZOV. *Proc.*

*Tit. 6. Art. 1. n. 15. seqq. a Ritu, qui denotat  
solemnitatem, secundum quam actus cele-  
brandus, v. gr. quod testamentum solemne  
in scriptis conditum a septem testibus mascu-  
lis, iisque rogatis, & uno tempore præsen-  
tibus, subscribi & subsignari debeat. ME-  
NOCH. de Præsumt. Lib. 2. Præf. 8. n. 6.*



LIB. I. TIT. IV.

# De Constitutionibus Principum.

## DISTINCTIO I.

*Inter Rescripta & Decreta.*

**R**escripta, quia ad vnius saltem partis instantiam promanant, non trans-  
eunt in rem iudicatam, nec intra de-  
cendum præcise sunt impugnanda; sed iis-  
dem etiam post illud elapsum, exceptio sub-  
& obreptionis *A*) opponi & sic eorum effe-  
ctus

A) Vfu fori exceptio *subreptionis* locum habet, quum in supplicatione *veritas omiffa*, *obreptionis* vero quum *mendacium* est *exprefsum*. In LL. ciuilibus *differentiam* hanc non adcurate femper obferuari conftat



Statu elidī potest, *v. tot. tit. C. Epistol. comminat. programmi* Brunnem. *Proc. ciu. C. 28 n. 14. Mev. P. 1. Dec. 192.* Principis enim voluntas non hæc fuisse præsumitur, quod alterum inauditum condemnare velit, sed potius clausulam illam: *si preces veritate nitantur*, tacite *B)* inseruisse censeatur, *l. 7. C. de diuers. Rescript. c. 2. X. de Rescript.* & iudices, qui vetuerint præcum argui falsitatem, decem librarum auri multa puniri iubentur in *l. 3. C. Si contr. ius vel util. publ. vel per mendac.* E contrario autem Decreta per remedium suspensium *C)* intra fatale

[ stat ex *L. 3. ff. de Carbon. Edict. L. 1. C. Si Nupt. ex Rescript. pet.* Add. *B. STRYK. disp. de Falsitat. prec. Principi oblatar. cap. 2. n. 5. seqq.*

*B)* De Iure Canonico hæc Clausula *tacite* subintelligitur per *cit. c. 2.* secus de Iure *ciuili*, vbi diserte inferenda per *d. l. 7.* Praxis sequitur Ius Canonicum. *B. STRYK. Vsf. mod. ff. b. t. ff. 7.*

*C)* Intelligitur beneficium *supplicationis*, cui locus, si ob *eminentiam personæ* adpellatio cessat. Quod remedium *intra biennium* a die latæ sententiæ, interponi potest, licet hoc casu sententiæ exsequutionem non suspendat; secus si *intra decendium* interponatur, vbi vtrique exsequutio suspenditur,

rale decendii omnino a viribus rei iudicatæ sunt suspendenda, quod & tunc obtinet quando iudex ad normam impetrati rescripti sententiam protulit *D) Mev. P. 1. Decis. 244. v. Carpz. P. 1. Const. 26. Def. 19.*

## DISTINCTIO II.

*Inter Leges & Principum constitutiones.*

**H**aec distinctio ad historiam iuris eo melius intelligendam pertinet, in praxi tamen usum non præstat. Scilicet *leges* vocabantur, quæ in statu democratico reip. Romanæ in comitiis populi in campo Martio interrogante Consule: *Velitis, iubeatis, Quirites, Cives*, ferebantur. Si enim placebat lex a Consule proposita, respondebat

ditur, nisi pars victrix *satisfactionem* præsteret *de restituendo* in euentum, vel nisi exsequutio sit *irretractabilis*. BRUNNEM, *Proc. civil. cap. 28. n. 114. seqq.*

**D)** Iuvat paullo clarius rem exponere, nimirum, quod Rescripta Principum *decisiva*, h. e. antegressa sufficienti causæ cognitione, & audita utraque parte, emissa, utique in rem iudicatam transeant, nisi aduersus ea, publicatione a Iudice facta, remedium suspensuum interponatur. CARPZOV. *loc. cit.* de BERGER *part. 1. Resp. 90.*

bat *E*) *populus: Vti rogas*; si displicebat: *Antiquo*, v. Huber. *Digress. P. 1. l. 1. c. 15. n. 2. & l. 4. c. 30.* Vnde descriptio legis Papiniani in *l. 1. ff. de LL. quot sit communis reip. sponsio*, ad eadem tempora referri deber. *Constitutiones* in statu monarchico originem suam ceperunt, postquam Impp. monarchiam non amplius dissimulabant; ab initio enim *SCra* solum *F*) vocabantur. Hodie siue legem dicas, siue constitutionem, in effectu nihil interest.

## DISTIN.

*E*) Olim *viua voce*, post *L. Cassiam* in *tabellis*, quarum alteri inscriptæ litteræ *V. R.* h. e. *vti rogas*, alteri littera *A*, h. e. *Antiquo*, HUBER. *loc. cit.*

*F*) Impp. enim *LL.* constituendas *orationibus* complectebantur, quas coram Senatu habebant, ut huic esset censendi arbitrium, qui tamen improbare non audebat, & tunc sequebatur *SCrum*. Quæ observatio insignem usum præstat ad antinomias *adparentes* conciliandas. Sæpenu-mero enim quod in vna Lege *Orationi Ppis* adscribitur, alibi tribuitur *SCto* vid. *l. 59. & l. 64. §. 1. ff. de R. N. iunct. l. 60. ff. eod. l. 8. ff. de Transact. iunct. l. 23. §. 2. ff. de Condict. indeb. l. 1. ff. de Reb. eor. qui sub tutel. iunct. l. 7. C. de Præd. minor.* Add. BRIS-SON. *select. antiquit. Iur. civil. Lib. 1. cap. 16.*

## DISTINCTIO III.

Inter Priuilegia *realia* & *personalia*.

**V**fus distinctionis in confesso est. *Personalia* priuilegia personæ inhærent, *G*) & cum persona extinguuntur, *realia* autem a persona abstrahunt, & propterea ad quoscunque possessores transmittuntur, e. g. si ædes immunitatem a metatis & contributionibus obtinuerunt: si ius braxandi illis cohæret, &c.

## DISTINCTIO IV.

Inter Priuilegia *gratiosa* & *onerosa*.

**P**riora pro lubitu *H*) reuocare potest Princeps, quia precario comparantur; posteriora non item.

## NOVA

**G**) Ita *regulariter*. Nonnunquam tamen ex *L.* dispositione vel idem priuilegium *ad alios transit*, vel *effectus priuilegii cum aliis communicatur*, vel propter *necessariam consequutionem* alii eiusdem priuilegii fiunt participes, quæ singula fuse persequitur, ac exemplis collustrat *HERTIUS Disp. de Transf. Priuileg. personal. ad alios*.

**H**) Hæc adfertio procul dubio obtinet in priuilegiis *ad beneplacitum*, auf Wohlgefal-


## NOVA DISTINCTIO.

Inter Priuilegium *fauorabile* &  
*odiosum*.

**I**llud est, quod ad *fauorem* & *commodum* priuilegiati respicit, hoc, quum Princeps Pœnam *ordinaria grauiorem* propter exemplum dicat, wenn der Fürst einen exemplarisch strafet §. 6. I. de I. N. G. & C. *Hodie*

fallen, concessis, hæc enim vltcrius durare nequeunt, quam Principi concedenti id placuerit, per reuocationem autem factis indicat, sibi hoc amplius non placere. Idem dicendum de priuilegiis, quæ *Clausulam reuocatoriam* in se continent, e. g. Jedoch behalten Wir Uns bevoor, dasselbe zu verändern, zu vermehren, zu vermindern, oder gar aufzuheben. At si ex tenore priuilegii constet, quod illud *perpetuo* priuilegiato concessum esse debeat, magis est, vridem pro lubitu reuocari nequeat, quum eiusmodi concessio quam proxime ad donationem inter viuos adcedat, quam pro lubitu reuocari haud posse iuris est tralatitii. Vid. KLOCK. de *Contribut. cap. 16. sect. 1. n. 134. seqq.* ENENCKEL Baro de *Priuileg. Lib. 3. cap. 7.* L. B. de LYNCKER *Commentar. ad Ius ciuil. b. t. §. 15.* ZIEGLER. de *Iur. Maieft. Lib. 1. cap. 12. §. 13.*

*die priuilegii adpellationem magis de fauorabilibus vsurpari recte submonet PAGENSTECH. Siciliment, ad Lauterbach. Manipul. 2. §. 29. p. 141.*



## LIB. I. TIT. V.

## De Statu Hominum.

## DISTINCTIO I.

## Inter Masculos &amp; Fœminas.

**L**euis hæc & sollicita inquisitione haud digna viderur esse distinctio, cum & rusticis notum sit, quod homines ratione diuersi sexus a se inuicem distinguantur; verum salua res est, si ad effectus iuris exinde profluentes oculum conuertas. Quæritur enim: *annon alter sexus præ altero ratione iuris aliquid præcipui habeat?* Vbi quidem primo regula ponenda: quod in dubio vtriusque sexus eadem sit conditio, eademque iura. Fœmina siquidem non minus ac masculus dominia; seruitutes, hereditates, &c. acquirere, constituere atque transferre potest, item eodem modo cum masculis contractus firmiter celebrare valet, & quæ sunt similia, vnde non statim credendum est ei, qui discrimen inter vtrumque

que sexum intercedere adstruit, sed hic intentionem suam probare obstrictus est; interrim tamen nec hoc diffiteri possumus, ex legum dispositione multas introductas esse differentias. Facile enim patet illi, qui ius nostrum debita cum diligentia perlustrauit, fœminas *interdum deteriores* A) e. g. in testimonio testamentorum, B) successione in fideicommissis familiæ, adipiscendis officiis publicis &c. in contractibus in Saxonia, quos sine curatore celebrare nequeunt; C)

*inter-*

A) Id quod aperte insinuat PAPINIANVS in l. 9. ff. b. t. *In multis iuri nostri articulis deterior est conditio fœminarum quam masculorum.*

B) Solemnium, in minus solemnibus seu priuilegiatis vtrique admittuntur, si a solo testamento rusticorum discesseris. B. STRYK *de Cautel. Testamentor. cap. 13. §. 14.* In Testamento tempore pestis condito excluduntur quidem de Iure Romano, non verobodierno. IDEM *d. Tr. cap. 11. §. 14.*

C) Hoc generatim adferi nequit, sed distinguendum inter fœminas nuptas & innuptas. Hæ, si maiorennæ sint, iure Saxonico communi extra iudicium de omnibus bonis, RICHTER. *part. 1. Dec. 27. n. 22.* iure Saxonico electorali tantum de mobilibus contrahere possunt, per CONSTIT. SAXON.

*interdum melioris esse conditionis præ ma-*  
*sculis, e. g. intuitu ignorantiae iuris civilis,*  
*fide-*

XON. 15. p. 2. & DECIS. SAXON. 24. ne-  
 tiquam vero de *immobilibus*, nisi contra-  
 ctus mulieri sit utilis, vel in præsentia co-  
 gnatorum, vel cum parentibus aut libb.  
 celebratus, vel mulier sit illustris, regalia  
 habens, vel si eum, qui contractui con-  
 sensum præstitit, postea tanquam Cura-  
 torem confirmari petat, quas limitationes  
 fusius persequitur CARPZ. ad d. Const. 15.  
 def. 8. seqq. illæ vero regulariter consen-  
 su mariti, ceu curatoris contrubialis, opus  
 habent, Land-Recht Lib. 1. art. 31. & 45.  
 (Regulariter, inquam, secus enim est  
 quod ad *negotiationem æconomicam*, vel  
 si mulier de bonis *receptitiis* disponat, de  
 BERGER Resol. Laut. p. III. & Disp. de Dis-  
 crim. bonor. vxor. §. 27. seqq. aut tanquam  
*mercatrix* contrahat, d. Const. Sax. 15.)  
 eiusque solius auctoritas sufficit, nisi 1)  
 vxor *generatim* curatorem ad litem sibi  
 constitui curauerit, 2) cum *ipso marito*,  
 vel in *eius commodum* contrahat, e. g. si  
 res vxoris immobilis alienetur, hoc fine,  
 ut maritus, defuncta vxore, pretium,  
 tanquam rem mobilem, lucretur, quibus  
 casibus utique consensus curatoris ad li-  
 tem adcedat, necesse est, per dict. DE-  
 CIS. 24.



fideliſſionis, &c. Prioris XCI. poſterioris XXXVIII. caſus recenſet Frider. Pruckmannus *de differentiis utriusque ſexus*, quos omnes tamen examinare inſtituti noſtri non eſt. Legi merentur, quæ habet Paganinus Gaudentius *intr. de morib. nonnull. ſeculi Juſtin. P. 2. c. 32. & 33.* ubi dicit, Juſtinianum fuiſſe vxorium, eumque Theodoræ Auguſtæ rem gratam facere voluiſſe, vt commoda mulierum promoueret, quam in rem adducit priuilegia doti conceſſa, & imminutam quoad mulieres adulterii pœnam, v. *Aub. Sed bodie C. Ad L. Iul. de adult.* Paret ſimul vſus quæſtionis: cuiam ſexui hermaphroditi accenſendi?

## DISTINCTIO II.

*Inter Naſcituros & iam Natos.*

**H**i in fauorabilibus ſibi inuicem exæquantur, *l. 7. & 26. ff. de Stat. hom.* & ſicuti inter natos alteri per alterum iniqua conditio inferri non debet: ita nec intuitu naſcitorum hoc permittitur, vnde non ſolum pœna, ſed etiam tortura *D)* tamdiu differtur, donec mulier prægnans pariat, *l. 3. ff. de pœn. hereditas naſcituris debetur, l. 3. ff.*

*D)* Nec non *territio*, quum & ex hac facile ſequi poſſit *abortus*. *CARPZ. Pract. Crim. part. 3. Quæſt. 118. n. 62.*

3. ff. *de pars hered. pet.* (vbi tamen mirabilis decisio) *E)* non possunt exheredari, præteriri, *F)* gaudent restitutione ob læsionem, &c. secus est, quoties de oneribus imponendis agitur, hæc enim intuitu iam natorum saltem locum habent. Imo nec iam natis indistincte imponi solent, sed adultis demum. Exemplum in capitationibus, vbi communiter ad annum duodecimum, & an quis iam S. cœna usus fuerit, respici solet. Quamvis merito sint reprehendendi nonnulli parentes, qui liberos suos ab usu S. cœnæ propterea arcent, vt eo diutius immunitate gaudeant. Quasi vero damnum in rebus terrestribus maius sit damno animæ?

### DISTINCTIO III.

Inter *Servos & Liberos.*

**H**æc quini olim maximam utilitatem habuerit, nemo dubitabit, qui ius Romanum

*E)* Nimirum, quod si defunctus *unum* filium ac viduam prægnantem relinquat, *tres portiones* ventri reseruari debeant, quia nasci possunt *tergemi*.

*F)* Heic tamen inter *natos & nascendos* insignis intercedit *differentia*, scilicet, quod præteritis libb. iam *natis*, testamentum sit ipso iure *nullum*, *postumis* autem *præteritis*, si hic postea *viui* nec *monstruosi* nascantur, fiat *ruptum*.

num aliquo saltem modo perspectum habet. Hodie adhuc quidem habemus seruos, pollice tales, qui operas nobis ex præuio contractu præstent; sed hi non sunt serui in sensu iuris Romani tales, nisi eo adhuc captiuos Turcas forsan referre velis; hominum enim propriorum in Germania longe alia est conditio, quam seruorum apud Romanos. Ast cum & illi Turcæ rari sint, patet exinde, vel nullum, vel admodum exiguum adlatæ distinctionis apud nos vsum esse.

## DISTINCTIO IV.

*Inter Ciuēs & Peregrinos.*

**E**t huius quoque distinctionis nullum amplius apud nos vsum esse, plerique spero, mecum consentient, G) vid. Lauter-

G) Etsi quod ad Ius connubiū, patriam potestatem, testamenti factionem actiuam & passiuam, nullum huius distinctionis vsum hodie esse facile largior, in vniuersum tamen id adserere nolim. Siue enim vocabulo *peregrini* denotes *incollam*, (conf. CALVIN. *Lexic. b. voc.*) constat eum multis in locis, ad iura commerciorum, pascuorum publicorum, similiaque, vel plane non, vel pari gradu cum ciuibus, non admitti, ZAHN. *Ichonograph.*

P. I.

C

munt.

terbach *ad b. t.* Exceptis iis locis, vbi nemo ad officia publica admittitur, nisi imperato iure indigenatus, e.g. in Cluua, Beckmann. *Disp. de indigenatu* §. 19. Illustr. Dn. Stryk. *in not. ad Lauterb. d. l. verb. aliquem vsum*, quibus moribus contrariatur consuetudo in Castellæ regno, in Italia & Gallia quondam vsitata, vi cuius peregrini ciuibus intuitu officiorum præferbantur, vid. Brunnemann. *ad l. 2. C. de Offic. Præt.* Deinde quoque videndum est, an quis olim ciuis fuerit, illudque ius *propter præcedens delictum* amiserit? Hoc enim casu sine dubio

*municipal. cap. 90. n. 12.* BEYER. *Delineat. Iur. German. Lib. 1. cap. 11. n. 14. seq.* LAUTERB. *Disp. de Domicil. cap. 8. §. 55.* nec ædes eundem adquirere posse, Magdebl. Pol. Ordn. *cap. 16. §. 6.* RESOLVT. GRAVAM. *de anno 1653. & 57.* Tit. BON IVSTITIEN-Sachen grau. 107. nec Ius salis coquendi habere, HONDORF. *Beschreibung des Salzwercks zu Halle cap. 17. p. m. 95.* siue eodem vocabulo intelligas *forenses*, conclamatum est, dispari eundem cum ciuibus iure vti, cuius rei argumentum præbet hereditas forensi delata, quam is plerisque in locis, non nisi detracta gabella, exportare valet. MEY. *part. 2. Dec. 160.* ERVS. *de Iur. Detract. & Emigrat. cap. 1. n. 12.* SCHILTER. *Diff. de Iur. Peregrinor. §. 41.*

o ille, qui peregrinus factus est, iure com-  
muni cum ciuibus amplius vti non poterit,  
quo *banniti* vulgo referuntur. Solent iis  
communiter etiam *fustigatos* & *in perpetuum relegatos* accensere; sed hoc simplici-  
ter concedere non possum, quia eiusmodi  
relegatis bona sua non adimuntur, quod  
olim in deportatione fiebat; sed ea per pro-  
curatores administrare possunt, vnde hac-  
tenus ius ciuitatis omnino retinent. H)  
Quid in exteris regnis & prouinciis, v. g.  
in Gallia, Polonia, Borussia, &c. ratione  
per-

H) Non sat caussæ est, cur AVCTOR heic ex-  
pungat *præuia fustigatione in perpetuum  
relegatos*. Quamuis enim bona ipsis  
haud adimantur, conclamatum tamen  
est, eos perinde vt deportatos, *mediam ca-  
pitis deminutionem* pati. B. STRYK. *Vs. mod.  
ff. tit. de Cap. Minut. §. 10. & Cautel. Te-  
stam. cap. IV. §. 49.* DN. de BERGER. *Oeco-  
nom. Iur. Lib. 1. Tit. 4. §. 13.* STRVV. *Iu-  
rispr. forens. Lib. 1. Tit. 14. §. 4.* proinde-  
que amittere *testamenti factionem*, acti-  
uam & passiuam, STRYK. *Vs. mod. ff. d. l.*  
DN. de BERGER *d. Tr. Lib. 2. Tit. 4. §. 10.*  
*patriam potestatem*, BERGER *d. Tr. Lib. 1.*  
*tit. 3. §. 16.* STRYK. *Cautel. Testament. cap.*  
*3. §. 44. Vsumfructum.* de BERGER *d. Tr.*  
*lib. 2. Tit. 3. §. 24.*

peregrinorum obtineat, ad nos in præsentia non pertinet.

## DISTINCTIO V.

*Inter Patres & Filios familias.*

**H**uius distinctionis maximam esse utilitatem ipsa praxis quotidiana loquitur. Filii familias non condunt testamenta, ex mutuo non obligantur, propter SC. Macedonianum, in nuptiis obligantur ad consensum paternum impetrandum, cum patribus habentur pro vna persona &c. Patres ipsis substituunt pupillariter, eos modice castigant, in bonis aduentitiis vsum fructum habent, &c. vid. Dn. ab Andler *Iurispr. publ. & priuat. l. 1. tit. 5. part. 12. n. 5. seq.* Vnde non video, quomodo cum se ipso conciliari possit Dn. Beier, quando *in posit. ff. tit. de his qui sui vel alien. iur. pos. 1. & 2.* fictionem unitatis adhuc obtinere asserit, postea autem *ad tit. de peculio pos. 25.* de hac asseritione iterum dubitat.

## DISTINCTIO VI.

*Inter Liberos legitimos & illegitimos.*

**I**n legitimos liberos pater exercet iura patriæ potestatis, neutiquam vero in illegitimos, siue per eos naturales, siue spurios, siue ex damnato coitu natos intelligas. Priuile-

illegiis enim legum non vtitur, qui in legem peccat, l. 37. ff. de minor. Pertinet huc, quod liberis legitimis a patre portio legitima sit relinquenda, illegitimis non item, I) quippe qui plane non succedunt, nisi in casu Nou. 89. c. 12. §. 4. K)

## DISTINCTIO VII.

Inter *Monstra* & *Ostenta*.

**O**stenti vox dupliciter quidem capitur, ita vt monstrum interdum sub se comprehendat; nos tamen illam in præsentī in sensu speciali accipimus, ita, vt monstro opponatur. *Monstra* vulgo dicuntur, quibus caput humanum deest, ex principiis vulgaris philosophiæ, quæ intellectum tanquam

I) Aliud in *matre*, quæ etiam *illegitimis* libb. legitimam relinquere tenetur, exceptis ex *damnato coitu* natis. B. STRYK. *Caut. Testam. cap. 17. Membr. 1. §. 8. seqq.*

K) Sermo *ibi* est de patre, qui decedit non relicta *legitima* prole, vel coniuge, quod tunc libb. *naturales* vna cum matre in *sextantem* succedant, ita vt mater capiat portionem filialem: Reliquæ *decem* vnciæ cedunt proximioribus defuncti cognatis. BRUNN. *ad Autb. Licet. C. de Natural. liber. n. 4.*

quam directorem voluntatis considerat, eiusque sedem regiam in capite collocat: *Ostenta* vero sunt, quibus natura membra humana vel ampliavit, vel mutavit, vel imminuit, v. g. si quis sex digitos, vel duos saltem habeat, item si aliud aliquod membrum a forma membrorum humanorum recedat, vid. Festus *in voce* portentum et ostentum, Gothofred. *ad l. 38. de V. S.* Quantum vero ad effectum distinctionis attingit, monstra non baptizantur: non succedunt: non rumpunt testamenta, imo, ut vno verbo dicamus, iurium humanorum non sunt capacia, quæ omnia in ostentis secus se habent, vid. *l. 14. ff. de stat. bom. l. 10. §. 2. ff. de Aedil. Edict. l. 38. ff. de V. S.* Dauth. *de testam. num. 307. seqq.* conf. Dn. Henr. Christ. Stryk. *Interesse controuers. iur. in for. c. 2. §. 5. sequ.* Ceterum monstra hodie impune non occidi, (quod olim fiebat, vid. Brunnem. *ad l. 14. ff. de stat. bom.*) sed extraordinariæ pænæ locum esse, ostendit illustr. Stryk. *in Vj. mod. ff. de stat. bom. §. 15.*



De His, qui sui vel alieni  
iuris sunt.

## DISTINCTIO I.

ter Legitimos per subsequens matrimonium & per Rescriptum Principis.

**D**iores liberis legitimis per omnia comparantur, prout ostendit Lauterb. b. t. etiam in successione feudali, A) nisi institutionibus provincialibus aliud cautum fuerit, vt in Marchia, vid. Illustr. Dn. ryk. Ex. iur. feud. c. 15. qu. 38. b. dantur enim

) Sententia AVCTORIS in Saxonia est recepta. HARTM. PISTOR. part. 2. Quest. 41. n. 37. CARPZ. Ipr. for. part. 3. const. 28. def. 17. de Iure feudali Longobardico vero contraria probabilior, per §. Naturales. 2. Feud. 26. ibi: licet postea fiant legitimi. Et nimis violenta est eorum interpretatio, qui dicta verba explicant, quod post alius delatam successionem, legitimatio nihil proficit. vid. HORN. Iurispr. Feudal. cap. 15. §. 3.

enim ipsis testimonia natalitia, daß Sie aus einem rechten, ehelichen, unbefleckten, ungetadelten Ehebetto gezeuget und geboren, Carpz. P. 2. Const. 6. Def. 15. Posteriores autem cum liberis legitimis, iam ante existentibus, non succedunt, nisi Princeps ipsis hoc concesserit, vbi tamen semper excepta esse censetur legitima, propter clausulam illam, quæ in omni Principali rescripto subintelligitur: *saluo iure tertii*, vid. Carpzov. loc. cit. Def. 27. vid. Nou. 89. c. 9. & ibi Compend. nostr.

## DISTINCTIO II.

Inter Legitimos Rescripto Principis  
*ante & post mortem patris.*

**P**riores mortuo patre ipsius collateralibus in successione præferuntur, B) posteriores non, quia collaterales in momento mortis ius quæsitum obtinuerunt, quod ipsis

B) Hoc intelligendum, si *ad instantiam patris* legitimati. Quod si enim filius naturalis, *in scio patre*, Principem adeat, ac diploma legitimationis impetret, tunc sane hæc legitimatio valebit quidem *ad effectum abolendæ levis notæ maculæ*, & consequendi ius *legitimorum natalium*, minime vero *iura successionis* quod ad *bona patris* tribuet. Add. ZIEGLER. de Iur. Maiestat. Lib. 1. cap. 10. §. 6.

## DE HIS, QUI SVI VEL AL. IVR. 41

ipsis iterum auferri nequit. Exceptio est, nisi pater in testamento de legitimatione liberorum disposuerit, C) vid. *Nou. 74. c. 2. Nou. 89. c. 10.*

### DISTINCTIO III.

Inter Legitimos *per Oblationem curiæ & alios,*

**H**aec distinctio omnium confessione extra usum est. vide, quæ diximus in *Compend. Nouell. Justin. ad Nou. 89. c. 2.*

### DISTINCTIO IV.

Inter *Legitimationem & Dispensationem super macula natiuitatis, siue illegitimis natalibus.*

**T**heoretice hæc duo differre facile largior. Legitimatio enim in naturalibus

C) h. e. nisi *in testamento* exprefferit, se vel le, naturales libb. sibi esse *legitimos successores*, vbi naturales, mortuo patre, testamentum Principi offerre, atque *legitimationem* impetrare possunt, etiam in *preiudicium agnatorum*. Quum enim pater *testamento* agnatos penitus possit *excludere*, vtique testamento cauere potest, vt libb. naturales, impetrata legitimatione, succedant.

bus locum habet, quorum parentes tempore concubitus, in matrimonio vivere potuissent; dispensatio autem ad liberos incestuosos & adulterinos pertinet. Sed in effectu differentiam adesse non puto. *D)* Legitimationis siquidem & dispensatio tantum iuris consequitur, quantum Princeps ipsi concedere voluit. Quid vero prohiberet, quo minus Princeps utrique idem ius concedere posset? Assertum Couarruiae *de Matrimon. p. 2. c. 8. §. 8. num. 4. Dispensationem tanquam odiosam esse restringendam, legitimationem vero extendendam*, nullo fundamento nititur, & propterea iam reiectum est ab Illustr. Dn. Stryk. *Vs. modern. ff. b. t. §. 15.*

## LIB.

*D)* Maxime quum hodie liberos naturales, *in sensu iuris R. tales*, non habeamus; concubinitus enim LL. imp. prohibitus, atque adeo omnes libb. extra iustas nuptias procreati, reuera sunt *ex damnato coitu* nati, indeque legitimatio & dispensatio hodie vix differunt.

## De Adoptione, Emancipatione &amp;c.

## DISTINCTIO I.

Inter *Arrogationem* & *Adoptionem*.

**Q**uamvis arrogationes & adoptiones hodie rarius fiant, non tamen omnino nullus huius distinctionis usus est, quia interdum adhuc fiunt, unde in tali casu præcise eo respiciendum, ut arrogatio ab ipso Principe confirmetur, seu, prout puto, a Regimine, quod Principis personam in illa provincia repræsentat.

## DISTINCTIO II.

Inter *Adoptionem plenam* & *minus plenam*.

**P**lena adoptio dicitur, quando ascendens aliquem adoptat, v. g. avus nepotem in locum filii, *ff. 6. I. b. t.* Cur vero hoc faciebant ascendentes? credo propterea, quia nepotes ex filiis emancipatis, vel ex filiabus, non erant agnati, & sic neque succedebant. Hodie vero, quia per *Nou. 118.* omne discrimen inter filios suos & emancipatos subla-

rum

rum est, vix dabitur exemplum adoptionis illius plenæ.

### DISTINCTIO III.

Inter *Alumnum & Adoptatium.*

**A**lumnus dicitur, qui suscipitur, alitur, & instar filii tractatur, priuata tamen autoritate, & sine confirmatione iudiciali: adoptius contra, vbi confirmatio magistratus accedit. Prior non succedit, *A)* nisi testamento heres scriptus sit, quamuis etiam, vt heres scribatur, nulla iura exigant. Posterior vero instar liberorum naturalium succedit. *B)* Quod in praxi bene obseruandum, quia plures dantur alumni, quam adoptiui. Conf. Illustr. Dn. Stryk. *Vj. modern. ff. b. t. §. 1.*

DIST.

*A)* Notanda alia differentia, quod filia *adoptiua* non possit *in vxorem duci*, ne quidem *dissoluta* adoptione, nisi *dispensatio* Principis adcedat. B. STRYK. *ad Brunnem. Ius Ecclesiast. Lib. 2. cap. 16. §. 19.* quod secus in *alumna*.

*B)* Hoc obtinet in filio *plene* adoptato, qui, instar libb. naturalium, tam ex testamento quam ab intestato succedit; aliud dicendum de filio *minus plene* adoptato, quem pater impune in testamento præterire potest. *L. 10. §. 1. C. de Adopt.*


## DISTINCTIO IV.

Inter Emancipationem *tacitam* &  
*expressam*.

**V**sum huius distinctionis peculiarem esse putat Frid. Ludou. Hunefeld *de iur. & pot. parent. circ. relig. liber. sect. 1. cap. 1. §. 19.* dum iuxta ipsius mentem, tacita emancipatio liberos non aliter nexui patriæ potestatis eximit, quam quoad ea, quæ his per potestatem illam ratione bonorum graua sunt, quoad cetera vero iidem in familia, & sui heredes permanent, quam sententiam hausit ex *Analectis ad instit. p. 42. §. 7. inf. vbi etiam p. 124. §. 3.* illo exemplo declaratur, quod scilicet *expresse* emancipati ad inofficiosi querelam non admittantur, nisi litem ordinauerint per impetratam bonorum possessionem, bene autem *tacite* emancipari. Verum enim vero cum taciti & expressi ubique eadem habeatur efficacia; nobis de usu huius distinctionis tam diu dubitare licebit, donec contrarium probatum fuerit, cuius nuda assertio non sufficit. Si ergo tacite emancipati admittuntur ad querelam, cur non etiam illi, qui per expressam emancipationem liberati a patria potestate? *Nov. 118. c. 5.* de successione ab intestato directe quidem loquitur, sed non *solummodo*; ex identitate rationis sublatâ ibi differentia

inter

inter suos & emancipatos ad quoscunque casus pertinet. Et si non pertineret, ex quo fundamento tacite emancipati exciperentur? C)



LIB. I. TIT. VIII.

## De Rerum Diuisione & Qualitate.

### DISTINCTIO I.

Inter ius *in re* & *ad rem*.

**T**am utilis est hæc distinctio, ut eandem fundamentum totius praxeos vocare haud dubitem. Quid frequen-

C) Interim licet hoc exemplum non sit ad rhombum, suppetit tamen aliud, quo usus distinctionis euincitur. Nimirum in emancipatione *tacita* bona aduentitia *pleno iure* libb. a patre sunt restituenda. CARPZ. *Ipr. for. p. 2. Const. 10. def. 5.* contra in *expressa* præmium emancipationis, quod consistit in dimidia ususfr. parte, §. 2. *I. Per quas person. cuique adquir.* adhuc hodie valet HOPP. *ad cit. §. 2. Vs. bodiern.* de BERGER, *Oecon. Iur. Lib. 2. Tit. 2. §. 33. Not. 9. ib. præiudic.*



quentius est in foro, quam ut actoribus exceptio non competentis actionis opponatur, interdum ex rei veritate, interdum etiam sine genuino fundamento, & tamen nemo de validitate huius exceptionis iudicare potest, nisi qui naturam adlatæ distinctionis probe perspectam habet. Aduocatus ergo, antequam ad conficiendum libellum sese accingit, diligenter examinet, ex quo fonte instituenda actio profluat. Actio nempe ex iure in re proveniens, ut rei vindicatio, hereditatis petitio, actio confessoria, hypothecaria, & de iure canonico etiam remedium possessorium ex *can. redintegranda. c. 3. qu. 1. contra quemcunque possessorem competit*, quamvis nullum nobis cum eo negotium unquam intercesserit; e contrario autem actio personalis, ex contractu proveniens, *contra contrahentem solum eiusque heredes* dirigitur, licet rem petitam non possideant, non vero contra tertium rei possessorem. Actio personalis ex delicto hactenus quidem cum actione ex contractu coincidit, quod contra tertium v. g. rei per furtum ablatae possessorem, non competat, sed in persona delinquentis sit radicata A) quasi;

in

A) Duo sunt actionum personalium genera, aliæ *absolute & mere tales*, de quibus AUCTOR heic: aliæ *in rem scriptæ*, h. e.

ori-

in eo tamen ab illa recedit, quod *contra solum delinquentem* detur, non vero regulariter *contra ipsius heredes*, quippe qui facta defunctorum honesta, v. g. ex contractibus, præstare quidem tenentur, non vero inhonestas, siue turpia. Duæ tamen sunt exceptiones, *nisi lis contestata fuerit, & nisi aliquid ex delicto ad heredes peruenerit*, tunc enim actio ex delicto proueniens etiam contra heredes locum inuenit. Nota hic iterum exceptionem: condictio furtiua indistincte contra heredes competit, *l. 7. §. 2. ff. de condict. furt.* Pertinet huc integer tractatus Illustr. Dn. Strykii *de actionibus forensibus inuestigandis & caute eligendis*, ubi singula fusius proponuntur, quæ repetere limites breuis huius tractatus non permittunt.

## DISTINCTIO II.

Inter Res *in commercio & extra commercium.*

**V**sum huius distinctionis ex ipsis statim vo-

*origine & causa efficiente* personales, obiecto vero reales, secundum BACHOV. *de Action. Disp. 2. th. 6.* vel clarius, quæ *ex facto* aliquo descendentes, Lege speciatim ita disponente, aduersus quemcunque rei possessorem dantur, e. g. actio quod metus causa, noxalis, cetera. STRVV. *disp. de Action. in rem scriptis. Sect. 1.*

vocabulis cognoscere licet. Circa res in commercio existentes quosuis contractus inire permissum est. Eæ vero, quæ sunt extra commercium, B) facultatem contrahendi non concedunt, §. 2. *I. de inutil. stipul.* Et hinc licet quis rem sacram, religiosam &c. bona fide & iusto titulo acquisiverit, usufructu tamen locus non est, §. 1. *I. de V. sucap.* Excipe, nisi immemoriali tempore eam possederit, C) vid. Illustr. Dn. Stryk. *de act. inuest. sect. 4. membr. 5. num. 180.*

## DIST.

B) Scilicet *absolute*, vel saltem inritu illius, cui promittuntur; si enim *solus promissor* commercium earum non habeat, nihilominus valet contractus. *l. 34. ff. de V. O.*

C) Hoc ad res *sacras* restringendum. Quod ad *religiosas* attinet, quum eæ *hodie* non amplius sint extra commercium, sed locus sepulchræ destinatus titulo emtionis, donationis, permutationis, cetera, in alium transferri possit, consequens est, eiusmodi locum etiam *præscriptione*, & quidem *longi temporis*, aduersus *privatum*, *longissimi temporis* vero, *s. 40. annorum*, aduersus *Ecclesiam*, adquiri posse. CARPZ. *part. 3. Dec. 289.* STRYK. *Vs. Mod. ff. Tit. de Religios. §. 33.*

P. I.

D

## DISTINCTIO III.

Inter Res *sacras & ecclesiasticas.*

**R**es sacræ, ut modo dictum, non præscribuntur, nisi tempore immemoriali; bona autem ecclesiastica concurrentibus reliquis usufructuum requisitis, 40. annis, *D)* *Auth. Quas actiones. C. de SS. Eccles.* Illæ non alienantur, nisi ob summam *necessitatem*, *E)* cuius exempla passim adferuntur, si pauperes alendi, captivi redimendi, &c. hæc vero ob *utilitatem* ecclesiæ quoque alienare permittitur, *c. 52. caus. 12. q. 2.*

## DISTINCTIO IV.

Inter Res *mobiles & immobiles.*

**H**uius distinctionis utilitas alia est de iure Saxonico, alia de iure civili. In Saxonia

*D)* Hoc intelligendum de rebus *immobilibus*, respectu *mobiliū* sufficit *ordinarium* tempus, scilicet 3 *annorum*. vid. *B. AUCTOR Doctrin. Pandectar. Tit. de Vsurpat. & Usucap. §. 11.*

*E)* *Duæ* causæ sunt, ob quas res sacræ alienari possunt, *necessitas*, & *pietas*, ad quam *posteriores* pertinent exempla ab *AUCTORE* adlata. *Prioris* exemplum est *urgens æs alienum*. *Auth. Præterea. C. de SS. Eccles. BRUNNEM. de Iur. Ecclesiast. Lib. 2. cap. 2. §. 6.*

nia maritus est heres mobiliaris *F)* vxoris, immobilia cedunt heredibus ab intestato, *G)* vid. Richter *de success. ab intest. sect. 4. membr. 2.* Ergo vxor de hisce mobilibus testari nequit, *H)* Carpz. *P. 3. C. 7. Def. 4.* Item in Saxonia alienatio rerum immobilium

*F)* Non tamen nisi post *consensionem thalami*, licet sine corporum *coniunctione*. CARPZOV. *Ipr. for. part. 3. Const. 19. def. 3.* Excipitur 1) *Gerada*, Pand. *Recht. lib. 3. art. 76.* CARPZOV. *Ipr. for. part. 3. Const. 23. def. 14.* 2) *Legitima liberorum*, vel his deficientibus, *parentum*, si vel nulla immobilia adsint, vel ad legitimam non sufficiant. CARPZOV. *cit. Const. 23. def. 19. Et Lib. 6. Resp. 45.*

*G)* Excipe 1) nisi sint *estimato* in dotem data, ubi etiam marito cedunt. vid. *infr. Lib. 19. Tit. 3. Distinct. 2.* 2) nisi vxor plane nulla bona mobilia reliquerit, ubi *quarta pars bonorum immobilium* marito debetur. de BERGER *Disp. de Legitima Mariti. cap. 3. §. 6. seqq.*

*H)* Fallit hoc in *bonis receptitiis*, de quibus vxor, incio & inuito marito, tam inter viuos quam mortis causa, libere disponere potest. DN. de BERGER *Disp. de Discr. bonor. vxor. §. 36.* CARPZOV. *Disp. de Bonis receptit. §. 27.*

um iudicialiter fieri debet, nec non oppignoratio, vid. Struy. *Ipr. Rom. Germ.* l. 2. tit. 35. §. 9. secus in mobilibus. De iure civili minorum bona mobilia I) alienantur sola accedente tutoris autoritate, in immobilibus decretum iudicis præterea requiritur, t. t. ff. *de reb. eor.* Maritus res dotales mobiles alienat quidem, sed non immobiles, pr. *I. quib. alien. lic.* In immobilibus attenduntur leges rei sitæ, in mobilibus statuta domicilii, quod præcipue in concursu creditorum K) vsum habet, vid. Brunnem. *de Proc.*

N) Quæ servando servari baud possunt, aliud in iis, quæ servando servari possunt. l. 22. C. *de administrat. tutor.* ib. BRUNNEM. n. 8.

K) Imo & in *successione*; in bonis mobilibus, enim successio fit secundum statuta loci, ubi defunctus domicilium habuit, quo pertinet regula: *Mobilia sequuntur personam*, & si defunctus in diuersis locis domicilium habuit, heredis est electio, secundum cuius domicilii statuta succedere velit; in *immobilibus* vero, itemque mobilibus *certo loco destinatis*, attenduntur statuta loci rei sitæ. CARPZOV. *Lib. 6. Resp. 38. & 39. & in Ipr. for. p. 3 Const. 12. def. 15.* STRYK. *de Success. ab intest. Disp. 1. cap. 4. §. 2. seq.*

*Proc. Conc. cred. c. 5. §. 68.* vbi exemplum. *L)* Immobilia liberant ab onere præstandæ cautionis, mobilia non, *l. 15. ff. qui satisd. cog.* Venditis ædibus omnia debentur, quæ per destinationem patrisfamilias earum accessoria & sic etiam immobilia facta sunt, was Erd=Nied=und Nagelvest ist, *M)* Carpz. *P. 2. C. 33. Def. 20.* Mobilia præscribuntur triennio, immobilia decennio vel vicennio: immobilia retrahi possunt ob consanguinitatem, non autem mobilia, Struu. *Ipr. R. G. l. 3. tit. 11. §. 34.* Quando bona confiscantur, mobilia cedunt iudici domicilii, immobilia iudici rei sitæ, *N)* vid. *Capitul.*

*L)* Quando alio in loco, e. g. Hamburgi, debitor domicilium habet, alio in loco vero, e. g. Lipsiæ, merces eius ibi existentes arresto constringuntur, tunc excitato concursu, creditores non secundum LL. Saxonicas, sed secundum *Statuta Hamburgensia*, ratione illarum mercium, collocantur. Add. *CARPZ. Ipr. for. p. 1. Const. 28. def. 9.*

*M)* Paullo plenius formula illa hunc in modum effertur: Was Erd=Band=Band=Mauer=Nied=und Nagel=vest ist.

*N)* Quæ distinctio quoque locum habet  
D 3 quod

*pitul. Ioseph. art. 26. Schöpff. Synops. iur. tit. de bon. damn. in fin.*

Reliqui tituli huius libri I. de Magistratibus Romanis agunt, quos adeo cum Lauterbachio aliisque tuto prætermittere licebit.

## LIB.

quod ad bona *vacantia*, B. STRYK. *de Success. ab Intestat. Dissert. 5. cap. 1. §. 47.* Hisce adde, quod de Iure *ciuili*, si creditori, ad certam *quantitatem* agenti, nulla hypotheca competat, executio *primum* in *mobilia*, deinde in *immobilia*, & tandem in *nomina* fieri debeat. L. A. Diuo Pio 15. ff. *de Re Iudic.* Add. B. AVCTOR. *Einleitung zum Ciuil-Proceß cap. 37. per tot.* Quod secus se habet in *Electoratu Saxonie*, vbi Creditoris libero arbitrio relinquitur, vtrum *primum* in *mobilia*, an vero in *immobilia*, vel etiam *nomina* (quorum *iurata indicationem* simul a reo postulare potest,) executionem fieri malit. ORD. PROC. RECOGN. Tit. 30. §. 7.



## De Iurisdictione.

## DISTINCTIO I.

Inter iurisdictionem *voluntariam*  
& *contentiosam*.

**V**oluntaria etiam a iudice incompe-  
tente, *A*) & extra territorium ex-  
ercetur, v. g. in insinuatione testa-  
mentorum, emancipatione, adoptione, &c.  
*v. l. 2. ff. de Off. Procons.* & quos hic allegat  
Lauterbachius; contentiosa nonnisi a iudice  
competente; & intra territorium. Hæc  
quo-

*A*) Temperanda hæc adsertio, ut valeat in  
illis actibus voluntariæ Iurisdictionis, qui pror-  
sus *nihil præter magistratus auctoritatem*  
desiderant, e. g. emancipatione, insinua-  
tione testamenti, cetera; aliud de illis di-  
cendum, qui singularem *causæ cognitio-*  
*nem*, ac interdum *decretum* requirunt, qui  
utique non nisi coram *competente* Iudice  
explicari possunt, e. g. Unio prolium,  
interpositio decreti in alienatione rerum  
pupilli & minoris, cetera. Vid. LAU-  
TERB. *Disp. de Voluntar. Iurisdic. §. 25.*  
& 40.

quoque regulariter in loco iudicii solum expediri debet, voluntaria in quocunque loco, *vid. §. 2. I. de libert. vbi de manumissione.* Voluntaria exercetur in causa propria, *l. 3. & 4. ff. de adopt.* unde & Comites Palatini proprios spurios legitimare, item Nobiles coram propriis suis iudiciis testamenta insinuare omnino possunt; sed quoad contentiosam nemo in causa propria *B)* iudex esse potest, ob præiudicium aduersario inde metuendum.

## DISTINCTIO II.

Inter Iurisdictionem *ordinariam* &  
*extraordinariam.*

**A**ctus extraordinariæ iurisdictionis, v. gr. tutoris datio, eius remotio, &c. olim non a quolibet Magistratu expediri poterant, sed specialiter obtinebantur; sed ho-

*B)* *Exceptio* est quod ad illos, qui *Ictione patrimoniali* gaudent, qui subditos suos coram *propriis* suis Iudiciis conuenire possunt, modo Actuarius *in præsentia* subditorum ad Acta *iurauerit*, & Acta, cum primis in causis *arduis*, ad *Collegium Iuridicum* transmittantur. *ORD. PROC. EL. SAX. RECOGN. Tit. 2. §. 3. ORD. PROC. MAGDEB. cap. 1. §. 7.*

hodie secus, cum actus ordinariæ & extraordinariæ iurisdictionis in vno eodemque subiecto concurrant, consentientibus omnibus DD. Ex quo consequitur, vsum huius distinctionis in praxi esse omnino nulum.

## DISTINCTIO III.

Inter Iurisdictionem *personalem* & *realem* siue *patrimonialem*.

**P**rior cum persona exspirat, nec ad heredes transmittitur: posterior tanquam feudi accessorium quemlibet eiusdem possessorem sequitur. Prioris fœminæ non sunt capaces, ob *L. 2. ff. de R. I.* bene tamen posterioris, eo scilicet casu, quando ipsius feudi successio ad easdem deuoluitur; feuda enim iuri Romano sunt incognita, & propterea in iure feudali hætenus ad illud prouocari nequit. Addendum & hoc est cum Dn. Beiero *in pos. ff. ad b. t. pos. 21.* quod mulctæ & alia commoda iurisdictionis cedant ei, qui pollet iurisdictione patrimoniali, non ei, qui habet iurisdictionem iure officii, als welcher Sie zu beredynen schuldig, quamuis & hic interdum exceptio esse possit, præcipue quoad sportulas, quæ sæpe loco salarii conceduntur Officialibus.

## DISTINCTIO IV.

*Inter facti cognitionem, seu nudam notionem, iurisdictionem in specie, & mixtum imperium.*

**N**uda notio iudicibus pedaneis compete-  
bat, *l. 5. pr. ff. de re iudic.* Iurisdictio  
autem ordinariis Magistratibus, quamvis &  
huius diuersi gradus erant, prout Magistra-  
tus vel maior vel minor erat. Hæc diffe-  
rentia hodie sine dubio cessat, cum iudices  
pedanei cessent, & Magistratus nostri cum  
Magistratibus Romanis comparari nullo  
modo queant. Inter iurisdictionem &  
mixtum imperium ipso iure Romano realis  
differentia non intercedebat, quia semper  
coniuncta erant hæc duo, *v. l. 1. in f. l. fin.*  
*ff. de Offic. eius, cui mandat. est iurisd.*  
sola ergo abstractione differebant, quia iu-  
risdictio facultatem *decidendi*, mixtum im-  
perium autem ius *exequendi* decreta deno-  
tabat, & ergo hodie alius vsus illi distin-  
ctioni adscribi nequit. Posset equidem  
fieri, vt adhuc hodie alicui sola decidendi  
potestas sine imperio concederetur; sed  
hoc pertineret ad exceptiones, nos lo-  
quimur de eo, quod regulariter obtinere  
solet.

DIST.

## DISTINCTIO V.

Inter Iurisdictionem *propriam* &  
*mandatam.*

**P**ropriam exercet iudex vel ipse, vel per alium; at vero mandata alteri iterum mandari nequit, *l. fin. pr. ff. de offic. eius, cui mandat. est iuris.* quia personæ industria est electa. Excipitur communiter ab ipso Principe C) delegatus, *l. 5. C. de Iudic.* Porro iuris-

C) Rationem hanc ex Cuiacio adfert GOTHOFRED. *in not. ad d. l. 5. quod delegatus Principis habuerit adseffores, adparitores, executores proprios, instar ordinarii magistrarus.* Quæ ratio quum *hodie* ad Delegatos Principis in vniuersum omnes minime quadrer, minus adcurate DD. obcit. *L. 5. & c. 27. 43. X. de Offic. & Potestat. Iudic. delegat.* generatim cuilibet Principis delegato facultatem subdelegandi tribuunt. vid. MARTIN. *ad Ord. Proc. El. Saxon. Tit. 20. §. 6. n. 68. seq.* Quin potius distinguendum: Vtrum Delegatio facta sit ab Imp. *personis illustribus*, Consiliariis ac Ministris instructis, an vero ab Imp. vel Statibus imp. *priuatis.* Ille casu subdelegatio locum habet. (Vnde etiam plerumque ipsi Commissoriali inseritur Clausula: *Vor Sich oder Ihre subde-*

iurisdictio propria regulariter in omnibus causis obuenientibus exercetur; sed in mandata ad tenorem mandati est respiciendum, quo referri potest, quod de commissionibus dici solet, eas esse stricti iuris, & non licere Commissariis limites commissionis excedere, c. 22. X. de Rescript. Gail. lib. 1. Obs. 35. num. 2. & 3. Carpz. P. 1. C. 1. Def. 17.

## DISTINCTIO VI.

Inter iurisdictionem *propriam* &  
*prorogatam*.

**P**rior iterum ad omnes causas sese extendit: posterior autem ad eam saltem cau-

*delegirte*) Idem dicendum, si ad *Vniuersitatem*, e. g. Ciuitatem imp. delegatio directa sit. *Hoc casu* verius, subdelegationem locum *baud habere*, quum ratio paullo ante expromta ad hos (priuatos) non pertineat, nec a Delegatis Pontificis, in singulari dignitate constitutis, ac Ministris ut plurimum instructis, atque adeo subdelegandi potestate pollentibus, ad hos argumentum duci possit; ut taceam, semper, si *priuatis* delegatio facta, *personæ industriam* esse electam. L. B. de LYNCKER *Commentar. ad Ius Ciuil. Tit. de Offic. eius cui mand. Ictio* p. 193. *seqq.* Ill. DN. BÖHMER *Iur. Ecclesiast. Lib. 1. Tit. 29. §. 14. seqq.*

causam restringitur, in qua prorogatio facta est. Ergo quando is, qui alias sub foro Academico est, coram Senatu oppidano sponte compareret, eiusque iurisdictionem in hac causa prorogat, tunc Senatui, quoad aliam causam, in eundem ciuem Academicum inuitum iurisdictionem exercere non est permittum. Ceterum Statuum subditis hodie iurisdictionem prorogare non licere cum aliis putat Lauterbach. *b. t.* sed hanc opinionem, nulli fundamento superstruatam, iam refutauit Illustr. Stryk. *Vf. modern. ff. b. t. §. 24. seqq.*

## DISTINCTIO VII.

Inter Iurisdictionem *ciuilem* & *criminalem.*

**M**aximus huius distinctionis usus sese exferit in iis locis, ubi alteri ciuilem, alteri criminalis iurdictio competit, v. g. hic in Saxonia Nobiles interdum priori saltem gaudent, posterior autem Præfectis, denen Amtleuten, Amtschöffen, competit, ubi accurate sciendum, quid ad alterutram referatur, ne alter alterius iura inuolet, quod sæpe maximis litibus occasionem præbet. Separandum autem hic est ius Saxonicum a iure ciuili. In Saxonia non solum lites ciuiles, sed & delicta leuiora, v. g. Haarrauffen, Nasenbluten, Maulschellen, Zähn-

Zähnblluten, so die Zähne nicht wachsen, &c. ad ciuilem siue bassam pertinent, grauiora autem ad altam seu criminalem, Carpzou. *Pract. crimin. qu. 109. n. 26. 27. 28.* Extra Saxoniam vero, vbi merum ius Romanum obtinet, nullæ causæ criminales ad iurisdictionem inferiorem referuntur, Illustr. Dn. Stryk. *d. l. §. 8.* Notat tamen & ipse Carpzouius *loc. cit. n. 38.* hic ante omnia ad consuetudinem vniuscuiusque loci respiciendum esse. Pertinet huc, quod ensis in rixa euaginarus, D) si nemo vulneratus fuerit, ad iudicem inferiorem; si vero vulneratio secuta, ad superiorem pertineat, Carpz. *l. c. n. 52.*

### DISTINCTIO VIII.

Inter Iurisdictionem ecclesiasticam  
& secularem.


Quia apud Pontificios causæ ecclesiasticæ Principum cognitioni de facto sunt exemptæ, hinc apud eos maximum momentum in hac distinctione positum est. Apud nos eius vsus hac ratione sese exerit, ne iudex

D) Quæ sententia ita temperanda, 1) vt ensis tantum, non & vagina, 2) ensis proprius, quem quis strinxit, non vero alienus, iudici cedat. CARPZOV. *d. l. n. 53. seqq.*



&c.  
iura  
zou.  
Extra  
rum  
sdi-  
Dn.  
arp-  
con-  
cien-  
n ri-  
erit,  
ratio  
arpz.

dex secularis Consistoriorum iuribus aliquid detrahat. Consistoria tamen ea etiam sibi arrogare non debent, quæ ad ius circa sacra pertinent, v. gr. quando de tolerantia eorum agitur, qui diuersæ religioni sunt addicti, &c. hæc enim ipse princeps per Consiliarios intimos expedit. Causas ad forum ecclesiasticum pertinentes recenser Schilter. *Inst. Iur. Canon. l. 1. Tit. 5. §. 6. seqq.*



## NOVA DISTINCTIO.

Inter *Commissarium & Iudicem delegatum.*

m  
iasti-  
sunt  
ren-  
pud  
e iu-  
dex

**D**ifferunt vt *latius & angustius.* Omnis *Iudex delegatus* simul est *Commissarius*, sed non contra. Quum alicui *notio & amicabile compositio*, vel *alterius negotii expeditio*, e. g. *testes examinare*, *ocularem inspectionem instituere*, cetera, demandata, dicitur *Commissarius*, quum vero *facultas* non tantum *in causa cognoscendi*, sed & eandem *plene decidendi facta*, dicitur *Iudex delegatus*. Vid. B. STRYK. *Disp. de Delegato Principis cap. 1. n. 17.*

## De in Ius vocando.

## DISTINCTIO I.

Inter in ius vocationem Romanam  
& bodiernam.

**I**n ius vocatio Romana fiebat priuata auctoritate, & aduersarius comparere recusans, *A*) oborto collo ad prætorem rapiiebatur, *B*) vid. *Fragm. LL. XII. Tabb. Tit. 7. ibique Gotbofr. in not. vnde parentes, omnesque personas, quibus reuerentia debetur*

*A*) Adde: Nec *satisfans*, quod certo die se sistere velit *l. 5. §. 1. ff. Qui satisfat. cog.* Possessores tamen rerum immobilium ad satisfactionem non erant obligati, dummodo nude promitterent, se stato die in iure futuros. *l. 15. pr. ff. eod.*

*B*) Præuia antestatione, citra quam si reperetur, iniuriarum actio locum habebat. *IAC. CUIAC. obseruat. lib. 7. cap. 16. FRANCISC. POLLET. Hist. Fori Roman. Lib. 5. cap. 2. nisi reus improbus ac inestabilis esset, quem etiam sine antestatione rapi potuisse, post HOPPERVM docet IAC. RAEVARD. ad LL. XII. Tabb. cap. 5. p. 27. Opp. Tom. I.*

betur, in ius vocare sine veniæ impetratione non licebat, *l. 2. 4. 6. ff. b. t.* nec de domo sua aliquis extrahi poterat, *l. 18. §. 21. eod.* Hodie autem, quia omnis citatio autoritate iudicis suscipitur, & sic reuerentiam non lædit, omnia illa cessant, citationes in domibus recte insinuantur, & contumaces per ministros iudicis ex domo quoque extrahi possunt. Inepre ergo in eiusmodi casibus ad leges Romanas prouocatut, cum & hic sine dubio locum habere debeat illud tritum: mutationem status inuoluere mutationem iuris. Er citatio priuata autoritate facta nulum omnino effectum post se trahit.

## DISTINCTIO II.

Inter Citationem *verbalem* & *realem*.

**V**erbalis regulariter obtinet; sed ad realem iudex inconsulto prouolare non debet, quia famam citati apud honestos viros sugillat, vnde cauti iudices, si indicia non adeo liquida sunt, ante omnia a Collegio iuridico quodam informationem petere solent, ob die indicia zulänglich seyn, daß zur Haßft geschritten werden könne? alias enim iudex nimium facilis actione iniuriarum conueniri potest. *conf. Einleitung zum Peinlichen Proceß cap. 2. §. 4.* Et huic quoque actioni tunc locus est, quamuis aliquis de-

P. I.

E

lictum

lictum atrox commiserit, quod tamen ad cognitionem iudicis incarcerationis non spectat, multa enim hic sub prætextu quidem publicæ utilitatis, reuera tamen ex privato adfectu suscipiuntur, cui probus iudex indulgere non debet. Interim ubi *Ius Cambiale* receptum est, ibi facilius ad capturam *C*operuenitur.

## DIST.

**C)** h.e. si quis ad emissam *primam* citationem in propria persona non compareat, & postea quoque, denuo citatus bey *Bermeidung anderer Anordnung*, contumax sit, tunc locum habet *realis* citatio. Conf. DN. MENCKEN. *Tractat. Synopt. Process. Tit. 4. §. 1.* Hodie in *Electoreatu Saxoniæ* productis, in *originali*, apud Magistratum debitoris *competentem*, litteris cambialibus, quarum *dies venit*, etiam *citra* Rescriptum cambiale, & præuiam citationem, creditor, ratione iuris exigendi, si opus fuerit, se *legitimans*, perere potest, ut debitor *arresto constringatur*, & quum is vel cambium in continente non *diffitetur*, vel *exceptiones* idoneas non deducit, tamdiu detineatur, donec actuali solutione, aliove Creditori acceptabili modo, se liberet. vid. *ORD. PROC. RECOGN.* Anhang §. 12.

## DISTINCTIO III.

Inter Citationem *privatam*, & *publicam*,  
*seu edictalem*.

**I**dem hic monendum venit. Ad citationem namque edictalem iudex etiam non facilis esse debet, quoniam per eandem quoque fama citati aliquod detrimentum patitur. Vnde si iudex hic excessum committat, eadem, de quibus modo dictum, remedia contra ipsum locum inuenient. Item appellationi locus est, Gail. 1. Obs. 57. num. 1. Tunc ergo saltem decernitur, quando priuata effectum suum sortiri nequit, e. g. in fugientibus & latitantibus. D) v. gr. in causa malitiosæ desertionis, commissi criminis, &c. Item, ob multitudinem citandorum, v. g. in concursu creditorum, E) sed tunc saltem

**D)** Hæc duo *coniunctim* capienda, si enim constet, vbinam locorum desertor vel desertrix degat, non huic *edictali*, sed *subsidiari* citationi locus. B. AVCTOR Einleit. zum Consistorial-Proc. cap. 10. §. 10.

**E)** Distinguendum inter Creditores, de quibus constat, ubi degant, & de quibus non constat, illi *privatim*, vel *immediate*, vel *mediate*, pro ratione circumstantiarum, *huic edictaliter* citandi. B. AVCTOR Einleit.

rem indefinite an alle und jede des Titii Creditores concipitur citatio, conf. Mev. P. 1. Dec. 258. & P. 8. Dec. 351.

### DISTINCTIO IV.

Inter Citationem *immediatam* & *mediatam*, siue *subsidialem*.

**V**fus se in modo insinuandi exerit, immediatam ipse iudex insinuari curat, vel etiam actor, v. g. Senatus Hallensis ciuibus suis, quod de regimine etiam procedit, hoc enim quia in causis appellationum competentem iurisdictionem exercet, hinc etiam, vt Senatus subsidio in illis causis vratur, opus non habet. Secus est intuitu Academiae, item si Senatus Hallensis ciui Lipsiensi citationem insinuari iuberet, haec enim nullum post se traheret effectum, nisi auxilio Senatus Lipsiensis implorato, quippe qui autorita-

zum *Concurs-Proc. cap. 3. §. 3. seqq.* quamuis hodie in *Electoreatu Saxoniae*, neglecto hoc discrimine, omnes Creditores simul sub poena praecclusi *edictaliter* citandi, iisque regulariter *bini*, at in *Concursibus* super *feudis*, & apud *mercatores* emergentibus, *tres* termini Saxonici ad comparandum indulgendi sint, prout in *Animaduers. ad d. cap. 3. §. 4. lit. A.* admonui.

ritate sua interposita pondus citationi addere debet. Consistoria in causis ecclesiasticis in toto territorio iurisdictionem exercent, ergo etiam in iisdem nullius subsidio Indigent. F) Ita si alter civilem, alter criminalem in eodem loco exercet iurisdictionem, neuter alterius opem implorat, uterque enim pro diversitate causarum, est iudex competens. Et hæc pertinent ad illustrationem eorum, quæ Lauterbach. hac de materia tradit *sub hoc tit.* vid. Franzk. l. 1. resol. 18. n. 16. Carpz. l. 3. Resp. 23.

## DISTINCTIO V.

Inter Citationem *dilatoriam* & *peremptoriam*.

**I**n dubio porius dilatoria præsumitur citatio, quam peremptoria, hæc ultima enim ad

F) Exceptio est in *Consistoriis Electoratus Saxonie*, in quibus *mediata* citatio observatur, sed sine mentione verborum: *in subsidium*. Vbi tamen notandum, quod hic citationis modus pertineat ad illos, qui *patrimonialem*, non qui *administrativam* Iurisdictionem habent, atque adeo a prædictis Consistoriis tantum requirendi sint Nobiles, & Senatus oppidani, non item Præfecti. Ill. D. N. de BERGER *Elect. proc. matrimon. tb. 13. seqq.*

ad exclusionem iuris tendit, ad quam statim procedere voluisse iudex non est censendus. Quod si quis ergo emanfit dilatorie citatus, in expensas quidem condemnari potest, ad priuationem ipsius iuris autem non statim deuenitur, quod secus in peremptoria. Quamuis vero in multis locis, v.g. in Saxonia, Ducatu Luneburgensi, in Pomerania, &c. statutum sit, vt omnes citationes peremptorie fiant; simul tamen tunc obseruandum, quod eiusmodi citatio spatium trium dilatoriarum in se continere debeat, vid. Brunnem. *Proc. Ciu. C. 3. n. 29. 30. 31.* Imo quando de priuatione iuris agitur, vna pro pluribus non sufficit. Mindan. *de Mandat. l. 2. c. 2. num. 21.* Vnde scio, in Saxonia neminem haberi pro confesso & conuicto, nisi iterata citatio G) sub expressa comminatione confessi & conuicti præcesserit.

LIB.

G) Quod *hodie* in Electoratu Saxoniæ aliter sese habet, quum in quauis causa *prima* citatio fieri debeat *sub præiudicio*, & secundum indolem processus, sub *pæna confessi & conuicti, recogniti, præclusi*, cetera, ita tamen, vt illa integrum terminum Saxonicum 45 dierum, excluso die insinuationis & termini, continere debeat  
 ORD. PROC. EL. SAX. RECOGN.  
*Tit. 4. §. 1. Tit. 10. §. 2.*



# Qui satisdare cogantur &c.

## DISTINCTIO I.

Inter Cautionem *fideiussoriam*, *pignoratitiam*, & *iuratoriam*.

**V**bicunque olim leges satisfactionem requirebant, ibi eadem fideiussoribus præstanda erat, nec pignora regulariter sufficiebant, quia habent certam æstimationem, condemnatio autem & sic futura solutio incerta adhuc est, *l. i. ff. b. t. l. 7. de prætor. stipul.* quam *l. 7.* Gothofredus *not. ad eand.* minus recte explicat, ac si pignora quidem sufficiant, actor autem ad danda inuitus compelli nequeat. Hodie vero perinde est, siue fideiussoribus, siue pignoris aliquis caueat, modo pignora habeant æstimationem, ut illud, in quod probabiliter condemnandus est reus, exinde solui possit, tunc enim reuera locum habet, quod vulgo dicitur: plus cautionis in re esse, quam in persona, vid. Carzov. *P. i. C. 5. D. 7.* & quos citat Illustr. *tryk. V. mod. b. t. §. 8.* Ad iuratoriam cautionem

E 4

rio-

) Imo potius *actor*, quoniam hodie regulariter cautionem non præstat reus, sed actor. *conf. AVCT. doctr. Pand. b. t. §. 8. seq.*

tionem nemo admittitur, nisi sit probæ estimationis B) & non suspectus de fuga, Zanger. *de except. P. 2. C. 21. n. 48.* Carpz. *d. l. def. 9. n. 2.* Addunt nonnulli etiam nude promissoriam in illis, qui immobilia possident, sed hæc non est cautio, sed potius releuatio a cautionis præstatione. C)

## DIST.

B) Non tamen *omnino* excludendus ab hac cautione pauper, tamen si *non adeo integre fidei* & inculpatae vitæ sit, alias enim eiusmodi actor vel in totum *a iudicio repellendus*, vel ob causam ciuilem & pecuniariam institutam *in carcere detinendus*, quorum neutrum iuris rationi congruit. Nec ab aliis iuramentis ad hanc iuratoriæ cautionem firmum argumentum duci potest, quum illa *loco probationis* sint, atque adeo in iurantibus integram fidem & opinionem requirant; iuratoria vero cautio saltem ad *qualem qualem* iudicii securitatem refertur, quæ ita accipienda, uti haberi potest, præstatque *aliqua*, quam *nulla*. MEV. *Part. 9. Decis. 94.* BRVN-  
NEM. *ad Auth. Generaliter. C. de Episc. & Cleric. n. 8. & in Proc. ciuil. cap. 8. n. 14.*

C) Imo veram & genuinam cautionis speciem nudam illam promissionem esse, satis, opinor, patet tum ex *Rubr. ff. b. t. tum ex §. 2. l. de Satisdat.* adeo, ut vocabu-  
lo

## DISTINCTIO II.

Inter cautionem *iudicialem* & *extraiudicialem*: *ciuilem* & *prætoriam*.

**H**æc vsum aliquem non præstat, nisi vt diuersi casus præstandæ cautionis, item causa efficiens eiusdem distincte concipiat. Modus enim præstandi cautionem vbique idem est.

LIB. II. TIT. XII.

## De Feriis &amp; Dilationibus.

## DISTINCTIO I.

Inter ferias *diuinas* & *humanas*.

**A**ctus in feriis diuinis s. festis, mobilibus siue immobilibus, susceptus, nullitate laborat, licet partes hisce  
 E 5. feriis

lo cautionis *absolute* posito, nuda promissio intelligatur, præterquam si circumstantiæ aliud suadeant. *L. 3. C. de Verb. & rer. Signif. L. 33. §. 3. C. de Episc. & Cler. Nou. 123. cap. 21. §. 2.* [HERING. de Fideiusser. cap. 18. n. 27. quamuis *in praxi*, non tantum extra Saxoniam, (prout AVCTOR *Doctrin. Pand. b. t. §. 5.* existimat) verum & in Saxonia, ne nudam quidem promissionem ab immobilium rerum possessoribus exigi, facile largiar. vid. DN. de BERGER *Oecon. Iur. Lib. 4. Tit. 19. §. 2. Not. 5.* MENCKEN. *Tract. Synopt. Proc. Tit. 13. §. 3.*

feriis renunciauerint, *c. fin. X. b. t.* vnde contra sententiam, vel decretum, die dominica, vel alio die festo promulgatum appellatione opus non est, sed querela nullitatis competit. Quantum vero ad humanas ferias attinet, partes iisdem omnino renunciare possunt, *A)* siue sint urbanae, siue rusticae, inter eas enim haecenus non est differentia, *d. c. X. b. t.* & tunc id, quod gestum est, eatenus subsistit, ut is, qui se grauatum putat, remedia suspensiuia adhibere teneatur. Permittuntur tamen in feriis diuinis actus voluntariae iurisdictionis, *B)* & ubi periculum in mora, v. gr. in tumultu, si pax publica laeditur, *l. 10. C. b. t.* quo pertinet etiam casus *l. 3. b. t.* vid. *c. 3. X. eod.* In feriis humanis

*A)* Modo & Iudex consentiat, quum & in eius fauorem haec feriae introductae. ANT. TESSA VR. *Dec. 93. n. 3.* GREVEN *Concl. 53. Confid. 2. n. 24.*

*B)* Placet distinctio inter actus voluntariae Iurisdictionis, qui *causae cognitionem* requirunt, & qui *nullam* desiderant, illi hisce diebus expediri non possunt, *arg. l. f. §. 1. C. b. t.* bene tamen *hi*; licet *rectius* facere videantur, qui & ab his actibus in feriis diuinis abstinent, nisi *periculum sit in mora.* LAVTERBACH. *Disp. de Voluntar. Iurisdict. §. 52.* DN. de BERGER *Oecon. Iur. Lib. 4. Tit. 14. §. 2. Not. 4.*

manis quæcunque causæ criminales peraguntur, & ubi alias periculum in mora est, vid. Lauterbach. *b. t. ibique alleg.*

## DISTINCTIO II.

Inter ferias *urbanas* & *rusticas*.

**R**usticæ omnibus profunt, etiamsi messe, aut vindemia non sint occupati: urbanæ autem ad solos mercatores C) pertinent, non

C) Recte monet BRUNNEM. *Proc. ciuil. cap. 6. n. 24. seqq.* has regulas esse inuertendas, quum cursus mercimoniorum non venditores solum, sed & emtores promiscuos requirat, *messis* vero negotia iis solummodo incumbant, qui *operi rustico* sunt addicti. Add. B. STRYK. *Vs. mod. ff. b. t. §. 13.* In *Marchia Brandenburgica* feriæ *messium* indistincte omnibus profunt. *Cammer-Gerichts-Ordn. Tit. 2. §. 7.* Contra in *Ducatu Magdeburgico* in iudiciis inferioribus, hæ feriæ saltem illis, qui *messe* occupati, profunt. *Verbeß. Magd. Proc. Ordn. cap. 2. §. 1.* In *Electoratu Saxonie* feriæ *humane* prorsus non attenduntur, exceptis feriis *Lipsiensibus* & *Naumburgensibus nundinalibus*, quæ etiam in *cambialibus*, nisi illis expresse renunciatum fuerit, obseruandæ.

ORD.

non vero ad reliquos ciues; vid. Gothofred.  
*ad l. 1. pr. ff. b. t.* Carpz. *P. 1. C. 3. Def. 22. it.*  
*Const. 30. Def. 24.*

### DISTINCTIO III.

Inter *Ferias ordinarias & repentinas.*

**F**eriis humanis ordinariis renunciare pro  
 lubitu possunt partes, ex principiis vul-  
 garibus; at vero licet omnibus renunciaue-  
 rint, hoc tamen ad repentinas non extendi-  
 tur, Lauterbach. *bic.* renunciatio enim  
 ad non cogitata nec præuisa non extendi-  
 tur.

### DISTINCTIO IV.

Inter *Dilationem citatoriam, delibera-*  
*tariam, & probatoriam.*

**D**eliberatoria hodie non amplius datur,  
 postquam libellus eique adiuncta do-  
 cumenta *D)* statim cum citatione aduersario  
 trans-

ORD. PROC. RECOGN. *Tit. XI. §. 5.*  
 vbi tamen adnectitur exceptio intuitu pa-  
 gorum, daß die Gerichtstage ausser der  
 Saat- und Erndte- Zeit gehalten werden  
 sollen.

*D)* De adiunctione documentorum, eo-  
 rumque transmissione in *cit. §. 34.* nihil  
 habe-

transmittuntur, & sic illa ipsi citatoriæ iam inest, v. *Rec. Imp. nouiss. §. diesem nächst 34. in fin.* Putat quidem Brunnem. in *Proc. ciu. c. 3. n. 13.* tunc eam adhuc hodie peti posse, si libellus non fuerit communicatus, sed ad hoc nemo adstringitur, quin potius eo casu exceptio non communicati libelli meliori iure opponitur. Remanet itaque citatoria, & probatoria, de quibus notandum, quod probatoria semper sit peremptoria, E) non autem citatoria. vid. *Gail. l. 1. Obs. 91. num. 1.*

### DISTINCTIO V.

Inter Dilationem *legalem, conuentionalem & iudicialem.*

Vsus hic nullus est, nisi vt diuersa harum dilationum causa efficiens cognoscatur. Hoc vnicum saltem notandum, F) quod

habetur, sed in *§. 35. & 45. d. Rec. arbitrio actoris* relinquitur, vtrum *documenta* libello *mox adiungere*, an verò *postea* producere velit. Add. *TEXTOR ad d. Rec. Imp. Disp. IV. §. 15.*

E) Ita vt ne quidem opus sit *contumaciæ adcusatione.* MEV. *part. 7. Dec. 36.*

F) Hoc quoque notandum, quod *dilatatio conuentionalis* admodum utilis fit illis, qui celeri processu se expedire cupiunt, &

quod ea species legalis dilationis, quæ ad interponendam appellationem, aliaque remedia suspensiva conceditur, a iudice prorogari nequeat, quod secus est in reliquis. Illustr. Stryk. *introd. ad prax. c. 23. §. 5.*

## DISTINCTIO VI.

Inter Dilationem *primam*, *secundam* & *tertiam*.

**D**ilationes, quia ad defensionem non parum conferunt, merito fauorabiles habentur; simul tamen; quia optima etiam remedia abufui sunt obnoxia, iudex in iis concedendis debitam circumfpectionem adhibere debet. Fluit hinc vsus practicus adlatæ distinctionis. Scilicet prima dilatio ad nu-

& quod illa a iudice *minus prorogari possit*, quoniam ius ex pacto parti quæsitum non est in arbitrio iudicis. B. STRYK. *Introd. ad Prax. forens. c. 8. §. 3.* Quam vero heic limites officii sæpius iudices excedant, cautelam commendat B. STRYK. *d. l.* Ut pacto & illud caueatur: *Terminum illum debere præclusum esse, ita ut nullus prorogationi iudiciali remaneat locus.* Vel, si adeo rigide se arctare nolint litigantes, exprimant: *Non plus quam semel prorogationem petendi ius esse debere.*



nudam fere impedimenti allegationem G) conceditur, Carpz. *de Process. tit. 13. art. 1. num. 168. seqq.* in secunda concedenda non æque facilis esse solet iudex, nisi impedimentum summarie doceatur: tertia (olim quarta) non conceditur, nisi cum solemnitate legali, id est, præstito iuramento calumniæ, & accedente causæ cognitione, nec non plena impedimenti probatione, *vid. Recess. Imp. nouiss. §. den punctum probationis. 50. Brunnem. Proc. Ciu. C. 6. num. 9. seqq.* Si procurator eam petit, speciale mandatum H) re-

G) *Hodie in Electoratu Saxoniae ne prima quidem dilatio citra demonstrationem necessarij impedimenti, secunda nonnisi cum solemnitate legali, tertia plane non concedenda, & si de facto illa concessa, vel secunda sine solemnitate legali, utroque casu dilatio nulla, probatio vero deserta declarari debet. ORD. PROC. RECOGN. Tit. 26. §. 3. ubi §. 4. exceptio additur intuitu personarum, beneficio restitutionis gaudentium, quibus prima dilatio citra demonstrationem necessarij impedimenti, altera sine solemnitate legali, tertia vero cum solemnitate legali concedenda.*

H) *Hæc sententia dubia, nec MEVIUS loc. cit. de dilationis petitione, sed iuramenti præsta-*

requiritur ab omnibus litis consortibus subscriptum, *Mev. P. 5. Dec. 391.*

## DISTINCTIO VII.

*Inter Prorogationem & Dilationem.*

**V**sum distinctionis post *Recess. Imp. nouiss. §. 50.* in eo ponit Illustr. Stryk. *VS. mod. ff. b. t. §. 19.* quod prorogatio termini semper ante eius lapsum sit petenda, secunda autem dilatio etiam prima elapsa, impetrari queat, idque propter verba *d. Recess.* daß nach Verfließung des ersten *termini probatorii* oder ersten *dilation* die zweite *dilation* ertheilet werde; Praxis tamen hic est in contrarium, ut idem Vir illustris notat, iuxta quam etiam secunda dilatio ante lapsum primæ petenda erit.

LIB.

*statione loquitur.* Ita enim habet Rubrum *dict. dec. Sine mandato speciali procurator non admittendus est AD IURAMENTVM pro tertia dilatione.* Cuius ratio in propatulo, quoniam *in animam alterius, sine speciali mandato, iuramentum non præstatur. c. f. de iuram. Calumn. in 6.* SVENDENDÖRFF. in *Proc. Fibig. p. 610.* DN. GRIßNER *Disp. de Mandat. special. §. 18.*

LIB. II. TIT. XIII.

## De Edendo.

## DISTINCTIO I.

Inter Libellum *simplicem & articulatum.*

**P**rior ubique admittitur, posterior non item, quippe qui in Saxonia, nec non in Camera Imperiali, semper reiicitur, idque propter multas disputationes, quæ super releuantia, aliisque articulorum qualitatibus, oriri solent, *Rec. Imp. nouiss. §. Die fernächst num 34. & §. zu Beforderung 64. Berlich. P. 1. Concl. 12. num. 3. Carpzou. P. 1. Const. 2. Def. 1.* Mores prouinciarum extra Saxoniam variant. In plerisque tamen libellus articulatus in ciuilibus non admittitur:

## DISTINCTIO II.

Inter Libellum *ciuilem & criminalem.*

**L**ibellus ciuilis speciali petito opus habet, alias tanquam ineptus reiicitur; ast in criminalibus generale sufficit: den Angeflagten denen Rechten nach, mit gebührender Strafe anzusehen, *vid. Wessenbec. Parat. ff.*

P. I.

F

de

*de accusat. num. 12.* Criminalis adhuc articulatus esse solet, A) civilis non. Illustr. Dn. Stryk. *introd. ad prax. forens. c. 7. §. 2.*

### DISTINCTIO III.

Inter Libellum *ordinarium* & *summariū*.

**I**n utroque requiritur facti narratio, & petitum speciale, differunt tamen in eo, quod ordinarius semper in scriptis offerri debeat, summarius non item, *Clem. Sape. de V. S. & quod in summario non attendatur ineptitudo forsan admissa, modo constet quadantenus, quid actor velit. Scaccia de Iudic. lib. 1. c. 50. num. 16. Brunnem. Proc. civ. c. 5. num. 13, nec puto in summario omnibus clausulis opus esse, quæ libello ordinario ex consuetudine locorum inferi consueverunt. De diuerso petito. vid. Doctrin. ff. b. t. §. V.*

### DIST.

A) In *Electoratu Saxoniae* non admittitur; quamvis si adcusator probationem sibi per torturam adcusati faciendam referuer, *indicia libello articulatim* subnectere liceat, quibus non minus, quam ipsis libelli narratis, adcusatus respondere tenetur. *CARPZ. Ipr. for. part. 1. Const. 2. Def. 3.*

## DISTINCTIO IV.

Inter Libellum *conventionalem* & *reconventionalem*: *primæ* & *secundæ instantiæ*.

**H**as species non aliter, nisi ratione diuersarum causarum & instantiarum differre puto. Quantum enim ad essentialia libelli pertinet, hæc vbiuis eodem modo obseruari debent, nisi quod in libello secundæ instantiæ formalia, v. gr. appellationis, &c. semper iustificari debeant, prout practici loquuntur.

## DISTINCTIO V.

Inter causam petendi *proximam* & *remotam*.

**V**isus distinctionis non exiguus deprehenditur circa libellum rite formatum, adeoque vere practicus. Scilicet actiones institutæ vel superstruuntur iuri in re, vel ad rem, & propterea sunt vel reales, vel personales. In realibus causam *proximam* (siue *generalem*, vt aliqui malunt) exprimere sufficit, v. g. in rei vindicatione, *quia sum dominus*: in hereditatis petitione, *quia sum heres*: in confessoria actione, *quia mihi seruitus est constituta*: in hypothecaria, *quia mihi res oppignorata*: in interd-

Etis retinendæ vel recuperandæ possessionis, *quia sum, vel fui in possessione*. Ast in personalibus causam *remotam* (seu *specialem*, iuxta alios) adducere oportet. Ergo non sufficit, si dicam: *Peto Titium condemnari, quia mihi centum debet ex contractu, vel delicto*; sed ita medius terminus formandus: *quia mihi centum debet ex mutuo, ex emto, ex locato, societate, &c.* item *quia me iniuriis affecit, quia damnum mihi intulit, rem mihi furto abstulit, &c.* Hæc ita quoad regulam iuris. Quod si enim de prudentiæ regulis solliciti sumus, in realibus quoque utile est, ut causa *remota* inferatur libello, v. g. *sum dominus ex præcedente emtione, donatione: sum heres ex pacto, ex testamento, ab intestato: constituta mihi est servitus per contractum emtionis, donationis, in testamento; oppignorata mihi est res propter mutuum, propter residuam partem mercedis, &c.* quamvis enim tunc causam illam remotam forsan probare nequeam, ad aliam tamen reuerti possum, e. g. dixi, me esse dominum ex emtione, sed succubui in probatione; possum me dicere dominum ex donatione, permutatione, &c. & processum denuo inchoare; exceptio enim rei iudicatæ mihi non obstat, quoties ex noua causa ago. Ast si libellum generaliter formavi, solam causam proximam adducendo, & tamen probare non potui, sed alter abso-

lutus

lutus fuit; tunc si de nouo agere velim, exceptio rei iudicatæ mihi obstat, quia omne ius meum iam semel in iudicium deduxisse videor. vid. Obrecht. *de libell. c. 11. n. 68. 70.* Brunnem. *de Proc. civil. c. 5. num. 6.*

## DISTINCTIO VI.

Inter *Mutationem & Emendationem*  
libelli.

**P**rior fit in ipsis substantialibus libelli, v. g. in causa petendi: posterior saltem in accidentibus, v. gr. circa quantitatem petitam, fructus, expensas, &c. Prior permittitur solummodo vsque ad litis contestationem; posterior vero vsque ad sententiam ipsam, seu, quod rectius videtur, vsque ad causæ conclusionem, Meu. *ad Ius Lubec. P. 5. tit. 3. Art. 1. n. 5. & 6.* Illustr. Dn. Stryk. *introd. ad prax. for. c. 7. §. 12.* in Saxonia vsque ad præstitam guarandam *B)* libellum mutare

*B) Hodie in Electoratu Saxoniae præstatio guarandæ prorsus abolita.* ORD. PROC. RECOGN. Tit. 12. Quod ad facultatem mutandi libellum vero distinguitur: Vtrum actor circa modum agendi vel probandi eundem mutare velit, & hoc licet, vsque dum sententia super L. C. lata in rem iudicatam transit, refusis tamen reo.

re licet, Zanger. *de Except. P. 2. C. 21. n. 70.* Ceterum obseruaui, multos DD. vocabula *emendationis & mutationis* promiscue sumere, & sic nec emendationem post litem contestatam permittere, v. Meu. *d. l. item num. 1.* a qua tamen confusione merito abstinendum.

## DISTINCTIO VII.

Intér Libellum *generalem & specialem.*

**P**osterior regulariter locum habet, prior non, nisi in actione vniuersali, & generali, v. g. hereditatis, & dotis, pro socio, tutelæ, &c.

## DISTINCTIO VIII.


Inter Libellum *simplicem & alternatiuum.*

**P**osterior non admittitur, nisi in obligatione alternatiua, v. gr. si ex *l. 2. C. de resc.*

expensis; an vero libellum mutare velit *in substantia*, puta, *in caussa petendi*, vel *in ipsa re*, & hæc mutatio, refutis reo expensis, *semper* permissa, ita tamen, vt ob protractionem litis, actor cum aduocato *ad multam* 10 vel plurium thalerorum condemnari possit. ORD. PROC. RECOGN. Tit. 5. §. 9.



*resc. vend.* agitur, item in causis mercatorum, C) & criminalibus, D) vid. Lauterbach.



## LIB. II. TIT. XIV.

## De Pactis.

**C**um apud omnes, ni fallor, in confesso sit, ea quoque pacta, quæ apud Romanos nuda vocabantur, firmam hodie producere obligationem & actionem; hinc inutile esse censeo, ut omnes pactorum distinctiones, quas Lauterbachius, Franzkius, alique plures, magno conatu adferunt, in specie percurramus. Nobis hoc unicum dixisse sufficiat, in usu praxeos nihil interesse A), inter pacta nuda, legiti-

C) Quia heic cessant apices iuris, & omnia ex bono & æquo sunt decidenda. CARPZ.

*Ipr. for. part. 1. Const. 2. def. 10.*

D) h. e. adcusator *alternatiue* potest petere, ut vel *condemnetur* adcusatus, vel *torturæ subiiciatur*. CARPZ. *Prax. Crim. part. 3.*

*Quæst. 106. n. 25.*

A) Nihil omnino interest respectu *obligationis*, plurimum vero respectu *actionis*.

gitima, adiecta in continenti, & ex intervallo, b. f. aut stricti iuris contractibus, item, siue aliquid mutent circa essentialia, aut naturalia contractuum. Item nullam esse in effectu differentiam inter reales, B) consensuales, & verbales, nominatos & innominatos contractus. De chirographario ad titulum de rebus creditis dicemus. Cessat quoque differentia inter contractus b. f. & stricti iuris, quia iudicem pedaneum, cuius intuitu illa differentia obtinebat, amplius non habemus. Eam tamen, quæ inter  
veros


inde oriundæ. Ex pacto nudo enim competit *condictio ex moribus*, ex legitimo; *condictio ex Lege*, ex pacto in continenti contractui adiecto, actio ex *contractu*, ex *post intervallum* adiecto, eadem, quæ ex pacto nudo hodie datur. B. STRYK. *Vf. mod. ff. b. t. §. 3. seqq.*

B) Hæc verba caute intelligenda, ne quis existimet, contractum realem perinde ut consensualem, hodie *solo consensu* perfici. Differunt enim adhuc hodie *pactum de mutuando*, & ipse *contractus mutui*; ex illo quippe *condictio certi ex mutuo* non datur, bene tamen ex *hoc*. Quamvis ex pacto de mutuando promittens *hodie* valide obligetur, perinde ac si contractus consensualis esset initus. B. STRYK. *d. l. §. 4.*

veros & quasi contractus intercedit, differentiam adhuc omnino agnoscimus, quia in quasi contractibus etiam illi, qui consentire nequeunt, ut furiosi, pupilli, &c. ex æquitate obligantur, ex consensu non tacito, sed præsumto, siue ficto, quamvis hæc duo a nonnullis male confundantur. C) Conf. hic Illustr. Dn. Thomafius in *Disp. Lips. de Philosophia Iuris cap. 3. §. 131. seqq.* & Exc. Dn. Ioh. Sam. Strykius in *pecul. Diss. de Processu Iuris Romani antiquo*, passim. Distinctio denique inter pacta iudicialia & extraiudicialia peculiarem usum non præbet, cum utraque eandem vim obligandi habeant, nisi forsitan dicere velis, iudicialia maio-

C) Differentiâ inter *tacitum* & *præsumtum* consensum in hoc se exferit, quod consensus *præsumtus* constituitur *vi & auctoritate Legis*, ex æquitate, *tacitus* vero colligatur vel ex *facto proprio*, vel *alieno*, quod fit in re nostra, nobis scientibus, quod prohibere possumus, non tamen prohibemus. ENGELBRECHT *disp. de Consens. tacit. §. 3.* Tu notes velim regulas: *Quicumque ob impedimentum intrinsecum non potest consentire expresse, is nec potest consentire tacite*, & *Cuiuscunque non est consensus expressus & tacitus, illius tamen est consensus præsumtus.*

maiores pro se iustitiæ præsumptionem habere, quam extraiudicialia; sed tamen & hæc in dubio iusta præsumuntur.



## LIB. II. TIT. XV.

## De Transactionibus.

**D**istinctio inter transactiones, quæ fiunt nudo pacto, stipulatione, & per contractum innominatum; magnum in praxi fori Romani usum habebat, sed apud nos ex modo dictis *ad tit. præced.* sua sponte corrui.

## DISTINCTIO I.

Inter Transactionem super delictis capitalibus & non capitalibus, publicis & privatis.

**S**uper capitalibus transigere indistincte licet, *A)* ita ut nec accusator propterea pœ-

*A)* Imo non indistincte, sed excipiendum crimen perduellionis; quum enim per *L. 5. §. 6. C. Ad L. Iul. Maiest.* sola scientia & reticentia huius criminis reatum inuoluat, non vero fit simile, transigendi facul-

pœnam incurrat, *B*) nec reus crimen confiteri videatur, *l. 18. C. b. t. l. f. ff. de præuariat.* Secus in non capitalibus, ubi actor transigens tanquam fallarius, & reus tanquam confessus punitur, *d. d. L. L.* In priuatis eadem pœna reo transigenti dictatur, & infamiam per consequens incurrit, *l. 4. §. f. & L. L. seqq. ff. de his qui not. infam.*

## LIB.

facultatem aduersatori concessam esse. *Consent. ANT. MATTHÆI de Crimin. lib. 48. Tit. 19. c. 7. n. 14. ZOES. ad ff. b. t. n. 41. BRNNEM. ad L. 18. C. b. t. n. 10. seq. HUBER. Prælect. ad ff. b. t. §. 5. SCHILTER. Prax. Iur. Rom. Ex. 9. §. 27.*  
*B*) Scilicet, si transigat ante aduersionem institutam, secus si post, tunc enim incidit in pœnam SCti Turpiliani, *l. 1. §. 7. l. 10. ff. Ad SCtum Turpil.* in quod incidunt omnes, qui non impetrata abolitione, ab aduersando desistunt. Transactio autem non est iusta abolitionis impetrandæ causa. *l. 2. C. de Abolit. ANT. MATTHÆI dict. Tit. 19. cap. 7. n. 6. WISSENBACK. ad ff. part. 1. Disp. 10. tb. 13.*

## De Postulando.

## DISTINCTIO I.

Inter Aduocatos *priuatos* & Aduocatos *fisci*.

**A**duocato *fisci* certum salarium a Principe constitui solet, quo pertinent etiam illi, qui casus domaniales respiciunt, die Cammer = Advocaten, Cammer = Consulenten, &c. Secus est in aduocatis *priuatis*, qui de honorariis, a clientibus ipsis oblatis, vnice viuunt. Aduocatus *fisci* non iurat de calumnia, Gail. 1. Obs. 90. num. 4. bene tamen aduocati *priuati*. A) §. 1. I. de *pen. tem. litig. Rec. Imp. nouiss.* §. 1. über dieseß. 43. Aduocati *fisci* excusantur a tutela, B) §. 1. I. de *Excusat. Tutor.* quod priuilegium *priuatis* etiam aduocatis indultum esse

A) Vid. notand. *infra Lib. 12. Tit. 2. ad distinct. 9.*

B) Hæc sententia dubia, quoniam in *cit.* §. 1. sermo est de illis, qui *res fisci administrant*, quod non potest extendi ad *aduocatos fisci*, qui *iura fisci* saltem tuentur. Consent. B. HOPP. *ad d.* §. 1.

esse nullibi in iure deprehendo. Reliqua e. g. quod sportulas non soluat, &c. magis sunt priuilegia fisci, quam eius aduocati.

## DISTINCTIO II.

Inter Aduocatos *ordinarios* & *supernumerarios*.

**D**istinctio hæc alias manifestum habet vsum, quando ad illa officia applicatur, quæ certum salarium adnexum habent, tunc enim supernumerarii a perceptione eiusdem excluduntur. Ast inter Aduocatos ne ordinarii quidem salarium percipiunt, ergo hæc differentia sine dubio cessabit. Et cum in illis foris, quæ mihi cognita sunt, supernumerarii non minus, quam ordinarii, ad suscipienda causarum patrocinia admittantur; hinc nullum fortassis vsum habebit adlata distinctio, nisi vt Aduocati diuerso titulo ab inuicem discernantur. Titulo enim *Aduocati ordinarii* admodum delectantur nonnulli homines, etiam in iis locis, vbi tamen nec ordinarii, nec extraordinarii deprehenduntur.

De His, qui notantur  
infamia.

## DISTINCTIO I.

Inter Infamiam *iuris* & *facti*.

**V**us in eo later, (1) quod infamia iuris a lege etiam propter *unicum* factum irrogetur, unde qui semel furtum, rapinam, falsum &c. committit, eandem iamdum incurrit; sed infamia facti *plures* actus *A)* requirit. Hinc qui semel ebrius est, nondum notatur a grauibus viris, sed qui ebriosus: non filius, qui semel reuerentiam

*A)* Hanc adsertionem sæpenumero fallere, inde patet, quod infamiam *facti* incurrat, qui cum cauponis ancilla concubuit, *L. 25. 29. C. Ad L. Iul. de Adult.* qui ex causa famosa per procuratorem condemnatus, *L. 2. ff. de Obsequ. par. & patron. præst.* qui interdicto de vi condemnatus, *L. 1. §. 43. ff. de Vi & vi armat.* qui condictione furtiua condemnatus, *L. 36. ff. de Obl. & Act. CIVD. de Condict. furtiu. cap. 3. n. 29. seqq.* quibus casibus tamen *plures* actus requiri nemo dixerit,



tiam patri denegat, sed qui pertinax: non mercator, qui semel laute viuit, sed qui laute viuendo maximam partem substantiæ suæ consumit, &c. Deinde (2) vsus se exhibet ratione probationis. Infamia iuris per duos testes probatur; sed ad probandam infamiam facti plures requiruntur, B) qui dicant, se a pluribus ac maiore parte viciniæ, & non vno tempore, neque loco; sed sæpius audiuisse, hunc hominem male audire apud honestos viros, quamuis ad causam infamiæ facti probandam duos quoque sufficere statuant, vid. Wesenbec. *Parat. ff. b. t. num. 7.* Brunnem. *in Repet. parat. b. t. qu. 37.* Denique (3) diuersitas in effectu sese ostendit. Infamia enim iuris etiam a dignitatibus susceptis infamem remouet, & testi-

B) Hoc WESENBEC. *l. c.* non dicit, & duos tam ad iuris quam facti infamiam probandam sufficere, tradunt MASCARD. *de Probat. Vol. 2. Conc. 895. n. 2.* FARINAC. *Opp. Crimin. Lib. 1. Tit. 5. Q. 47. n. 303.* quæ sententia inde probabilis, quod ad famam, seu bonam seu malam, probandam, non nisi duo testes requirantur. FARINAC. *d. Q. 47. n. 208. seq.* MASCARD. *d. Vol. 2. Concl. 749. n. 1.* CARD. TVSCH. *Pract. Concl. Tom. 3. Lit. I. Concl. 64.*

testimonio eius omnem plane fidem C) detrahit: infamia autem facti arcet saltem a dignitatibus suscipiendis, & a testimonio ferendo non plane repellit, sed fidem testimonii solum minuit, vid. quos allegat Lauterb. b. t. Hoc quoque addi posse videtur, effectum infamiae iuris esse perpetuum, l. 43. §. 4. ff. de rit. nupt. infamiae facti autem temporalem. Hinc qui ebriosus, pertinax, prodigus fuit, si postea ad sanos mores reuertitur, nulla amplius labe adspargitur, vnde communiter dicere solent: Er hat sich befehret.

DIST.

C) Sententia AVCTORIS Iuri Canonico congruit, vid. c. 54. X. de test. c. 1. X. de Except. nec non bodierno. LAUTERBACH. Concl. Forens. Exerc. 10. Concl. 14. DN. de BERGER. Oeconom. Iur. Lib. 4. Tit. 24. §. 3. RIVIN. Enunc. Iur. Tit. 20. Enunc. 73. De iure civili vero infames, infamia iuris notatos, non indistincte a testimonio dicendo repelli, vel inde patet, quod in l. 3. §. 5. l. 15. l. 18. 21. ff. de Test. quidam infames excipiantur, ne testimonium dicant; unde confit, non omnes omnino infames a testimonii dictione excludi, sed quosdam admitti, ita tamen ut non sint testes omni exceptione maiores. FRANZK. ad ff. b. t. n. 24. B. STRYK. Vj. mod. ff. Tit. de Test. §. 2. BACHOV. ad Treutl. Vol. 2. Disp. 5. tb. 8. lit. B.

## DISTINCTIO. II.

Inter Infamiam *immediate ab ipsa lege*  
 & per *sententiam iudicis*  
*irrogatam.*

**V**sus hic est, quod in casu posteriori, quamdiu cognitio de delicto alicui imputato adhuc pender, omnia pristina iura ei conferuentur, & sic quidem suspensio interdum ob grauius indicia, nunquam autem ipsa remotio decerni soleat & debeat, quod fecus est in priori casu, ob delicti notorietatem.

## DISTINCTIO. III.

Inter *Infamiam & levis notæ maculam.*

**P**rior ex turpi, id est, legibus prohibito facto oritur, posterior saltem ex vili & sordido, imo interdum sine omni facto, e. g. in spuriis, incestuosis, & adulterinis liberis. Ceterum eosdem effectus producit, quos infamiæ facti tribuimus. vid. Illustr. Dñ. Stryk. in not. ad Lauterbach. b. t. in f. verb. De effectu.

# De Procuratoribus & Defensoribus.

## DISTINCTIO I.

Inter Procuratorem *principalem* & *substitutum*.

**P**rioris facta præstare tenetur dominus, non autem posterioris, nisi potestas substituendi procuratoris principalis mandato inserta fuerit, vid. Carpz. *de Process. tit. 5. art. 5. num. 5. & 6.*

## DISTINCTIO II.

Inter *verum* & *quasi* procuratorem.

**V**erus procurator expresse mandato instructus est, & sic de rato non cauet; quasi procurator autem præsumtionibus aliquibus nritur, quibus iudici fidem facit, sibi esse commissum mandatum, & propterea cautionem interponit, *l. 40. ff. ult. ff. & l. 21. C. b. t.* Vnde non quilibet quasi procurator esse potest, sed saltem parentes & liberi, *A)*  
*l. 35.*

*A)* Masculini sexus. arg. *l. 54. ff. de procurator. l. 18. C. eod.*

*l. 35. pr. ff. b. t. fratres, d. l. 35. pr. affines descendentes & adscendentes, B)* v. g. *focer & gener, nec non collaterales vsque ad secundum gradum iure ciuili: maritus ratione receptitiorum: consortes litis post litis contestationem: C)* qui instrumenta ad causam per-

*B)* Hi soli, tam in *Saxonia*, quam *Marchia Brandenburgica*, admittuntur, exclusis omnibus adfinibus in linea collaterali, & quidem in *Marchia*, solus *focer & gener*, siue constante, siue soluto matrimonio, in *Electoreatu Saxoniæ* vero præter *focerum & generum*, etiam *vitricus & priuignus*, durante adhuc, utroque casu, adfinitatis vinculo. *Cammer=Ger. Ordn. Tit. 22. §. 11. Ehur=Sächs. Verbef. Proc. Ordn. Tit. 7. §. 3.*

*C)* Ratio, quia *ante* litem contestatam nullum adest factum, quo mediante præsumtum mandatum elici possit, sed hoc demum ex ipsa *L. C.* a lege deducitur, qua facta ab omnibus consortibus simul, videntur hoc velle, vt lis ad finem perducatur. *LAUTERBACH. Disp. de Caut. rati a coniunct. præstar. solita §. 31. In Electoreatu Saxoniæ* vero etiam *ante L. C.* consortes pro se inuicem defensorio nomine comparentes admittuntur. *MARTIN. ad Ord. Proc. Sax. Tit. 7. §. 2. n. 107. MENCKEN. Tr. Synopt. proc. Tit. 7. §. 11.* G 2

pertinentia secum habet, vid alleg. a Lauterbach. b. t.

### DISTINCTIO III.

#### Inter *Aduocatū* & *Procuratorem*.

**I**n multis quidem locis aduocati simul procuratoris munere funguntur ; in multis tamen aliis hæc officia distincte ab inuicem separantur , v. g. in curia suprema Lipsiensi, in camera imperiali, & alibi, & proinde, quamuis interdum vtrumque officium in vna eademque persona concurrat, duplici tamen iuramento opus est. Aduocatus scripta conficit, inque iisdem iura clientis deducit, item in iudicio verba facit : Procurator sollicitat, (vnde in Pomerania etiam die Sollicitanten nihil aliud sunt, quam Procuratores,) fatalia obseruat, Aduocatum in facto informat, &c. Et hinc, si accurate proceditur, Aduocatus mandato non habet opus, sed Procurator. De iure Romano Aduocati salarium peculio quasi castrensi accensebatur, *l. 4. C. de Aduoc. diuers. iudicior.* Procuratoris non item. Sed hæc differentia in Procuratoribus summorum Tribunalium hodie cessat, quippe qui eandem fere cum Aduocatis dignitatem habent, *D)*  
vnde

*D)* Imo in *Camera imp.* munus procuratoris *dignius* est munere aduocati, cum nemo

vnde etiam alia priuilegia, quibus ratione  
 salarii gaudent Aduocati, ad tales Procura-  
 tores hodie erunt applicanda, vid. Bachov.  
*ad Treutl. Disp. 9. th. vlt. lit. D. Brunnem.*  
*ad. d. l. 4.* Corruunt simul quoque aliæ dif-  
 ferentiæ. Iure Romano officium Procurato-  
 ris vile & abiectum erat, & hinc infamis ad-  
 mittebatur, prout colligunt ex *§. f. I. de Ex-*  
*cept. E)* Hodie honorabile admodum est  
 illud officium, & sic infames excluduntur,  
 vid. Hahn. *ad Wesenbec. b. t. num. 4.* Olim  
 non compellebantur inuiti Procuratores ad  
 præstandum officium, quippe quod mere  
 priuatum erat, *l. 8. §. 1. ff. b. t. l. 17. C. de*  
*Pro-*

nemo in numerum procuratorum coo-  
 pteretur, nisi qui *antea* fuit aduocatus Ca-  
 meræ, idque ideo, quia in procuratore  
*maior peritia Styli Cameralis* requiritur,  
 quam in aduocato. BLVM. *Proc. Cdm. Tit.*  
*10. §. 3.*

*E)* Hæc conclusio non adeo firmo stat talo,  
 quum *cit. §.* saltem loquatur de *infamia*  
*dubia*, id quod ex adiecta ratione patet.  
*Ne, dum de his altercatur, ipsius negotii*  
*disceptatio proteletur.* At vero super in-  
 famia *notoria* vel *in continenti demonstra-*  
*bili* non opus est altercatione, hinc nec  
 metuenda negotii protelatio. Consent.  
 BACHOV. & LVDWELL. *ad d. §. f.*

*Procurat.* Hodie fecus. Illustr. Dn. Stryk.  
*Vf. mod. ff. b. t. §. 19. 20. 21. Gail. l. 1. Obs. 43.*  
*2. 7. & 8.*

## DISTINCTIO IV.

*Inter Procuratorem & Defensorem.*

**D**efensor absentem sine mandato in iudicio defendit, & hinc ad satisfactionem *F)* est adstrictus, *l. 46. §. 2. ff. b. t.* quæ omnia secus se habent in Procuratore. Non tamen ea, quæ diximus, ad hodiernos *Defensores* inquisitorum applicanda; quippe qui non satisfiant, sed vel mandato instructi sunt, vel interdum quoque a Magistratu ex officio constituuntur, præcipue, si inquisiti egestate laborant, ubi iudex illis quoque honorarium persolvit, ne inquisitus indefensus maneat. Nec ad Procuratores reorum in civilibus, qui etiam defensores abusive vocari solent.

## DIST.

*F)* De *Iudicato soluendo*, & si actio *in rem* instituta fuerit, simul ad cautionem *de rato. l. 40. §. 2. ff. b. t.* In *Electoratu Saxonis* eiusmodi defensores haud admitti, luculenti testes sunt DN. de BERGER *Oecon. Iur. Lib. 4. Tit. 4. §. 1. Not. 3.* DN. MENCKEN. *Tractat. Synopt. Proc. Tit. 7. §. 8.*



## DISTINCTIO V.

Inter Procuratorem *cum libera* &  
*sine libera.*

**M**aximum communiter huius distinctionis usum in praxi esse adserunt, cum procurator cum libera (qualis dicitur, si hæc clausula mandato inserta est: Ich gebe meinem Anwalt freye Macht und Gewalt, alles Dasjenige bey dieser Sache zu verrichten, was ich selbst, wenn ich zugegen wäre, verrichten könnte, oder wolte,) omnia facere queat, ad quæ expedienda alias speciale mandatum requiritur, quem in finem allegant c. 4. t. *Procurat. in 6.* Couarruu. *lib. 1. resolut. 6. n. 3.* Verum enim verò si res paulo accuratius inspiciatur, prætenfus iste usus seneutiquam exserit. Clausula enim illa nihil certi determinat, quod tamen in rebus magni momenti fieri debet, sed semper quæstionem præiudiciale probandam relinquit: an dominus hoc facere *voluerit*? quod enim *potuerit*, nondum sufficit, quoniam ea duo: *posse & velle*, copulatiue requiruntur. Nihil ergo interest, an sit mandatum cum, an sine libera, Illustr. Dn. Stryk. *Caut. contr. Sect. 2. c. 11. §. 4.* Suendendorff. *ad Process. Fibigii c. 2. §. 6. num. 138.* qui & hanc formulam nullius momenti esse dicit: Solte auch meinem Mandatario mehrere Gewalt,

als hierinnen ausdrücklich begriffen, von nöthen seyn, will ich ihm solche auch in denen casibus, welche ein special Mandat erfordern, gegeben und mitgetheilet haben. G)

# DISTINCTIO VI.

Inter Procuratorem *in rem suam*  
& *in rem alienam*,

**P**osterior solummodo est procurator proprius dictus, prior autem est cessionarius,

G) *Hodie in Electoratu Saxonie*, sufficit unum alterumue actum, speciale mandatum requirentem, *diserte* in mandato exprimi, subiecta Clausula generali: Daß der Gebollmächtigte alle actus, die ein special Mandat erfordern, oder der Principal selbst verrichten möchte, oder könnte, expediren solle. Viculus procurator etiam *reliquos* actus, speciale mandatum alioqui requirentes, quantumvis non expressos, expedire potest, *paucis* exceptis, ut puta, transactione, litis & causæ renunciatione, iuramentorum remissione, vel agnitione pro præstitis, agnitione documentorum pro editis, ac recognitis, agnitione copiarum pro originalibus, acceptione pecuniæ, præter expensas. Vid. ORD. PROC. RECOGN. Tit. 7. §. 2.

rius, *H*) quem Romani ideo procuratorem appellabant, quia cedens etiam post cessionem iure subtili manebat creditor, quandoquidem obligatio primitus acquisita ossibus inhaeret, & ab iisdem separari nequit. *V*sus interim in eo sese exserit: commodum litis non pertinet ad posteriorem, quippe qui salario suo pro opera praestita contentus esse debet; bene tamen ad priorem. *I*) Prior potest substituere, non poste-

*H*) Non omnis procurator in rem suam est cessionarius, sed is saltem, qui actione aliena, ex titulo ad eam transferendam habili mandata, in proprium emolumentum experitur. Dantur vero & alii procuratores in rem suam, veluti, quum quis eum, a quo causam, & quem inde sibi obligatum habet, procuratorem constituit, ut is suo periculo experiat, e. g. quum fideiussor, a creditore conuentus, debitorem principalem procuratorem constituit, l. 42. §. 2. ff. b. t. emtor in lite euictionis venditorem, l. 66. §. 2. ff. de Euiet. creditor debitorem, quum lis est de proprietate pignoris, maritus socerum, aut uxorem, ratione proprietatis rei in dotem datae. l. 63. ff. de Re iudicat.

*I*) Et hinc procurator in rem suam esse potest, qui nequit esse procurator in rem

posterior. Prioris potestas non expirat morte mandantis, bene tamen posterioris. *K)* Prior non indiget speciali mandato, etiam in rebus maximi momenti; v. g. in iuramenti delatione, transactione, &c. posterior autem sine speciali mandato talia non suscipit.

## DISTINCTIO VII.

Inter *Procuratorem* & *Actorem*.

**P**rocurator a domino constituitur, *l. 1. pr. ff. b. t.* Actor vero a tutore vel curatore ante litis contestationem, quia tunc litis nondum sunt domini, *l. 11. C. de Procur.* In Iudiciis nostris, Saxonis præcipue, vocabulum actoris adhuc quidem frequentatur, vnde dicere solent: Titius *erscheinet actorio nomine*, und *legitimiret seine Person durch beykommendes Actorium*; sed in effectu differentiam inter actorem & procuratorem non deprehendo; ille enim plus expedire non potest, quam hic, & vice versa.

*alienam*, e. g. miles, mulier, *l. 4. l. 9. C. b. t.*

*K)* Non *iure civili*, per *l. 23. C. b. t.* sed *bo-dierno*, vnde heredes litem a defuncto cceptam readsumere tenentur, nisi mandatum, ceu fieri debet, ad heredes mandantis directum. *R. I. de anno 1654. §. 99.*

sa. Ad hoc ergo saltem proderit adlata distinctio, vt linguam eruditorum intelligamus.

## DISTINCTIO VIII.

Inter Procuratorem *ante* & *post* litem  
*contestatam.*

**P**rocurator iure Romano post-litem contestatam fiebat dominus litis, vnde sibi ex sententia acquirebat actionem directam: ius suum ad heredes trans mittebat: substituerebat: non poterat eius mandatum reuocari, & in ipsius personam sententia concipiebatur; quæ omnia ante litem contestatam secus sese habebant. Verum enim vero cum omnes illi effectus, & sic quoque ipsum litis dominium, sine dubio apud nos cessent, prout multis probauit Schilter. *Exerc. 19. tb. 43. seqq.* & ipsa praxis hoc loquitur; hinc quoque vsum adlatæ distinctionis practicum adhuc hodie esse non existimo. Conf. Dn. Beyer in *Posit. ff. b. t. pos. 71. seqq.* qui Schilteri mentem summam exhibet.

# Quod cuiuscunque Vni- uersitatis nomine vel contra eam agitur.

## DISTINCTIO I.

### Inter Syndicos & Procuratores.

**S**yndicus a tota vniuersitate tanquam persona morali constituitur : Procurator a persona physica. Syndicus in dubio ad omnes lites constitutus esse censetur : plures in solidum dati *A*) existimantur : ad mandatum Syndici non requiritur subscriptio constituentium, sed solum sigillum publicum sufficit, si vniuersitas tali instructa est, quæ omnia in Procuratoribus secus se habent, vid. Berlich. *P. 1. Concl. 24. n. 99.* Schilter. *Ex. 10. tb. 50. seqq.* Klock. *Vol. 2. Conf. 52. n. 117. seqq.* Syndicum aliquis

*A*) In hoc procuratores a Syndicis haud differunt, nam & illi & bi plures ad eandem causam dari possunt, singuli tamen in solidum dati censentur. HAHN. *ad Wesenbec. b. t. n. 5.* B. STRYK. *Vf. mod. ff. Tit. de Procurator. §. 25.* SCHILTER. *Prax. Iur. Rom. Exerc. 10. tb. 52.*

quis inuitus fuscipere tenetur, non vero aliud mandatum, B) vid. Lauterbach. *b. t.* qui quidem cum aliis allegatis, hanc quoque differentiam addit, quod Syndicus sit instar procuratoris cum libera, & sic plus potestatis habeat, quam alius procurator; verum quia distinctionem inter procuratorem cum & sine libera iam reiecimus *tit. præced. Dist.* V. ergo illa quoque differentia cessabit. Et quid? Lauterbachius dicit, Syndicum propterea transigere posse, & tamen *ad tit. de Transact.* contrarium asseruerat.

~~~~~

LIB. III. TIT. V.

De Negotiis gestis.

DISTINCTIO -- I.

Inter *Negotiorum gestorem* & *procuratorem*.

Procurator scientis & mandantis, negotiorum gestor ignorantis negotia expedit. Procurator in iudicio & extra

..

B) *Hodie*, quum officium procuratoris sit *publicum*, regulariter hoc aliter se habere, monet ipse **A**CTOR *Doctr. Pand. Tit. de Procurator. §. 5.*

trā illud interuenit : negotiorum gestor in iudicialibus non datur, sed tunc qui absque mandato absentem defendit, *defensor* vocatur. Procurator pro eo saltem intercedit, qui mandare potest : sed negotiorum gestor etiam pro mente capto, furioso, pupillo, eosdemque ad impensas restituendas firmiter obligat, *l. 3. §. 5. ff. b. t.* ne scilicet locupletiores fiant cum alterius damno, *l. 6. pr. l. 37. pr. ff. b. t.* Hæc enim est natura consensus præsumti, siue ficti, vt eos etiam obliget, qui alias sine tutoris, vel curatoris consensu, obligari nequeunt, vid. quæ diximus supra *ad tit. de pactis.*



LIB. IV. TIT. I.

De in integrum Restitutione.

DISTINCTIO I.

Inter Restitutionem *gratiæ* & *iustitiæ.*

Restitutio gratiæ fit solum ab eo, qui τὸ κύριον in republica habet, & communiter *ius aggratiandi* vocari consuevit, restitutio iustitiæ autem a quolibet magi-

magistratu fieri potest. Prior fit in criminibus veris & probatis, ex nuda indulgentia: posterior in criminibus falso alicui imputatis, probata innocentia. Prior regulariter bona amissa non restituit, bene ramen posterior, cum omnibus accessoriis, & perceptis a fisco fructibus, etiamsi fiscus bona iamdum alienasset, vid. Ziegler *de Iur. Majest. l. 1. c. 9. §. 5. seq.* Reliqua dicentur infra *ad Tit. de sent. pass. & restit.*

DISTINCTIO II.

Inter Restitutionem *ciuilem* & *prætoriam*.

Maximus huius distinctionis vsus *ratione temporis*, intra quod restitutio peti potest, sese in praxi exferit. Restitutio siquidem ciuilis, cuius exempla in *l. 33. ff. de re iudic. l. 31. ff. de iureiur. l. 2. C. de resc. vend.* habentur, instar remediorum ciuili-um, 30. demum annorum lapsu extinguitur, *l. 3. C. de præscript. 30. annor.* Sed restitutioni prætoriæ breuior terminus præscriptus est, annus scilicet utilis, hodie quadriennium continuum, *l. ult. C. de temp. in int. restit.* Ad restitutionem ciuilem statim recurrimus, tanquam ad remedium ordinarium; ad prætoriam non item, quia hæc saltem remedium subsidiarium, vnde ante omnia inquirendum, annon competat ordi-

ordinarium iuris ciuilis remedium., v. l. 16.
 pr. & ff. 1. ff. de minor. l. 1. ff. 4. ff. de dol.
 mal.

LIB. IV. TIT. II.

Quod Metus causa ge-
 stum erit.

DISTINCTIO I.

Inter Vim *ablatiuam*, *expulsiuam*, *turba-
 tiuam*, *offensiuam*, *defensiuam*,
compulsiuam.

Vis defensiva licita est, & vim vi repe-
 lere permittitur. Aliud in reliquis
 enumeratis speciebus, quas propter
 ea ab inuicem accurate distinguere utile est,
 vt diuersa remedia, contra easdem compe-
 tentia, distincte intelligamus. Propter vim
ablatiuam competit actio vi bonorum ra-
 prorum, nec non actio furti: propter *ex-
 pulsiuam*, interdictum vnde vi, & remedium
ex can. redintegrandæ causæ. 3. qu. 1. propter
turbatiuam, interdictum vti possideris, &
 vtrubi: propter *offensiuam*, interdictum de
 vi publica & priuata, & denique propter
compulsiuam, quæ huius loci est, actio quod
 metus causa.

DIST.

DISTINCTIO II.

Inter Vim *iustam* & *iniustam*.

Prior non parit restitutionem, v. g. si magistratus, præuia causæ cognitione, vim alicui infert, l. 3. §. 1. ff. b. t. bene tamen posterior, quo etiam pertinet, si iudex de facto processum ab executione contra inauditum inchoat, aut in carcerem sine legitimis indiciis coniicit, &c.

DISTINCTIO III.

Inter Vim & Minas.

Qui aliquid ob minas promittit, restitutione in integrum non gaudet, iuxta tritum illud: *qui moriere minis, a fini tumulabere bombis*. Potuisset enim sibi implorando officium iudicis, & cautionem de non offendendo petendo, prospicere. Excipiunt communiter minas *capitales*, modo minas denuntians eas exequi solitus fuerit, & nunc præsens sit, vt eas facile exequi queat, Gail. l. 1. Obs. 4. n. 3. sq. Sanchez. de matrim. l. 4. Disp. 1. num. 20. Brunnem. ad l. 7. C. b. t. Qui vero vi coactus promittit, restitutionem omnino habet.

DISTINCTIO IV.

Inter Metum *iustum* & *reuerentialem*.

Iustus, siue atrox, ad edictum prætoris in præsentem titulo contentum, pertinet,
P. I. H qui

qui tamen pro diuersitate sexus, & qualiratis personarum, quibus infertur, suos quoque gradus A) habet. Metus reuerentialis autem restitutionem non parit, quia facile auerti potuisset, v. l. 22 ff. de rit. nupt. l. 6. C. b. t.

DISTINCTIO V.

Inter Iudicium *rescindens* & *rescissorium*.

An hæc distinctio ex textibus iuris probari possit, de eo non disputabimus, sed hoc Bachouio, Hilligero, aliisque excutiendum relinquimus. Illud saltem ad nos pertinet: an eadem distinctio vsum in praxi præstet? Audiamus hac de re ipsum Bachouium *ad ff. Tit. de in integr. Restitut. Rubr. de Modo conced. restitut. n. 3. p. 951.* *Hodie*, inquit, *minus quoad ipsam rem interest, siquidem DD. communiter cumulari posse utrumque remedium concedunt, imo etiam petente reo cumulanda esse & simul mouenda censent. Et quidni vero cumulentur, cum idem hodie magistratus super utroque necessario sit adeundus, & alterum ab*

A) Sic discrimen faciendum inter masculum & feminam, in qua minor metus sufficit, ob sexus fragilitatem, quam in masculo.
GAIL, *Lib. 2. Observat. 93. n. 9.*

ab altero dependeat, ut improbandi omnino sint, qui hic subtilitates conquirunt. Consentit Illustr. Dn. Stryk. Vsf. mod. ff. b. t. §. 5.


LIB. III. TIT. VI.

Inter Actionem quod metus causa &
in factum.

Prior in quadruplum datur, sed anno vili
expirat: posterior in simplum concepta
est, sed ad 30. annos vsque competit *l. 14.*
§. 1. ff. b. t. Verum cum praxis iudiciorum
nostrorum actiones Romanorum in du-
plum, triplum, quadruplum, ignoret, *B)*
atque sic exinde recte colligatur, ius Roma-
num hac parte non esse receptum, cum re-
ceptio ex praxi iudiciorum aestimanda; hinc
quo-

B) Imo adhuc hodie huic actioni in qua-
druplum locum concedunt *BRVNNE. ad*
L. 9. ff. b. t. n. 20. STRYK. Vsf. mod. ff. b. t. §.
3. DN. de BERGER. Commentar. de Vsu
Action. part. post. §. 29. cui sententiæ &
meum qualemunque calculum adicio.
Et quamvis *AVCTOR* praxin iudiciorum
nostrorum hanc actionem in quadru-
plum ignorare, confidenter adserat, sa-
tis tamen, opinor, hanc adsertionem con-
uellit *præiudicium*, quod laudatus *BER-*
GERVS adfert in *Oecon. Iur. Lib. 3. Tit. 15.*
§. 9. Not. 3.

quoque ea distinctio parum utilitatis in praxi habebit, & parum intererit, siue negotia metu contracta nullitate laborare, siue eadem firma esse, & rescindi debere statuas, utrobique enim remedium iudiciale intra 30. annos institui potest, cum & præterea assertum: metu gesta ipso iure firma esse, nitatur hypothese philosophiæ Stoicæ, quod coacta voluntas etiam sit voluntas, quam erroneam esse quilibet facile vider. Coacta voluntas est voluntas, sed coacta; at vero ad firmitatem negotiorum libera voluntas requiritur.



LIB. IV. TIT. III.

De Dolo malo.

DISTINCTIO I.

Inter Dolum *causam dantem* contractui
& *incidentem*.

Si dolo *causam dedit* contractui *b. f.* tunc contractum ipso iure reddit nullum, *l. 7. pr. ff. t.* & sic querela nullitatis intra 30 annos competit. Aliud in contractibus *stricti iuris*, ubi iudex pedaneus a claris verbis contractuum recedere non poterat,

erat, & deceptus sibi imputare debebat, quod in hunc casum sibi per pactum non prospexerat, potuisset enim contractui inferere clausulam: *eum nullum esse debere, si dolus appareat. v. d. l. 7. §. 3. ff. b. t.* Ergo talis contractus stricto & subtili iure civili subsistebat. conf. omnino *l. 36. ff. de V. O.* Prætor autem, prout semper ius illud subtile emendare nitebatur, restitutionem in integrum concedebat, actionem de dolo inueniens, quæ tamen non 30. sed duos saltem annos durat, *l. f. C. de dol. mal.*

Quod si vero dolus saltem incidit in contractum *b. f.* tunc ille actione ex illo contractu, v. gr. emti, locari, &c. purgatur, *l. 13. §. 4. & 5. ff. de A. E. V.* quæ pariter, ut quærela nullitatis, intra 30. annos institui potest, quia quælibet actio ex contractu tanto demum tempore præscribitur, si autem incidit in contractum *stricti iuris*, itidem actioni de dolo locus est intra biennium, ex ratione paulo ante suppeditata, vid. DD. passim ad h. t.

Vides ergo, quod apud Romanos maximus huius distinctionis usus fuerit, præcipue ratione durationis actionum, deceptis competentium. Sed quæritur: an adhuc hodie idem usus in praxiprehendatur? Nobis negatiua verior videtur. Deficiente enim iudice pedaneo, eiusque officio ad certam formulam restricto, cessante, deficit

quoque & cessat integra illa inter iudicia bonæ fidei & stricti iuris differentia, cum omnibus effectibus & conclusionibus, quæ in foro quidem Romano exinde profluebant. Vnde non opus est, ut illam differentiam sublatam esse probemus; sed illud quoque hic sufficit, quod mutato statu etiam mutatio iuris inducatur. Apud nos ergo quocunque casu querelæ nullitatis locus est. Aliter Schirerus *Exerc. n. thes. 20.* qui actionem de dolo hodie semper concedit, cui tamen propterea consentire non possumus, quod ea actio sit subsidiaria prætoria, cui locus non est, quamdiu actiones civiles ordinariæ comperunt. At vero ex deductis hodie semper querelæ nullitatis, tanquam remedio civili, locus est.

Hæc ita quoad vsum adlatæ distinctionis intuitu contractuum b. f. & stricti iuris. Interim tamen quantum ad ipsos contractus b. f. attinet, eam differentiam adhuc agnosco, quod quando dolus causam dedit, querelæ nullitatis; quando autem incidit, actioni ex illo contractu locus sit. Leges enim voluerunt, ut hoc posteriori casu contractus non sit nullus, sed subsistat, modo interesse præstetur. At priori casu, licet alter decipiens decies interesse illud præstare paratus sit, ego tamen ad illud acceptandum cogi nequeo, sed si placet, penitus a contractu resilire possum. Richter. *p. 2.*

Decis.

Decis. 87. n. 18. Illustr. Stryk. Vj. Mod. b. t. §. 6.

* Superiori anno Gerardus Noodt, celeberrimus Ictus & Professor Lugdunensis, Schediasma aliquod edidit *de forma emendandi doli mali, in contrahendis negotiis admissi*, ubi ostendere voluit, præcipue *cap. 3. distinctionem inter dolum causam dantem contractui; & incidentem*, non esse veram; non fuit mihi tempus examinandi illa, quæ pro stabilienda assertione adducta sunt, sed hoc alteri occasione A) referuo: quid-

A) Stetit promissis B. AUCTOR, ac in *Disp. de Dominio ex contractu doloſo non translato, Halæ 1720.* habita, ex instituto hanc controuersiam excussit. Vnde quæ ibi fusius dicta in summam contrahemus. Nimirum distinctionem hanc (inter dolum causam dantem contractui b. f. & incidentem,) *illicebram* vocat NOODTIVS, eamque tam oneri Iurisprudentiæ esse dicit, quam excellentibus ingeniis vsque adhuc per plura secula illuſit. Subiungit particulam *Aut* (quæ in *l. 7. ff. de Dol. mal.* habetur, ibi: *Aut nullam esse venditionem, si in hoc ipſo, ut venderet, circumscriptus est,*) in Pandectis Florentinis inter duas stellas hoc modo * *Aut* *

quidquid interim huius sit, praxis distinctionis ex testimonio DD. in praxi ver-

positam esse, reperiri tamen eandem, tum in veteri quodam Codice MSC. tum in rarioribus ff. editionibus, imo in ipsis Libris Basilicorum. Suspiciatur IDEM, ægrum esse hunc locum Vlpiani, atque ita recreandum, vt verba illa: *Aut nullam esse venditionem - - circumscriptus est*, plane deleantur, ex ratione, quod non sint Vlpiani, quum turbent eius sensum, tam manifestum, quam optimum, indeque ab initio a nonnemine in margine fuisse adiecta, deinde in ipsum textum irrepsisse, concludit. En mentem sententiamq; NOODTII. Quid ad illa omnia B. AVCTOR? Responderet *cit. disp. §. 17. hanc correctionem*, vel, si mauis, *recreationem*, a NOODTIO tentatam, nimis esse violentam, & talem, ex qua ipsa mors facile sequi possit, quum fatente ipso NOODTIO, verba illa l. 7. *Aut nullam esse venditionem*, cetera, tam in π. Florentinis, quam in Codice MSC. aliisque rarioribus ff. editionibus reperiantur, nec esse probabile, quod primum in margine a nonnemine fuerint adscripta, ac deinceps in ipsum textum irrepsissent. Et si eiusmodi curationes adhibere fas esset, quilibet iuxta hypothesin suam, quam de-

versatissimorum, apud nos satis certa est.

DISTINCTIO II.

Inter Actionem *de dolo* & *in factum*.

Applicari hic eadem possunt, quæ diximus *tit. præc. Dist. 6.* Addi posset & hoc, quod actio de dolo infamet, & non detur, nisi læsio duos aureos excedat, *l. 7. §. 4. l. 10. ff. b. t.* quæ secus se habent in actione in factum: item, quod actio de dolo non competat contra eos, quibus reuerentiam debemus, bene autem actio in factum; verum quia

defendere constituit, LL. castraret, vel quæ deesse videbantur, ipsis infarcirer. Ostendit deinde *§. 18.* verba illa: *Aut nullam esse venditionem*, cetera, sensum *d. l. 7.* plane non turbare, sed omnia esse plana & perspicua, addens *§. 19.* plures alios superesse textus, e. g. *l. 11. §. 5. ff. de Act. emt. l. 13. §. 4. 5. ff. eod. l. 12. §. 1. ff. de Iur. dot.* precariæ huic hypothese obstantes, ac nondum recreatos. Quibus ego addo duos luculentos textus in *L. 16. §. 1. ff. de minor.* & in *L. 3. §. 3. ff. Pro socio.* Conf. GOEDD. *Tr. de Contrab. & committ. stipulat. cap. 3. n. 115. seqq.* qui fuse & accurate hoc argumentum edisserit.

quia actionem de dolo in sensu iuris Romani, hodie plane cessare modo diximus, hinc illa quoque observatio parum utilitatis nobis præbere poterit.



LIB. IV. TIT. IV.

De Minoribus XXV. annis.

DISTINCTIO I.

Inter Negotia minorum *valida*
& *invalida*.

Valida dicuntur, in quibus tutoris autoritas, vel curatoris consensus, & si alienantur immobilia, A) decretum magistratus adhibitum fuit; *invalida* e contrario, ubi hæc deficiunt. Priori casu opus est restitutione in integrum, ad quam petendam datur quadriennium post adeptam maiorennitatem, B) l. f. C. de temp.

A) Adde: vel mobilia, quæ servando servari possunt. l. 22. C. de Administrat. tutor.

B) Non a tempore scientiæ, prout nonnulli

temp. in int. restit. posteriori casu querela nullitatis competit intra 5. 10. vel 20. annos, iuxta *d. l. f. C)* Priori casu læsio aliqua est probanda; posteriori nulla, vnde hæc propterea etiam pinguior est, & prudens aduocatus ante omnia eo respicere debet, annon nullitatis arguere actum a minore gestum possit.¹

DISTINCTIO II.

*Inter Minorem dolo aduersarii deceptum
& facilitate ætatis lapsum.*

Ratione ipsius quidem minoris nulla huius distinctionis utilitas apparet, cum ille utroque modo restitutione in integrum gaudeat; sed vero vsus intuitu eius, qui pro minore fideiussit, sese exserit. Si enim minor facilitate ætatis lapsus, fideiussori regulari-

nulli existimant, quam sententiam liquido refellunt verba *d. l. f.* ibi: *quibus utilis annus incipit currere, ex quo vicesimi sexti dies illuxerit.* Add. BACHOV. ad Treutl. Vol. 1. Disp. II. tb. 3. lit. B. FRANZKE ad ff. Tit. de Restitut. in integr. n. 29. ZOES. ad ff. b. t. n. 62.

C) Legendum: iuxta *l. f. C.* Si maior fact. alienat. fact. & dantur 5 anni, si alienatio facta titulo oneroso, sin lucratiuo, 10 anni inter præsentēs, 20 inter absentes.

lariter non succurritur, D) quod tamen fit, si dolo deceptus est E) minorennis, per l. 2. C. de fideiuss. minor.

DIST.

D) Et hoc casu minor non tantum aduersus creditorem, verum & ipsum fideiussorem restituitur, ne locum habeat actio mandati. l. 1. C. de Fideiuss. minor. Fallit tamen AVCTORIS adsertio illo casu, vbi fideiussor efficacem habet contra minorem regressum, puta, si iurato fideiussori indemnitatem promisit minor, sic enim, quum aduersus iuramentum restitutio locum non habeat, necessario restitutio minoris etiam fideiussori prodesse debet, quoniam alias ipsi minori esset inutilis. SFORT. ODDVS de Restitut. in integr. part. 1. Quæst. 48. art. 4. n. 34. seqq. DOMINIC. GALES. de Restit. in integr. cap. X. n. 99. seqq.

E) Ex qua causa enim maior in integrum restituitur, e.g. metus, doli, cetera, ex eadem causa minore læso, huius quoque restituitur fideiussor, quum eiusmodi causa non sit minori propria, & quasi personalis, sed cum maiore communis.

DISTINCTIO III.

Inter eum, qui maior factus est *naturaliter & ciuilit*, s. per concessionem veniæ ætatis.

Priori indistincte quadriennium competit post impletum annum 25, posterior autem interdum longius spatium habet. Semper enim vsque ad annum 25. completum restitutionem petere potest. Vnde si e.g. anno 18. ætatis suæ veniam impetrauit, septem anni ipsi dantur ad impugnandos actus, in quibus ante maiorennitatem *F)* for-

F) Scilicet *ciuilit* talem, seu clarius, ante impetratam veniam; aduersus illos actus enim, quos post impetratam veniam gessit, etsi læsio intercurrat, restitutio cessat. l. 1. C. de His qui ven. ætat. Addamus alias differentias. 1) Qui *naturaliter maior* factus, potest esse procurator, non qui *ciuilit* maior, seu qui veniam ætatis adeptus. DN. de BERGER *Elect. Disceptat. forens. Tit. 3. Observat. 2 Not. 2.* 2) Qui *naturaliter maior* factus, tutelam vel curam gerere potest, non qui *ciuilit* maior, quoniam concessio veniæ minorem saltem habilem reddit, vt de propriis bonis quodammodo disponere possit, *arg. l. 2. C.*

forſan læſus fuit. *l. 5. pr. C. de tempor. in
int. reſtit.*

DIST.

2. *C. de His qui ven. ætat.* MATTH. STE-
PHAN: *de Iuriſdict. Lib. 2. part. 1. cap. 1.
memb. 2. n. 143. ſeq.* MYLER. ab EHREN-
BACH *Etolog. Ordin. imper. cap. 7. ſ. 3.*
Dixi: *quodammodo*: vnde fluit noua dif-
ferentia, 3) quod is, qui *naturaliter ma-
ior* factus, de bonis, tam mobilibus, quam
immobilibus, pro arbitrio ſuo, ſtatuer
poſſit, (niſi aliud forte *impedimentum*
e. g. furoris, prodigaliratis, cetera, ob-
ſtet) neuriquam vero qui *ciuiliter maior*
factus, quippe qui reſ mobiles, quæ ſer-
uando ſeruari poſſunt, nec non immobi-
les, ſine iudicis decreto alienare & oppi-
gnorare haud valet. *l. 1. 3. C. de His qui
ven. ætat.* Niſi Princeps in conſeſſione
venix ætatis & hanc poteſtatem conſeſ-
ſerit. BRUNNEM. *ad d. l. 3. n. 8.* RIVIN. *Enunc.
Iur. Tit. 9. Enunc. 13.* 4) Qui *naturali-
ter maior* factus, nulla aduerſus adeptam
maioreniratem reſtitutione gaudet, be-
ne tamen qui *ciuiliter maior* factus, ſi ad-
miniſtrationi rerum ſuarum ſe imparem
eſſe videat. 10. MAVRIT. *de Reſtitut. in in-
tegr. c. 226. n. 2.* SFORT. ODDVS *de Reſtitut.
in integr. part. 1. Q. 23. art. 10. n. 45.*

DISTINCTIO IV.

Inter Restitutionem *minorenni* & *collegio alicui*, item *ecclesiæ competentem*.

Priori, vt dictum, quadriennium demum currit a tempore adeptæ maiorenitatis, posterioribus autem ex tempore celebrati contractus, & per consequens illatæ læsionis, G) c. 1. & 2. de integr. restit. in 6.

~~~~~

## LIB. IV. TIT. V.

## De Capite minutis.


## DISTINCTIO I.

Inter capitis deminutionem *maximam*, *mediam* & *minimam*.

**S**i aliquis maximam, vel mediam capitis deminutionem patiebatur, restitutione opus non erat, sed fiscus, qui bona con-

G) Modo læsio illa *ad notitiam* Ecclesiæ pervenerit, alioqui læsione incognita, quadriennium haud currit. DN. BÖHMER *Iur. Eccles. Lib. 1. Tit. 41. §. 9.* LINCK. in *Commentar. ad Decret. eod. §. 4.*

condemnati sibi vindicabat, ad omnia debita soluenda tenebatur, *l. 2. pr. ff. b. t.* At, si quis emancipabatur, tunc eo ipso corruerant omnes actiones, quæ ante contra ipsum competierant, vendebatur enim filius in imaginariam servitutem, *l. 3. §. 1. b. t. de quo fufe Huberus in Digress. Iustin. P. 1. l. 1. c. 4. §. 4.* Servus autem non est capax obligationis. Hodie cessat ea imaginaria venditio, & sic quoque restitutione prætoris opus non est, cum non obstante emancipatione, omnes actiones saluæ maneant, conf. *l. ult. C. de emancip.* ubi expressis verbis sententia nostra confirmatur.



## LIB. IV. TIT. VI.

# Ex quibus causis maiores XXV. annis in integrum re- stituuntur.

## DISTINCTIO I.

Inter Absentiam *veram* & *fictam*.

**C**ontra fecte absentes, v. gr. furiosos, pupillos, &c. plane non currit vsucapio, sed ea dormit, vid. Struu. *S. I. C. Ex. 43. tb. 26.* secus in vere absen-

sentibus, de quibus mox distincte agendum.

## DISTINCTIO II.

Inter Absentiam *ordinariam*, *s. negativam*, & *extraordinariam*, *s. privativam*.

**P**ropter priorem non datur restitutio, sed reitapud vsucapionis longi temporis saltem duplicatur, de quo in *pr. I. de Vsucap.* Propter posteriorem tamen aliquando illa restitutio conceditur, iuxta distinctionem sequentem.

## DISTINCTIO III.

Inter Absentiam *necessariam* & *voluntariam*, & utramque vel *laudabilem*, vel *vituperabilem*, vel *indifferentem*. *s. mediam*.

**L**audabilis, siue sit voluntaria, ut studioforum, siue necessaria, ut militum, legatorum, &c. semper parit restitutionem, licet aliquis procuratorem non reliquerit: *v. l. 4. §. 6. 7. 8. & 28. pr. ff. b. t.*

Idem obtinet in *necessaria indifferente*, v. g. si quis a latronibus, aut pyratis, capitur, nam hæc necessitas prævideri & sic procurator constitui non potuit, *vid. l. 9. 14. & 23. §. 2. ff. b. t. l. 26. §. ult. eod.*

P. I.

I


Volun-

*Voluntaria vituperabilis* nullo plane casu restitutionem præbet, v. g. si quis delictum commisit, & postea aufugit, aut alias contrumax est, v. l. 2. §. 8. & b. ff. si quis caut. in iudic. sist. caus. fact.

Propter necessariam vituperabilem, e. gr. in relegatis, & voluntariam indifferentem, v. g. in mercatoribus, tunc demum datur restitutio, si absens ante absentiam suam procuratorem constituit, hic autem negligens fuit, & tamen non est soluendo, ut adeo principalis regressum suum contra eum instituire nequeat, l. 26. §. 1. ff. b. t. A) v. Struu. Ex. 8. tb. 73. Si ergo negligens fuit mercator, & relegatus, & procuratorem non constiti-

A) Textus ipse de mercatoribus haud loquitur, unde alii prorsus restitutioni locum esse, negant, v. OLDENDORP. *Action. forens. progymn. Class. 6. Act. 9. n. 3. vers. multo minus.* MANZ. ad b. t. n. 60. alii tunc demum restitutioni locum concedunt, si ex absentia mercatoris *utilitas aliqua in rempl. redundet*, puta, si peregre abeat, merces ciuitati suæ utiles, vel necessarias, adportaturus. SFORT. ODDVS de *Restit. in integr. part. 1. Q. 7. art. 16. n. 147.* cui sententiæ fauet L. 5. §. 3. ff. de *Iur. immunit.* in qua dicitur, quod negotiatores, qui *annonam urbis adiuvant*, reipl. causa absint.

stituit, sibi hoc imputet, & damnum ex culpa sua pronatum ferat, v. l. 16. b. t.



LIB. IV. TIT. VII.

## De Alienatione iudicii mutandi causa facta.

### DISTINCTIO I.

Inter Alienationem *inter vivos* & *per ultimam voluntatem* factam.

**P**rohibitio huius tituli ad actus inter vivos pertinet, non autem ad ultimas voluntates, quippe in quibus malitiosus animus alienantis non præsumitur, vid. l. 8. §. 3. ff. b. t.

### DISTINCTIO II.

Inter Alienationem *voluntariam* & *necessariam*.

**P**riorem prohibet prætor in hoc titulo, non posteriorem, l. 10. pr. b. t. v. gr. si quis alienat ad alimenta consequenda: ad dorem filiæ constituendam, &c.

# De Receptis, qui arbitrium receperunt, &c.

## DISTINCTIO I.

### Inter *Arbitros* & *Arbitratores*.

**A** *rbitri* instar iudicum procedunt, observato ordine iudiciario: *Arbitratores* in contractibus adhibentur, v. gr. ad pretium in emtione, aut mercedem in locatione, definiendam. Vtriusque tamen decusum eundem effectum habet. *A*)

## DIST.

*A*) Mihi aliter videtur. Sententiæ arbitri omnino standum, siue æqua, siue iniqua sit, nec locum habet reductio ad arbitrium boni viri de Iure Romano, l. 27. §. 2. ff. b. t. PEREZ ad C. eod. n. 14. ibique EYBEN. in not. quæ tamen obtinet, si *arbitrator* inique pronunciauit. l. 76. §. f. ff. Pro soc. Dixi: de Iure Romano, hodie enim si quis per sententiam arbitri enormissime læsus sit, reductioni utique locus. Vid. B. AVCTOR disp. de Effect. & obligat. laud. §. 43.

## DISTINCTIO. II.

Inter Arbitros ex *legis dispositione* &  
*libera partium voluntate*  
 electos.

**P**rioribus inuiti etiam causarum decisionem subiicere tenentur, quo refero *Austregas* intuitu Statuum imperii, de quibus in iure publico agi solet: ad posteriores vero constituendos nemo inuitus cogi potest, sed audiendus est, si iudicem competentem adire intendit.

## DISTINCTIO III.

Inter *Arbitrum* & *Iudicem*.

**I**udex publica autoritate pollet, atque adeo non solum *decernendi*, sed & *exsequendi* potestatem habet; ar arbiter priuato consensu constituitur, & sic cognoscit quidem, sed non exsequitur. *B)* Iudex etiam in reconuentione iudicat, non arbiter, *c. 6. X. de arbitr.* Iudex subdelegat, sed non arbit-

*B)* Sed sententia eiusdem executioni mandatur a *iudice ordinario*, & quidem *rei*,  
*BRVNN. ad l. 5. C. b. t. n. 14.*

biter. Arbitri potestas cessat, quam primum in causa pronunciauit; iudicis autem ad alias quoque causas extenditur. A sententia iudicis appellatur, non autem a laudo arbitri, quippe cui simpliciter stare tenentur partes, ob compromissum, nisi arbitrer dolose egerit. Dicunt quidem communiter, partibus licitum esse, ut per solam contradictionem, intra decem dies factam, laudi effectum intercipient, quem in finem allegantur *l. 5. pr. C. b. t.* aliaque; sed si dicendum, quod res est, ius Romanum tunc loquitur de casu, ubi per nudum pactum compromiserant partes, quod exiguum effectum producebat. Aliud, si stipulatio accesserat, quo de casu accipienda *l. 27. §. 2. b. t.* Hodie ergo, quia pacta stipulationibus ratione obligationis exæquantur, aliud etiam dicendum erit eorum intuitu, scilicet, non posse sententiam arbitri impugnari, nisi ex illis causis, ex quibus alias conventiones impugnare permittitur, vid. *Doctrin. ff. b. t. §. ult.*



LIB. IV. TIT. IX.

**Nautæ, Caupones, Stabularii, vt accepta restituant.**

DISTINCTIO I.

Inter Actionem *de rezeptis & in factum.*

**P**rior datur ex quasi contractu, quando vectoribus & hospitibus citra omnem exercitoris culpam, v. gr. ab aliis hospitibus, furtum fit, vel damnum infertur, & hæc *ad simplum*: Posterior ex quasi delicto nascitur, quando nempe exercitoris serui *A)* hospitibus nocent, & *duplum* petitur. Hæc differentia sine dubio hodie cessat, non quidem, quia id asserunt Vinnius, Grönewegen, & Gadelinus, alle-

*A)* Ob damnum datum a *seruis*, in sensu iuris R. talibus, hæc actio non patet, quum seruus sit *domesticum malum*, & sic ignoscendum sit domino, si eum *noxæ dedere* paratus sit. *l. vn. §. 5. ff. Furti aduersus nautas.* Ergo **AVCTOR de operariis conductitiis** intelligendus.

allegati a L  uterbachio; sed quia id praxis  
 fori comprobatur. Interim ea distinctio alio  
 respectu adhuc usum habet. Nempe actio  
 de rebus etiam contra heredes datur, actio  
 in factum regulariter non; quia est ex quasi  
 delicto, l. 7. §. 6. ff. b. t.



## LIB. V. TIT. I.

## De iudiciis.

## DISTINCTIO I.

Inter iudicium *publicum* & *privatum*.

**I**n publico ad publicam: in privato ad  
 privatam satisfactionem agitur. In pu-  
 blico iudex ex officio procedit: in pri-  
 vato obtinet vulgatum: Wo kein Kl  ger ist,  
 da ist auch kein Richter. In publico litis con-  
 testatio ab ipso reo fieri debet ore tenus: in  
 privato autem in scriptis etiam, & per pro-  
 curatorem fieri potest. In publico tortura  
 irrogatur: in privato regulariter non, nisi  
 pr  gnans sit, A) & maximam quantitatem  
 con-

A) Tortur   in causa *civilis* tum demum lo-  
 cus est, si *crimen adnexum* habeat tale, in  
 quo

concernat. In publico etiam durantibus feriis proceditur, *l. 5. C. de fer.* non autem in priuato. B) Adde & hoc ex moribus Romanis: in publico quilibet ex populo agebat: in priuato is saltem, quem causa concernit, &c.

## DISTINCTIO II.

Inter Iudicium *ecclesiasticum* &  
*seculare.*

CONF. quæ diximus *ad tit. de Iurisdict. dist. IIX.* Iudicium *ecclesiasticum*  
apud

quo de *sui natura* reus potest torqueri. Sic mercatores, qui dolose bona sua dilapidarunt, ad hoc, ut pecunias sibi creditas, nec non chirographa, & rationes, quas penes se habere negant, creditoribus suis indicent, tormentis subiici possunt, quum furto hoc crimen sit simillimum. Sic testes, in *caussa ciuili ardua* veritatem occultantes, torqueri possunt, quoniam a suspitione falsi haud immunes sunt. CARPZOV. *Pract. crim. part. 3. Q. 119. n. 37. seqq.* Idem dicendum de eo, qui *thesaurum, in fundo alieno* repertum, occultat, quum & is furi haud sit absimilis. CARPZ. *d. Tr. part. 2. Q. 86. n. 25.*

B) Exceptiones habet B. AVCTOR *Doctr. Pand. Tit. de Feriis §. 7.*

apud pontificios limites suos nimium **exten-**  
**dit**, ob dominandi libidinem, quæ apud  
 corruptum clerum deprehenditur, licet pii  
 prætextus nunquam defuerint. Hinc causas  
 matrimoniales, fagarum & fortilegiorum,  
 miserabilium personarum, usurariæ prau-  
 tatis, iuramentorum, & quæ sunt similes,  
 ad se traxerunt iudices ecclesiastici, vid. Lan-  
 cellot. *Instit. iur. can. l. 3. tit. 1. §. 3.* Ziegler.  
*in not. ad eund. loc.* unde apud pontificios  
 maximus huius distinctionis usus est in fauo-  
 rem cleri, & in odium laicorum. Quid au-  
 tem apud euangelicos? Certe, quia Principes  
 nostri iura per clerum ablata postliminio  
 iterum recuperarunt, differentia etiam in-  
 ter iudicia secularia & ecclesiastica prorsus  
 cessare debebat. Sed ex erronea hypo-  
 thesi, quod Principes Euangelici duplicem  
 personam sustineant, Episcopi alteram, al-  
 teram autem Principis, illa distinctio apud  
 nos adhuc retenta fuit, ita ut causæ clerico-  
 rum, quo pertinent etiam scholæ ministri,  
 æditui, C) &c. nec non quæ res sacras, &  
 bona ecclesiastica, sepulturam, D) matri-  
 mo-

C) Confer heic B. AVCTOR Einleit. zum  
*Consistorial-Proc. c. 5. §. 7.* ubi extra Sa-  
 xoniam, multis in locis, & scholæ Mini-  
 stros, & ædituos, ICtioni iudicis *secularis*  
 subiectos esse tradit.

D) Causas sepulturarum *mixti fori* esse, do-  
 cet AVCTOR *d. Tr. cap. 6. §. 18.*

monialia, disciplinam ecclesiasticam &c. concernunt, in Consistoriis, Episcopum representantibus, ventilentur. Excipiuntur delicta clericorum grauiora, vbi Consistorium vel plane non cognoscit, vel ad minimum tamen pœnam non exsequitur, sed condemnatum, præuia degradatione, iudici seculari tradit, Brunnem. *Proc. inquis. c. 3. n. 28. 29. & c. 10. n. 26.* Possent tamen Principes nostri Consistoria plane tollere, si vellent, quamuis, vt hoc fiat, nulla necessitas efflagitet. In nonnullis ciuitatibus imperialibus, v. g. Noribergæ, Hamburgi, senatus res promiscue expedit, & ibi distinctionis præsentis propterea nullus vsus est. In Palatinatu quoque & Hassia matrimonialia apud iudicem secularem pertractantur, & recte, quia matrimonium non est sacramentum, v. Illustr. Dn. Stryk. *ad Brunnem. ius Eccles. l. 3. c. 1. §. 17.* & de natura Consistoriorum, Excell. Thomasius in *Recht Evangelischer Fürsten P. 1. thes. 5. §. 12.*

### DISTINCTIO III.

Inter Iudicium *simplex & duplex.*

**V**sum distinctionis communiter in eo ponunt; quod in iudicio duplici, v. gr. finium regundorum, familiæ herciscundæ, communi diuidundo, &c. vterque actoris & rei ius habeat, in simplici autem alteruter solum-

solummodo ; sed in effectu parum interest. Nam & in sic dictis duplicibus iudiciis vnum saltem habemus actorem, vnum reum, quem in finem, si ambo eodem tempore, quod tamen rarius fieri puto, ad iudicium prouocent, forte res dirimitur, quis reus esse debeat, vid. Carpz. *P. 1. C. 7. D. 23.* add. Zanger. *de Except. P. 2. C. 1. num. 385.* Dissert. nostr. *de iudic. fortun. membr. 3. §. 4.* alias vero pro actore habetur, qui prius ad iudicium prouocauit.

#### DISTINCTIO IV.

Inter Iudicium *reale & personale. E)*

**C**onf. quæ diximus *ad tit. de rer. diuis. distinct. I.* iudicium enim reale ex iure in re; personale ex iure ad rem proficiscitur.

#### DISTINCTIO V.

Inter *Petitorium & Possessorium.*

**I**n possessorio non consequimur ius perpetuum, sed temporarium solum, donec alter

*E)* Adde: & *mixtum*, quando actio partim ex iure in re; partim ex iure ad rem oritur, §. 1. 20. *I. de Action.* quorsum pertinent actio *finium regundorum, familie erciscundæ, communi diuidundo, & hereditatis petitio.*

**alter** in petitorio contrarium probauerit. **At**, qui in petitorio semel obtinuit, ille perpetuum effectum exinde sortitur. Et hinc, quia per possessorium, licet succumbamus, non adeo magnum præiudicium nobis infertur, quam per petitorium, hinc, inquam, in possessorio non admittuntur exceptiones altioris indaginis, *conf. l. f. C. quor. bon. nec remedia suspensiva, v. g. appellationis, F) leutationis, &c.* Scaccia *de Appellat. quæst. 17. limit. 6. membr. 2. n. 2. seqq.* Lud. Postius *in tr. de summ. possess. obs. 106. n. 7. seqq.* Finckelth. *obs. 117. n. 12.* quæ omnia in petitorio secus se habent.

## DISTINCTIO VI.

**Inter iudicium vniuersale, generale & singulare.**

**I**n vniuersali & generali, v. gr. hereditaris petitione, actione tutelæ, pro socio, &c. libellum generaliter formare licet, man flaget auf edition eines inuentarii, und auf restituierung der Erbschaft, oder anderer Sachen, Lauterbach. *comp. iur. tit. de edend. in iudicio singulari autem petitum specificè est formandum, alias tanquam ineptus reiicitur libellus.*

DIST.

*F) Confer. notand. infra ad Tit. de Interdictis Distinct. 1.*

## DISTINCTIO VII.

Inter Iudicium *ordinarium* & *extraordinarium*, siue *summarium*.

**Q**uodlibet iudicium regulariter est *ordinarium*, *G*) vnde si actor dicit, hoc vel illud esse *summarium*, tunc probatio ipsi incumbit. Communiter autem ea iudicia sunt *summaria*, vbi vel *publicus fauor* adest, v. gr. in causis fiscalibus, tributorum, &c. vel si *causam piam* controuersia concernit, v. gr. in causis ecclesiarum, miserabilium personarum, in legatis ad pias causas, &c. vel denique si *res moram non patitur*, vt in causis alimentorum, *H*) &c. v. Zanger de Except. p. 1. c. 1. n. 60. seqq. Ord. Cam. p. 3. tit. 2. In causis *summaris* non attenduntur promiscue exceptiones *dilatoriæ*, non conceduntur

*G*) Rationes has expromit ME V. part. 1. Dec. 171. 1) quod tamdiu standum sit *regulae*, donec doceatur *exceptio*, atque adeo quæuis *caussa ordinaria* censenda sit, donec adparet a L. vel consuetudine eam esse redditam *summariam*, 2) quoniam partes *rei* sunt fauorabiliore, quam partes *actoris*, vnde in dubio *Causa præsumitur ordinaria*, quum reus in hac *pleniori* gaudeat *defensione*.

*H*) *Præsentium*, & *futurorum*, non *præteritorum*. ZANGER. d. l.



tur ordinariæ dilationes, &c. sed de simplici & plano proceditur. Aliud in ordinariis. Causas summarias ordinarie potest tractare *I*) actor, sed non vice versa. Multa de processu summario *K*) habet Brunin. *Proc. Ciu. c. 1. n. 16 seqq.*

## DISTINCTIO VIII.

Inter Iudicium *ciuile* & *criminale*.

**H**æc coincidit cum *Dist. I.* inter iudicium publicum & priuatum. Ergo eadem hic repetenda, quæ ibi dicta sunt.

## DISTINCTIO IX.

Inter Iudicium *præparatorium* & *principale*.

**I**n præparatorio, v. gr. actione ad exhibendum, agitur summarie, quia in hoc præ-

*1) Inuito reo hoc vix licebit, quum & huius interesse poscit litem celeriter expediri.*  
DN. de BERGER *Oecon. Iur. Lib. 4. Tit. 30.*  
*§. 1. Not. 1.*

*K) In Electoratu Saxonie differentia inter processum ordinarium & summarium penitus sublata, exceptis causis executiuis, & possessorio summario.* ORD. PROC. RECOGN. Anhang §. 1.

præiudicium adeo magnum reo non infer-  
tur; sed in principali regulariter secus.

### DISTINCTIO X.

Inter *veram* & *quasi* Litis conte-  
stationem.

**Q**uasi litis contestatio inducitur propter  
rei in non respondendo contumaciam;  
vera fit vel ore tenus, vel in scriptis. In  
quasi litis contestatione extra Saxoniam sal-  
tem fingitur, quod reus negativè responde-  
rit, in Saxonia etiam affirmatiue. Vera au-  
tem interdum affirmatiue interdum negati-  
ue fit. Ceterum utriusque effectus unus est  
idemque in causis civilibus. L)

### DISTINCTIO XI.

Inter Litiscontestationem *solennem* &  
*minus solennem*.

**S**olennis requiritur in causis ordinariis,  
& supponit contradictionem directam  
eorum, quæ ab actore adferuntur. Minus  
solennis colligitur ex omni actu contradi-  
ctorio, v. gr. si dicat reus, Er protestire  
wieder des Klägers Vorbringen, wissen nicht,  
was

L) Quid in causis *criminalibus* obtineat, de  
eo vid. *infr. Lib. 42. Tit. 2. Distinct. 3.* ibi-  
que *Notand.*

was Kläger an ihm suche, oder von ihm haben wolle, &c. & hæc in iudiciis summariis sufficit.

## DISTINCTIO XII.

Inter Litis Contestationem *generalem & specialem.*

**I**uxta ius commune & praxin hodiernam extra Saxoniam, idem est, an quis speciatim ad singula libelli puncta, an vero generaliter: *nego narrata, prout narrantur*; ad totum libellum respondeat. Vfus tamen distinctionis in foris Saxonis deprehenditur, quippe in quibus generalis litis contestatio non admittitur. *M)*

## DISTINCTIO XIII.

Inter Litis Contestationem *affirmatiuam & negatiuam.* *N)*

**N**egatiua proprie est litis contestatio. Circa affirmatiuam distinguendum: Aut

*M)* Imo nex extra Saxoniam debet admitti. Conf. B. AVCTOR *Einleit. zum Civil-Proc. cap. 13. §. 10.*

*N)* Hæc vel *mixta*, seu *limitata*, vel *simplex*, seu *illimitata*, illa, quum reus ad certa libelli capita *affirmatiue*, ad certa *negatiue* respondet; hæc, quum reus ad totum

P. I.

K

tum

Aut reus simpliciter faterur intentionem actoris, aut exceptionem peremptoriam adnectit. Priori casu non potest dici litis contestatio, quia nulla lis amplius adest; secus casu posteriori, & tunc reus onus probandi in se suscipere renetur, vid. Struu. *iurispr. Rom. Germ. l. 4. Tit. 9. §. 2.*

#### DISTINCTIO XIV.

Inter Litis Contestationem *puram* &  
*euentualem.*

**P**ura fit, postquam exceptiones dilatoriae de-

tum libellum *pure negative* respondet. Vfus huius distinctionis insignis est respectu formulæ pronuntiandi. Priori casu enim sententia interlocutoria ita se habet: *Diemeil Beklagter auf die erhobene Klage geantwortet, und derselben nicht allenthalben geständig, so ist Kläger den Grund derselben, und so viel ihm daran verneinet, binnen Sächsischer Frist, wie recht, zu erweisen schuldig.* Posteriori casu hunc in modum pronuntiari solet: *Diemeil Beklagter auf die erhobene Klage geantwortet, und derselben allenthalben nicht geständig, so ist Kläger den Grund derselben binnen Sächsischer Frist, wie recht, zu erweisen schuldig.* vid. DN. MENCKEN. *Tractat. Synopt. proc. Tit. 16. §. 5.*

decisæ fuerunt: *O*) euentualis ipsis hisce dilatorijs statim adnectitur. Vñs in Saxonia se exerit. Ibi enim statim *P*) litis contestatio exceptionibus est subiicienda; *Q*) nisi reus in expensas condemnari velit. Extra Saxoniam vero perinde est, siue pura sit, siue euentualis litis contestatio. Vtraque etiam alias eundem post se trahit effectum.

## DISTINCTIO XV.

Inter *Actorem & Reum.*

**A**ctor regulariter nonnisi *volens* actionem instituit; Reus contra *inuitus* conuenitur, vnde etiam fugiens appellari solet.

*O*) Clarius *AVCTOR Doctr. Pand. b. t. §. 33.* quum reus *sine oppositione exceptionum dilatoriarum*, mox ad contenta libelli respondet.

*P*) Imo & extra Saxoniam. vid. *R. I. de an. 1654. §. 40.* ibique *TEXTOR. Disp. 4. tb. 40. seq. Cammer = Gerichts = Ordnung der Mark Brandenburg Tit. 23. §. 5.*

*Q*) Nisi reus admodum probabilem exceptionem fori declinatoriam opponat, vbi euentualis *L. C.* omitti potest. *ORD. PROC. SAXON. Tit. XI. §. 2. RIVIN. Enunc. Iur. Tit. XI. En. §.*

solet. In eligendo iudice competente non ad actorem, sed ad reum respicitur. Rei partes semper sunt fauorabiles, quam actoris, l. 25. ff. de R. I. unde si uterque æquales attulit probationes, in dubio in fauorem rei pronunciandum, Struu. S. I. C. Ex. 28. tb. 13. Actor probare tenetur, non reus. R) Hic enim licet nihil probauerit, vel in probando defecerit, tamen absoluitur, actore non probante, l. 4. C. de edend. Mascard. de probat. conclus. 36. num. 37. Pro defensione rei admittuntur testes inhabiles, non

R) Fallit hoc 1) ob speciale priuilegium actori competens, quod onus probandi in reum deuoluit. Exemplum in l. 25. §. 1. ff. de probat. si actor, conditionem indebiti intentans, sit pupillus, minor, mulier, miles, agriculator, rerum forensium expers, vel alias simplicitate gaudens, & desidiæ deditus, tunc enim reus probare debet, se debitum accepisse, non actor, se indebitum soluisse. 2) Si præsumtio iuris pro actore militet, e. g. in actione negatoria. 3) Ob conditionem ipsius rei in iudicium deductæ, puta, si priuatus rem possideat, vel regalem, vel domanialem, ubi titulum possessionis probare cogitur. MEV. part. 4. Dec. 357. Add. STRYK. Disp. de Necessitat. edend. titul. possessionis cap. 3. per tot.

non autem ad intentionem actoris probandam, Farinac. *quæst.* 62. *num.* 90. *seq.* Brunn. *Proc. ciu. c.* 20. *num.* 24. Reo plures dilationes S) dantur, quam actori, v. l. *fin. ff. de feriis & dilat.* &c.

## DISTINCTIO XVI.

Inter Forum *domicilii* & reliqua, *rei sitæ, contractus, delicti, & continentie causarum.*

Forum *domicilii* est *generale*, quia in eo actiones reales & personales, ex contractu & delicto, institui possunt; T) reliqua sunt *specialia*.

## DISTINCTIO XVII.

Inter Domicilium *originis* & *habitationis*.

Prius de iure civili erat immutabile, unde

S) Nimirum in capitalibus causis, tres, actori vero *duæ*, d. l. *fin.*

T) *Exceptio* est, si quis ob *gestam administrationem* conveniatur, ubi in foro *domicilii* convenitur, hoc declinare ac provocare potest ad *forum gestæ administrationis*, quia ibi faciliores adsunt probationes. L. 2. C. *Vbi de ratiocin.* DECIS. SAXON. 36. ib. PHILIPP. *Observat.* 2.

de in eo semper quis conueniri poterat, quamuis alio loco habitaret, *l. 6. pr. & §. 1. ff. ad municip.* posterius autem pro lubitu roties mutatur, quoties placuerit. Hodie vero iuxta DD. consensum, hæc distinctio vsum amplius non habet, cum, postquam aliquis domicilium suum ex loco originis aliorum transtulit, domicilium originis non amplius attendatur, vid. Carpz. *de Process. tit. 3. art. 1. num. 58.*

### DISTINCTIO XVIII.

Inter Domicilium *commune & peculiare.*

**C**ommune erat Roma, *l. 33. ff. ad municipal.* in qua omnes ex toto imperio Romano conueniri poterant. Hodie tale non amplius habemus; & sic vsus distinctionis est nullus. Statuum subditi enim licet Viennæ deprehendantur, non tamen ibi conueniri possunt, quia eo ipso superioritati territoriali præiudicium inferretur. Et quamuis porro subditi Brandenburgici Berolini deprehendantur, illi tamen nec ibi forum sortiuntur, quia sic beneficium primæ instantiæ amitterent, vid. Ordin. Camer. *p. 2. Tit. 1. §. Es soll auch 2.* Illustr. Dn. Stryk. *Vf. mod. ff. b. t. §. 19.*

DIST.



## DISTINCTIO XIX.

Inter Domicilium *voluntarium* &  
*necessarium*.

**P**rius mutatur pro lubitu, nou autem posterius, cuius exemplum in vxore, relegato ad certam insulam, &c.

## DISTINCTIO XX.

Inter Officium iudicis *nobile* &  
*mercenarium*.

**P**rius exercetur, licet actor non adsit, scilicet in causis criminalibus atrocioribus, ad nudam denunciationem, vel præcedentem famam publicam. Hic enim publicum interesse præcipue versatur. E contrario autem, vbi causa mere ciuilis est, & priuatam vtilitatem respicit, ibi exercetur mercenarium. Quamdiu enim creditor iudicem non implorat, tamdiu iudex etiam quiescit. Dicis forsan: at tamen potest esse pauper aliquis, cui non suppetunt sumtus in processum impendendi, ergo tunc iudex ex officio nobili procedet; sed ne tunc quidem eum hoc facere posse, respondeo. Potest enim pauper ad iuramentum paupertatis se offerre, eoque præstito, omnia in iudicio gratis obtinet, quod dum non facit, sibi imputet. Omnino itaque hoc respectu huius distinctionis adhuc est vñus.

Et iudex, qui in causis mere priuatis ex officio procedere vellet, se suspectum redderet. Dico vsum distinctionis esse *hoc respectu*. Quod si enim officium nobile dicitur, quod prætor; mercenarium autem, quod iudex pedaneus exercebat: facile largior, distinctionem hodie applicari non posse.



## LIB. V. TIT. II.

## De inofficioso Testamento.

## DISTINCTIO I.

Inter Querelam *inofficiosi* & *nullitatis*.

**H**æc posterior pinguior est priori. Per querelam enim inofficiosi regulariter sola heredis institutio rescinditur, legata autem, fidei commissæ, tutoris datio, & si quæ alia sunt capitula, subsistunt; ast querela nullitatis & principale & accessoria in testamentis remouet, A)  
v. Do-

A) Imo potius distinguendum: Vtrum testamento

*v. Doctrin. ff. de iniust. rupt. irrit. §. II. Querela inofficiosi præscribitur quinquennio, arg. l. 8. §. f. ff. b. t. querela nullitatis autem, tanquam remedium iuris ciuilibus, triginta annis demum. Qui testamentum tanquam inofficiosum impugnauit, & non obtinuit, ille omnia emolumenta in testamento relicta amittit, B) & fiscus ea sibi capit, l. 8. §. 14. ff. b. t. secus est, si testamentum nullum dicit, l. 5. §. 1. ff. De his quæ ut indign. Nullum autem dicitur, quoties quid ex solennitatibus deficit, vel inhabilitas in persona testatoris adfuit. C) Adde, quod querela nullitatis in heredes transeat, non autem querela*

*stamentum nullum sit ob defectum solennium, vel inhabilitatem testatoris, vel deficientem heredis institutionem, vel, quod vi aut dolo extortum sit, & valet AUCTORIS sententia; an vero ob præteritionem, vel iniustam exheredationem adscendentium & descendentium, nullitate laboret, & sola heredis institutio corruit, saluis manentibus reliquis capitulis. Conf. STRYK. Cautel. Testam. cap. 19. §. 46. seq.*

*B) Minori tamen parcitur. l. 5. §. 9. ff. De his, quæ ut indign.*

*C) Vid. not. paullo ante lit. A.*

rela inofficiosi D) l. 7. ff. l. 34. & l. pen. C. b. t.

## DISTINCTIO II.

Inter *Actionem suppletoriam, siue expleto-  
riam E)* & *querelam inofficiosi.*

**P**rior locum habet, quoties aliquid, licet etiam minimum sit, hereditatis titulo in testamento relictum fuit, §. 3. *I. b. t.* posterior, si nihil. *F)* Prior ergo heredis institutionem integram non rescindit, bene tamen posterior. Prior iterum durat 30. annis, quia est remedium iuris civilis, posterior, ut modo dictum, quinquennio saltem.

## DIST.

*D)* Vid. infr. *libr. 28. Tit. 3. distinct. 1. ib. not.*

*E)* Commodius hæc actio vocatur *Condictio ex Lege.* vid. *PEREGRIN. de Fideicommiss. Art. 36. n. 153. GAIL. Lib. 2. Obs. 120. n. 1.* Quum enim *lege noua*, scilicet *L. 30. C. b. t.* obligatio introducta, nec cautum sit eadem lege, qua actione agatur, merito ad nomen illud generale recurrimus. vid. *L. vn. ff. de Condict. ex Lege.*

*F)* Hoc casu non querela *inofficiosi*, sed *nullitatis* locum habet. vid. *AUCTOR. Doctr. Pand. b. t. §. 10. seq.*

## DISTINCTIO III.

Inter Querelam ab *adscendentibus* & *descendentibus*, nec non a *fratribus* institutam.

**F**ratrum querela totum testamentum, etiam legata & reliqua euertit, in *Nou. 22. c. 47.* enim ius verus non mutatum, *G)* de quo in *l. 8. §. 16. ff. b. t.* quod tamen quoad descendentes & adscendentes factum in *cit. Nou. 115. c. 3. inf. H)*

## LIB.

**G)** Regula Iuris veteris est: *Corruente heredis institutione, tanquam principali, corruunt quoque legata, tanquam adcessorium*, a qua quum sola *adscendentium* & *descendentium* testamenta Iure nouo sint excepta, obtinet vulgatum illud: *Exceptio in casibus non exceptis regulam firmat.*


**H)** Alia differentia est, quod *fratres*, querelam mouentes, se non ingratos fuisse, docere debeant, non vero *adscendentes* & *descendentes.* vid. *AVCTOR Doctr. Pandect. b. t. §. ult.*

## De Hereditatis Petitio- nibus.

### DISTINCTIO I.

Inter Hereditatis petitionem *ciuilem*,  
*prætoriam*, *sue possessoriam* &  
*fideicommissariam*.

**D**ifferunt hæ species quidem diuerso  
conceptu, verum si ad modum pro-  
cedendi & effectum respiciamus,  
vtrouque nihil interest, nisi forsân hoc ad-  
ferre velis, quod is, qui fideicommissaria  
hereditatis petitione vtitur, dodrantem sal-  
tem consequatur, reliqui autem totam he-  
reditatem.



### LIB. VI. TIT. I. & II.

## De Rei Vindicatione, & publiciana in rem actione.

**D**ifferunt hæ duæ actiones primo *ra-  
tione causæ efficientis*, quod rei vin-  
dicatio ex iure ciuili, publiciana au-  
tem

**tem** actio ex iure prætorio descendat, §. 4. *I. de act.* Sed hæc differentia parum utilitatis in foro præbet, cum ratione obligationis apud nos inter utrumque ius, prætorium & ciuile, nulla deprehendatur disparitatis ratio. Vfus ergo in *probatione* sese exerit. *A)* Scilicet in rei vindicatione ipsum dominium præcise probari debet, quod admodum difficile est; sed vero in actione publiciana sufficit, modo actor probare queat, se *titulo ad transferendum dominium habili* rem controuersam comparasse, *l. 3. sqq. ff. b. t.* in rei vindicatione ergo ita formatur medius terminus in libello: Wenn mir dann nun diese Sache iure domini zuständig: in publiciana e contrario sequentem in modum: Wenn mir dann nun diese Sache iure Domini vel quasi zuständig. Fluit hinc vsus practicus, vt aduocatus, libellum formaturus, posteriori potius, quam priori formula vtatur.

## LIB.

*A)* Exserit se quoque in eo, quod rei vindicatio aduersus *quemcunque possessorem*, publiciana vero aduersus eum duntaxat, qui *infirmiori iure possidet*, detur: **ACTOR** *Doctr. Pand. §. 2. b. t.*

**Si Ager vectigalis, id est,  
emphyteuticarius petatur.**

**DISTINCTIO I.**

**Inter Emphyteusin *ciuilem* &  
*ecclesiasticam*.**

**A**d emphyteusin ecclesiasticam constituendam scriptura, per modum essentialis requisiti, exigitur, quod in omnibus contractibus ecclesiarum ita obtinet, *l. 14. & Auth. Hoc ius C. de SS. Eccles.* sed in emphyteusi ciuili solus consensus sufficit. Deinde emphyteusis ecclesiastica amittitur, si emphyteuta canonem per biennium non soluit; sed in ciuili triennium obseruatur, *v. l. 2. C. de iur. emphyt. Nou. 7. c. 3. §. 2.* Olim quoque emphyteusis ecclesiastica ultra nepotes non extendebatur, *Nou. 7. c. 3.* quod tamen postea mutatum in *Nou. 120. c. 6. §. 1.* & de iure canonico, per *c. 7. X. de reb. eccles. non alien.*

**DISTINCTIO II.**

**Inter Emphyteusin *ex pacto* & *providentia* & *hereditariam*.**

**P**rior *pro se & liberis* accepta, ad solos descendentes primi acquirentis; poster-



terior autem, quæ *pro heredibus* constituitur, ad quoscunque heredes transit, vid. Struu. *S. I. C. Exerc. n. tb. 65.*



LIB. VII. TIT. I.

## De Vsfufru&ctv.

### DISTINCTIO I.

Inter Vsumfru&ctum *causalem* & *formalem.*

**P**rrior competit domino in re propria, & non est seruitus, propria enim res nemini seruit. Posterior in re aliena constituitur, & est illa seruitus personalis, de qua in h. t. agitur. Termini huius distinctionis inuenti sunt a DD. grillis metaphysicis adfuetis, & rem, vt puto, non faciunt clariorem, sed magis intricatam, quia sine iisdem res melius potuisset explicari. Idem est iudicium meum de logicis & metaphysicis iuridicis, quæ a nonnullis ad confusionem studiosæ iuuentutis conscribillantur.

DIST.

## DISTINCTIO II.

Inter Vsumfructum a lege & ab homine constitutum.

**I**n priori non exigitur cautio vsufructuaria ab eo, cui vsufructus competit, v. gr. a patre, in bonis liberorum aduentitiis, *l. ult. §. 4. C. de bon. quæ lib.* Quantum ad maritum attinet, qui est vsufructuarius *A)* bonorum paraphernalium vxoris, non quidemprehendere hætenus licuit textum, hac de re agentem; nullus tamen dubito, quin idem sit asserendum. Ob tenerum quip-

*A)* Scilicet de *Iure Saxonico*, CARPZ. *Ipr. for. part. 3. Const. 25. def. 6. n. 5.* non iure ciuili, vi cuius nil nisi *administrationem* habet, & quod fructus, consentiente vxore, *ad communem familiæ utilitatem* adplicare possit. *l. 8. l. f. C. de pact. conuent.* Fluit inde 1) quod, si qui fructus extant nondum consumti, vel si qui fructus non in *communem*, sed solius mariti vtilitatem conuersi fuerint, ad eorum restitutionem, vel pretii solutionem, maritus teneatur, 2) quod vxor bona illa *semper* repetere possit a marito, licet hic non vergat ad inopiam. BRVNEM. *ad d. l. 8. n. 12.* MEV. *ad Ius Lubec. part. 1. Tit. 5. Rubr. n. 12.* B. STRYK. *Vs. mod. ff. Tit. de Iur. tot. §. 7. ibique præiudic.*

quippe amorem, quo mariti regulariter vxores prosequuntur, non est metuenda B) bonorum dilapidatio. Si vero vsusfructus ab homine constituitur, vsusfructuarius ad cautionem praestandam omnino tenetur, nisi proprietarius eam sponte remittere velit.



LIB. VII. TIT. II.

## De Vsusfructu ad crescen- do.

### DISTINCTIO I.

Inter ius ad crescendi *in vsusfructu & in aliis legatis.*

**V**susfructus duobus coniunctim reli-  
ctus, v. g. *Titio & Cato do lego vsus-  
fructum aedium mearum*, ad crescit  
etiam

B) Sed quid si dissipationis suspicio subit?

Resp. maritum perinde vt patrem, ad  
cautionem praestandam teneri. Censent.

L. B. de LYNCKER *Disp. de Caution. vsu-  
fructuar. §. 12. Conf. not. infra Lib. 15.  
Tit. 1. ad distinct. 1.*


P. I.

L

etiam post concursum realem, id est, licet ille, qui iam deficit, portionem suam semel acceptasset, postea autem repudiasset iterum, *A) l. 1. §. 3. ff. b. t.* item ei, qui por-

*A) Vel alio modo amisisset, l. 1. §. 3. ff. b. t.* e. g. morte. Ratio, quam EXCELSO & IULIANO *d. l.* adfert VLPIANVS, quod *ususfructus quotidie constituatur, & legitur; non ut proprietas, eo solo tempore, quo vindicatur,* nimia subtilitate laborat. Neque dilucidior multo illa DVARENI *de Iur. adcrescend. Lib. 1. cap. 21.* quod *ususfructus constituatur patientia debitoris, quæ tractum temporis habet, adeoque nunquam dici possit omnino acquisitus;* a qua non abludit ANT. GOMEZ. *Var. Resolut. Tom. 1. cap. 10. n. 41.* Maiori perspicuitate se commendat ratio ab Illustr. THOMASIO *ad Huber. prælect. ad ff. b. t. §. 1.* expromta, quod *ususfructus non transeat ad heredes, & vero constet, testatorem voluisse, quod uterque usufructuarius, præ herede, usumfructum habere debeat.* Aliud in proprietate, quæ semel alteri acquisita, cum patrimonio adquirentis confunditur, atque adeo cum ceteris eius bonis ad heredes transit, aut, si postea eam habere noluerit, coniuncto tamen non adcrescit, sed ut res pro derelicto habita, occupanti cedit.

portionem suam amisit, *B)* e. gr. per sententiam iudicis, *l. 10. b. t.* quæ in legatis aliarum rerum utrobique secus se habent.



## LIB. VII. TIT. III.

## Quando dies vsusfructus legati cedat.

**D**ifferentia inter vsumfructum & alia legata iterum sese hic exerit. In aliis legatis, *pure relictis*, dies statim cedit a tempore mortis testatoris; sed in vsufructu pure legato hoc demum fit ab adita hereditate, *l. 2. & 3. ff. quand. dies leg. ced. ubi etiam ratio. A)*

## LIB.

*B)* Ratio, quia vsusfructus non *portioni*, sed *homini* adcrescit, secundum *PAVLLVM* in *l. 14. §. 1. ff. de Except. rei iudic.*

*A)* Ratio hæc adfertur, *quod vsusfructus ab heredes non transeat*. Cum enim cessio eum in finem introducta sit, ne per moram heredis, non adeuntis, (ante aditionem enim non potest capi per iue legatum, quia nemo est, a quo peri possit,) extinguatur legatum, sed transmittatur

# De Vsfufruclu earum re- rum, quæ vfu confumuntur.

## DISTINCTIO I.

Inter *verum* & *quafi* vsumfruclum.

**V**erus vsumfruclus confiftit in rebus, quæ vfu non confumuntur; fecus in quafi vsumfruclu. In vero non transfertur dominium, in quafi vsumfruclu omnino, & fic periculum ad vsumfrucluarium pertinet, *l. 7. ff. b. t.* qui re pro lubitu etiam abuti poteft. Verus in iudiciis diuiforiis interdum ab ipfo iudice conftituitur, quando fcilicet res communes commode diuidi nequeunt, *l. 6. ff. de vsumfr.* hoc in quafi vsumfruclu iudex facere nequit, quia in res fungibiles non cadit pretium affectionis, & fic illæ facili negotio diuidi poffunt. In vero vsumfruclu cauet vsumfrucluarious, fe boni viri arbitrio fruiturum, *l. 1. §. 6. ff. vsumfr. quemadm. cau.* quia cautione in quafi vsumfruclu

ad legatarii præmortui heredem, in legato vsumfruclu, vfu, habitatione vero nullus transmissioni locus fit, celfio diei ante aditam hereditatem nihil prorsus operaretur. vid. ZOES *ad ff. eod. n. 11.*

Et opus non est, vnde solum de re simili *A)* restituenda cauetur, §. 2. *I. de usufr.* Posses forsan & hoc addere, quod cautio, in vero usufructu præstari solita, *prætoria* vocetur, *ciuilis* e contrario, quæ in quasi usufructu interponitur, per *l. 1. pr. ff. usufr. quemadm. cau. iunct. §. 2. I. de usufr.* sed cum vtraque eundem effectum post se trahat, hæc observatio etiam parum in recessu habebit, & sic tuto negligi poterit.

LIB. VIII. TIT. I.

De Servitutibus.

DISTINCTIO I.

Inter Servitutes *reales* & *personales*.

**P**ersonales, e. gr. usufructus, usus & habitatio, statim expirant mortua persona, cui constitutæ erant *l. 3. §. 3. ff. quib. mod. usufr. vel vf. amitt. reales* autem ad quoscunque heredes & possessores trans-  
eunt,

*A)* Vel eius *æstimatione*, circa quam determinandam, tempus *constituti*, non *finit* usufructus, inspiciendum. B. STRYK. *Vf. mod. ff. b. t. §. 6.*

eunt, v. l. 3. *quemadmod. seruit. amitt.* Prædio seruiente extincto, sed postea resecto, non restituitur seruitus personalis, l. 10. §. 7. *quib. mod. vsusfr.* bene tamen realis, A) l. 20. §. 1. ff. de S. P. V. l. 35. de S. P. R. l. 14. ff. *quemadm. seru. amitt.* Seruitus personalis, vsus & vsusfructus, amittitur per maximam & mediam capitis diminutionem; realis non.



### NOVA DISTINCTIO.

Inter seruitutes personales *regulares*  
& *irregulares.*

**I**llæ, quæ personis tantum constituuntur, & semper sunt personales, vt vsusfructus, vsus, habitatio, hæc, quæ sua natura quidem reales, sed quia interdum etiam personæ constituuntur, ob illam determinationem, naturam & nomen mutant. Sic seruitus itineris ordinariæ est realis pr. l. de Seruitut. si vero in gratiam certæ personæ con-

A) Ratio differentiæ, quod in vsusfructu idem corpus durius & strictius interpretemur, quam in seruitutibus prædiorum, l. 20. §. 2. ff. de S. P. V. vt scilicet quam ciuissime vsusfructus reddatur ac consolidetur proprietati, quæ sine eo inutilis. FRANZK, ad §. f. l. de Vsusfr.



constituatur, fit *personalis*. L. 6. ff. de *Seruit. legat.* Sic *aquæ haustus* sua natura est *seruitus realis*, si vero in gratiam *personæ* constituta, degenerat in *personalem*. L. 14. §. 3. ff. de *Alim. & cibar. leg.* In effectu inter *seruitutes personales regulares & irregulares* nulla differentia.

## DISTINCTIO II.

**Inter Seruitutes urbanas (s. continuas)  
& rusticas (s. discontinuas.)**

**V**urbanæ per præscriptionem ordinario tempore, id est, decem vel viginti annis, acquiruntur. l. 12. in f. C. de *præscript. long. temp.* iuxta quam legem eadem quidem *seruitutum rusticarum* ratio esse debebat; sed prout *praxis nostra* sæpius a *principiis iurisprudentiæ genuinis* recedit: ita quoque hic fit, dum ea ad præscribendas *seruitutes rusticas*, nescio ex quo fundamento, tempus *immemoriale B)* requirit,

**B)** Hunc fori vsum non esse constantem ac perpetuum, patet ex præiudiciis a L. B. de *COCCEII Iur. ciuil. controuers. Lib. 8. Tit. 1. Quæst. 6.* DN. de BERGER *Elect. Disceptat. forens. part. 2. Supplem. Tit. XI. p. 343. seq.* DN. LEYSER. *Meditat. ad Pandect. Specim. 108. medit. 1. adlati.*

rit, vid. Gail. 2. *obs.* 66. num. 7. Modest. Pi-  
stor. *Vol. 1. Consil.* 7. num. 5. Dau. Meuius  
*P. 9. Decis.* 164. Porro, servitutes rusticæ  
solo non-vfu per longum tempus amit-  
tuntur, *l. 13. C. de servit.* at in vrbanis amit-  
tendis adhuc requiritur factum servituti  
contrarium C) eius, cuius prædium ha-  
ste-

Nec in Saxonia hoc discrimen adrendi,  
sed omnes servitutes *spatio 30. annorum,*  
*anni & diei,* præscribi, monet AVCTOR  
*Doctrin. Pand. Tit. Commun. prædior.*  
*§. 6.*

C) Differentia inter servitutes, quod aliæ  
solo non-vfu amittantur, aliæ non, non  
ram a conditione earundem *extrinseca,*  
quod aliæ sint *rusticæ,* aliæ *urbane,* quam  
potius ab ipsa earum *natura* petenda, vt,  
quarum vſus positus *in actu & exercitio*  
*eius, cui debentur,* amittantur solo non-vfu,  
quæ autem in sola eius, qui eas debet, *pa-*  
*tientia* consistunt, ad sui amissionem, præ-  
ter non-vfum, *facto* domini prædii servi-  
entis opus habeant, quod *contrarium* sit  
vſui servitutis, atque adeo argumentum  
interruptæ patientiæ. Sic & servitus  
*rustica* nonnunquam solo non-vfu non  
amittitur, e. g. si servitutem *aquæ ductus*  
habeam, & canales positos per alterius  
fundum, licet per longum tempus aqua  
vſus

**E**tenuſ ſeruiit, vid. *l. 6. ff. de S. P. V.* Alias differentias a nonnullis adlatas examinavit & ſimul iam reiecit Excell. Thomafius in *Diſp. Lipſ. de ſeruit. ſtillicid. §. 16. ſeqq.*

### ⌚ DISTINCTIO III.

**Inter Seruitutes affirmatiuas & negatiuas.**

**P**oſteriores ex particula negandi, *non*, vel, *ne*, cognoscuntur, v. g. *altius non tollendi*, *ne luminibus officiatur*, &c. & non indigent aliqua quaſi traditione, ſed quamprimum mihi promiſſio facta eſt, quod aliter aliquid intermittere velit, tunc ſtatim ius in re conſequor. Aliud in affirmatiuis, ubi ante dictam quaſi traditionem, mihi nudum ſaltem ius perſonale competit, ex quo aduerſus tertium agere nullo modo poſſum, conf. de hac diſtinctione Brunn. *ad l. 15. ff. h. t. Lauterb. Comp. iur. h. t.* Deberet quoque hoc addi, quod ſeruitutes affirmatiuæ ſolo non-*uſu* amittantur, negatiuæ autem nonniſi prohibitiuo alterius facto accedente;

*uſus non ſim*, non tamen amitto ſeruitutem, ſi vicinus *canales non exemit*. Dn. de BERGER *Oecon. Iur. Lib. 2. Tit. 3. §. 23. Not. 2.* Dn. THOMAS. *Diſp. de Seruitut. ſtillicid. §. 23. ſeqq.*

re; sed praxis nostra hanc differentiam ad  
seruitutes urbanas atque rusticas applicauit,  
de qua paulo ante.

## DISTINCTIO IV.

Inter Seruitutem *ordinariam* &  
*anomalam*.

**A**nomalam vnā solummodo habemus,  
seruitutem scilicet *oneris ferendi*, *D)*  
quæ propterea ita vocatur, quia seruiens  
duplici onere afficitur, tenetur enim parie-  
tem, onus ferentem, si ruinosus fiat, adhuc  
etiam reficere, *l. 33. ff. de S. P. V. l. 6. §. 2. ff. Si*  
*seruit. vindic.* in aliis contra seruitutibus is,  
qui commodum ex iisdem habet, eas quo-  
que reficere obligatus est, iuxta vulgaria  
æquitatis naturalis principia.

LIB.

**D)** *Natura ac essentia* huius seruitutis a re-  
liquis non est diuersa, quia similiter non  
in *faciendo*, sed in *patiēdo* consistit, vt  
vicinus *patiatur* muro suo incumbere  
onus alienum; quod vero cogatur mu-  
rum *reficere*, in eo seruitutis essentia non  
consistit, sed *superuenit* seruituti iam  
constitutæ. Ergo non in *natura* serui-  
tutis, sed *ratione adiuncti*, h. e. refectionis,  
anomalia heic occurrit. STRAVCH.  
*Dissert. Iustin. 7. tb. II. ib. Dn. THOMAS.*  
*in not.*

LIB. IIX. TIT. V.

**Si Seruitus vindicetur, vel  
ad alium pertinere negetur.**

DISTINCTIO I.

**Inter Actionem confessoriam, item negatoriam, *directam & utilem.***

**C**onfessoria *directa* datur illi, qui servitutem in alieno fundo: *utilis*, qui aliud ius, e.g. iurisdictionem, ius patronatus, &c. prætendit. Sic quoque *directa* negatoria datur domino, qui alteri servitutem: *utilis*, qui alteri aliud ius in fundo suo prætendenti, illud debere negat. Ceterum in effectu non differunt, ut suo loco *infra* pluribus dicetur.



LIB. IX. TIT. I.

**Si Quadrupes Pauperiem  
fecisse dicatur.**

DISTINCTIO I.

**Inter Actionem *si quadrupes & de pastu.***

**H**æ actiones theoretice ita differunt, quod actio *de pastu* detur, si animal *secun-*

*secundum naturam* nocuit, v. l. 14. §. 3. in f. ff. De præscr. verb. actio de pauperie autem, si contra naturam, v. pr. l. b. t. In praxi autem utriusque idem est effectus, quia utrobique petendum alternatiue formatur, ad id, ut vel damnum resarciatur, vel animal, quod nocuit, noxæ dedatur, v. Doctrin. ff. b. t. §. V. & VII.



## LIB. IX. TIT. II.

## Ad Legem Aquiliam.

## DISTINCTIO I.

Inter Actionem si quadrupes & ad  
L. Aquiliam.

**P**rior datur, licet nulla culpa domini animalis nocentis præcesserit, ad posteriorem autem probatio culpæ alienæ omnino requiritur, l. 1. §. 4. & 5. ff. si quadrupes pauper fec. & hoc respectu prior facilius est. Ratione effectus tamen posterior præferenda erit. In ea siquidem is, qui culpam admisit, damnum datum simpliciter resarcire tenetur, quam maximum etiam illud fuerit, l. 21. §. fin. & LL. seqq. ff. ad L. Aquil. in priori autem liberatur dominus,

nus, si corpus, quod nocuit, noxæ dedat, *l. 1. pr. ff. si quadrup. pauper. fec.* quod eodem modo in actione noxali, si servus nocuit, observatur.

## DISTINCTIO II.

Inter *primum* & *tertium* caput L.  
Aquilæ.

**E**x priori, si seruus, vél tale pecus, quod gregatim pascitur, occisum fuit, datur actio L. Aquiliæ, non solum ad interesse corporis peremti consequendum, sed ad illud quoque, quanti ea res plurimi fuerit proximo anno præcedente, *l. 2. pr. ff. ad L. Aquil.* Ex tertio vero, de reliquo scilicet damno quocunque, quanti ea res plurimi fuerit proximis XXX. diebus, a die damni dati retro computatis, *l. 27. §. 3. ff. eod.* Hoc discrimen hodie cessat, & nuda saltem æstimatio petitur, non iterum ex eo fundamento, quia Grönewegen & Gudelinus, citati a Lauterbachio, hoc dicunt, sed quia actiones Romanorum pœnales, teste fori obseruantia, in Germania nunquam fuerunt receptæ. Et ergo ea distinctio inter inutiles merito refertur, non minus ac illa obseruatio, quod actio L. Aquiliæ inficiando in duplum crescat. *A)*

**L13.**

A) In Electoratu Saxoniae saluberrima haec

# De Interrogationibus in iure faciendis, & interroga- toriis actionibus.

## DISTINCTIO I.

### Inter *Articulos & Positiones.*

**A**d articulos respondent testes, ad positiones autem ipsa pars, contra quam agitur, regulariter reus, interdum quoque actor, *A*) intuitu scilicet exceptionis oppositæ, & in positiones redactæ. Positiones etiam negative, item de credulitate, concipi possunt per vocem; nicht wahr; sed articuli  
solum

iuris ciuilis *de pena inficiationis* constitutio expresse confirmata. QRD. PROC. RECOGN. Tit. 16. §. 3.

*A*) Tu nota regulam: *Cuicunque onus probandi incumbit, illi suppetit facultas positiones offerendi.* Quemadmodum ergo reus excipiendo fit actor, & sic fundamentum suæ exceptionis probare tenetur, ita & ipsi liberum est positiones offerre, ad eliciendam confessionem actoris, super veritate exceptionum. B. STRYK. *§. mod. ff. b. t. §. 43.*



solum affirmatiue, B) & de veritate. Positionum contenta fatetur ponens, non vero articulorum, quia horum veritas a deposicione testium demum dependet, quod tamen subtilitatem sapere videtur, ut ipse agnoscit Brunnem. C) in Proc. ciu. c. 17. n. 2.

## LIB.

B) Hoc fluit ex erroneo principio: quod negatiua *directo* probari haud possit, Vid. MARTIN. ad *Ordinat. proc. Saxon. Tit. 20. §. 7. n. 33.* quod tamen solide confutauit B. de COCCII *Disp. De Direct. Probat. Negatiua.*

C) Cui dicam scribit Ill. Dn. de BERGER *Disp. de Articulis. elisii. §. 9.* differentiae rationem hanc laudans, quod ponens velit, ut aduersarius respondeat, quo per eius confessionem releuetur ab onere probandi, igitur, pergit, *aquum est, ut ipse ponens ponendo confiteatur, atque adeo releuet aduersarium ab onere probandi, ne iudicium claudicet.* Contra articulans non vult, ut aduersarius respondeat, nec eo fine suos producit articulos, sed ut negata tantum per testes vel instrumenta probet. Verum, quod pace tanti Viri dictum sit, hoc ipso scrupulum omnem non euellit. Quod si enim *producens*, quæ per testes, vel instrumenta, probare satagit, *vera esse*

## De Fugitiuis.

## DISTINCTIO I.

Inter *Fugitium* & *Erronem*.

**F**ugitiuus feruus dicitur, qui non redit; erro autem, qui circumuagatur quidem, sed tandem tamen redit, verum feruus, & temporibus in res nugatorias con-

esse non faterur, ridiculus profecto est, probare volens ea, quæ ipse veritati congruere haud existimat. Adcedit, quod articuli e *visceribus libelli* depromantur, nec plus debeat esse in articulis, quam in libello; vnde sicut actor sine dubio faterur, ea, quæ in libello proponit, veritari esse consona, (alioqui enim ipse litem calumniosam alteri se intendisse profiteretur,) ita & eundem omnia ea, quæ articulis continentur, vera esse fateri, consequens est. Denique in vulgus notum, articulos probatorios hac forma concipi: *Wahr und Zeugen beruoft*, cetera, vnde claret, producentem, quum ipse adferat: *Es sey wahr*, non posse non fateri contenta articulorum. Interim haud

consumtis, L. 17. §. 2. & 14. ff. de *Ædil. Edict.*  
 In effectu tamen nihil interest, quia utro-  
 que casu damni obuenientis refarcitio pe-  
 titur, & simul pœna dupli. Hodie quidem,  
 si quis liberos, famulos & subditos, cor-  
 rumpat, parentibus, dominis, & magistra-  
 tui, eo nomine itidem actio datur, hoc enim  
 æquitas naturalis suggerit; sed non com-  
 petit ea in duplum, ergo etiam necessitas  
 non efflagitat, ut eandem actionem utilem  
 de seruo corrupto appellemus.

## LIB.

difficulus largior, aduersam sententiam  
 in foro seruari, proindeque si a *repro-*  
*bante* articuli formentur, ac pro eorun-  
 dem confirmatione, *recognitio articulo-*  
*rum probatorialium* petatur, eam non  
 admitti. Vid. SVENDENDÖRFF. in *Proc.*  
*Fibig.* p. 1402. RIVIN. *Enunc. Iur. Tit.*  
 21. *Enunc.* 55. DN. de BERGER *Elect.*  
*Disceptat. forens. Tit.* 25. *Observat.* 3.  
*Not.* 9.

\* Locum hunc mendosum esse, ac mul-  
 ta hic desiderari, ipsa inspectio loqui-  
 tur.

## De Aleatoribus.

## DISTINCTIO I.

Inter Ludum *artis*, *fortune*, &  
*mixtum*.

**H**æc distinctio maximam in foro Romano præbebat utilitatem. Ludi enim *artis*, v. gr. hastiludia, item quando pretium ei decernitur, qui saltando, digladiando, perorando, &c. reliquos vincit, iure Romano omnino erant permisi, v. l. 3. ff. b. t. At vero ludi *fortune*, v. gr. quando tesseris luditur, nec non ludi *mixti*, v. gr. chartis lusoriis & similibus, in totum prohibiti erant A), l. f. C. b. t. Hodie non modo plurimi DD. testantur, sed experientia quoque hoc comprobatur, omnes ludos esse permixtos, quippe qui maxime in ipsis aulis frequentantur, & illi, qui ludendo succubuerunt, ad perditum soluendum omnino adstringuntur. B) Hinc sua sponte confe-

qui-

A) Si scilicet in pecunia luderetur, L. 2. §. 1. ff. b. t. secus si in conuiuio, vescendi causa, L. 4. pr. ff. eod. Add. FARINAC. Opp. Lib. 3. Tit. 11. Quæst. 109. n. 118.

B) In Marchia Brandenburgica nec non  
Duca-

quitur, adlatam distinctionem apud nos in praxi nullum vsum amplius præstare. Alia quæstio est: annon Principes melius facerent, si prohibitionem iuris Romani in foro iterum introducerent? quam quidem affirmamus, sed ad nos non pertinet potestas legislatoria, nec etiam principes a nobis desiderarunt, vt hac parte ipsis consilia ad nouas leges ferendas suppeditemus. Ergo expectandum est tempus, vbi forsã ludi fortunæ & mixti, propter maximum eorum abusum, præsertim apud iuuenes, qui negari non potest, iterum abrogabuntur.



LIB. XI. TIT. VII.

## De Religiosis, & Sumtibus funerum, & vt funus ducere liceat.

### DISTINCTIO I.

Inter Sepulturam *honestam* & *inhonestam*.

**H**onesta fit cum ritibus in quocunque loco consuetis, mit Gesang und Klang,

Ducatu Magdeburgico ob debitum, ex ludo oriundum, actio haud datur. Cammer-Ger. Ordn. Tit. 23. §. 9. Magdebl. Pol. Ordn. cap. 54. §. 5.

## De Aleatoribus.

## DISTINCTIO I.

Inter Ludum *artis*, *fortune*, &  
*mixtum*.

**H**æc distinctio maximam in foro Romano præbebat utilitatem. Ludi enim *artis*, v. gr. hastiludia, item quando prærium ei decernitur, qui saltando, digladiando, perorando, &c. reliquos vincit, iure Romano omnino erant permisi, v. l. 3. ff. b. t. At vero ludi *fortune*, v. gr. quando tesseriis luditur, nec non ludi *mixti*, v. gr. chartis lusoriis & similibus, in totum prohibiti erant A), l. f. C. b. t. Hodie non modo plurimi DD. testantur, sed experientia quoque hoc comprobatur, omnes ludos esse permixtos, quippe qui maxime in ipsis aulis frequentantur, & illi, qui ludendo succubuerunt, ad perditum soluendum omnino adstringuntur. B) Hinc sua sponte consequi-

A) Si scilicet in pecunia luderetur, L. 2. §. 1. ff. b. t. secus si in conuiuio, v. scendi causa, L. 4. pr. ff. eod. Add. FARINAC. Opp. Lib. 3. Tit. 11. Quæst. 109. n. 118.

B) In Marchia Brandenburgica nec non  
Duca-

quitur, adlatam distinctionem apud nos in praxi nullum vsum amplius præstare. Alia quæstio est: annon Principes melius facerent, si prohibitionem iuris Romani in foro iterum introducerent? quam quidem affirmamus, sed ad nos non pertinet potestas legislatoria, nec etiam principes a nobis desiderarunt, vt hac parte ipsis consilia ad nouas leges ferendas suppeditemus. Ergo expectandum est tempus, vbi forsã ludi fortunæ & mixti, propter maximum eorum abusum, præsertim apud iuuenes, qui negari non potest, iterum abrogabuntur.



LIB. XI. TIT. VII.

## De Religiosis, & Sumtibus funerum, & vt funus ducere liceat.

### DISTINCTIO I.

Inter Sepulturam *honestam* & *inhonestam*.

**H**onesta fit cum ritibus in quocunque loco consuetis, mit Gesang und Klang,

*Ducatu Magdeburgico* ob debitum, ex ludo oriundum, actio haud datur. *Cammer-Ger. Ordn. Tit. 23. §. 9. Magdebl. Pol. Ordn. cap. 54. §. 5.*

**S**lang, vel Christlichem Gebrauch nach, pro-  
 munit communiter dicere solent: Inhonesta  
 his omnibus destituitur. Vfus distinctio-  
 nis hic est: quemadmodum quilibet, quam-  
 diu viuit, præsumptionem bonitatis pro se  
 habet, ita quoque eadem præsumptio post  
 mortem hoc operatur, vt in dubio ab in-  
 honesta sepultura excludi non possit, sed actio  
 iniuriarum comperat contra eum, qui eius-  
 modi ceremonias cadaveri alicuius denega-  
 re intendit. Inhonesta ergo locum non  
 inuenit, nisi in casibus a lege notatis, v.g.  
 in contemtoribus verbi diuini, & sacramen-  
 torum; c. 12. X. de sepult. vsurariis manife-  
 stis, c. 3. X. de usur. & propriorum ob malam  
 conscientiam, vid. Carpzou. *Iurispr. Con-*  
*fess. lib. 2. Def. 376. 379. 382.*

## DISTINCTIO II.

Inter Sepulturam honestam *solemnem*  
 & *minus solemnem*.

**S**olemnem paulo ante descripsimus, quod  
 variis ceremoniis peragatur, de quibus  
 Iate Schilter. *instit. iur. canon. l. 2. tit. 14. §. 13.*  
*seqq.* Minus solennis est, vbi eiusmodi ce-  
 remoniæ omittuntur, non ex præcepto iu-  
 ris, sed ex proprio beneplacito, ad parcen-  
 dos sumtus, quod hodie communiter fit,  
 wenn die Leichen des Abends in der Stille be-  
 gesetzt werden. Hæc posterior species cum



inhonesta confundi non debet, quippe in qua consuetæ solennitates, ex præcepto legis, omittuntur, scilicet in totum, v. *Dist. seq.*

### DISTINCTIO III.

Inter Sepulturam inhonestam *humanam & caninam s. asiniam.*

**H**umana in iis obtinet, quorum mentionem sub *Dist. I.* iniecimus, contemptoribus verbi diuini, usurariis, irreconciliabilibus, quippe qui per vespillones vel plane extra cæmeterium, vel in cæmeterio prope murum, & ab aliis plane separato loco, sepeliuntur, ex superstitione pontificia, quia scilicet contigua ecclesiæ loca simul cum ecclesia consecrata censentur, Aug. Barbos. *de iur. eccles. l. 2. c. 9. 11. 7. 8.* Struu. *S.L.C. Ex. 3. tb. 72.* & ergo per eiusmodi cadaveris illationem profanari non debent. *Asinina* nomen suum, ut puto, sortita est ex loco *Ierem. XXII. vers. 18. & 19.* ubi Propheta de Rege Ioiakim dicit: Man wird ihn nicht flagen, ach Bruder, ach Schwester, man wird ihn nicht flagen, ach Herr, ach Edler, Er soll wie ein Esel begraben werden, zuschleiffen und hinausgeworffen für die Ehre zu Jerusalem. Hanc expectare tenentur, qui ex desperatione, vel conscientia criminis commissi, sibi ipsis mortem conscuerunt. Per-

agitur a carnifice, eiusque ministris, qui cadaver rhedæ suæ imponunt, & in loco inhonesto, auf dem Schind-Anger, sepeliunt, vid. Schilter. *inst. iur. canon. l. 2. Tit. 14. §. 9. & 10.* Damhouder. *prax. rer. crimin. c. 90. num. 9.* Heigius *p. 2. qu. 36. num. 64.* Finkelth. *obs. 43. num. 15.* Furiosorum & melancholicorum, sibi manus inferentium, item infantum nondum baptizatorum A) sepul-

A) Cuius rei rationem minus adcurate SCHILTER *Instit. Iur. Canon. Lib. 2. Tit. 2. §. 18.* derivat ex *sine baptismi externo*, in acquisitione iuris ciuitatis in Ecclesia christiana, & adunitione infantis baptizandi ad reliquum corpus Ecclesiæ, consistente, ita, vt infans ante baptismum decedens, ex ipsius hypothesi, pleno iure Christianorum haud fruatur. Rectius philosophantur, qui ex principiis Papicolarum rationem arcessunt. Alii enim ex illis eiusmodi infantes absolute damnant: alii neque beatos neque damnatos iudicant, sed peculiarem locum illis adsignant, puta *limbum infantum non baptizatorum*, in quo illis nec bene nec male sit. L. B. de LYNCKER *Disp. de Baptism. cap. 8. §. 2.* Quo figmento a protestantibus recte explorato, sane & hæc conclusio, inde pululans, corrui. Id quod fusius persequi-

pultura secundum praxin nonnullorum locorum, ad honestas minus solennes pertinet, vid. Finckelth. d. l. num. 16.

#### DISTINCTIO IV.

Inter Sepulchra *familiaria* &  
*hereditaria*.

**P**rioribus omnes agnati vtuntur; licet non sint heredes; sed posteriora saltem ad heredes *B*) pertinent, vid. Struu. *Exerc. 15. thes. 69.* Brunn. *Rep. Parat. Wesenb. b. t. qu. 5.*

#### DISTINCTIO V.

• Inter *Cenotaphium* & *Sepulchrum*.

**C**enotaphium (quod honoris saltem & memoriae causa fit,) non est locus religionis

quitur, ac ipsis rerum argumentis illustrat B. AVCTOR *Disp. de Effect. baptism. iurid. §. 27. seqq.*

*B*) Heic tamen notandum, quod liberi quantumvis testamento a patris hereditate penitus exclusi, adhucdum eiusmodi sepulchro fruuntur; nisi specialiter testator, iusto odio commotus, eos vetuerit. l. 6 ff. b. t. Add. LVCAS van de POEL. de Exheredat. & Præterit. cap. 84. §. 3.

ligiosus; & ideo iterum ad vsus profanos  
adplicari potest; secus in sepulchro, cui ca-  
daver iam illatum est, Ioh. Kirchmann. *de*  
*funer. Rom. l. 3. c. 27.* Struu. *loc. prox. cit.*



## LIB. XII. TIT. I.

# De Rebus creditis, si cer- tum petetur: & de con- dictione.

## DISTINCTIO I.

Inter Mutuum *naturale*, *ciuile* &  
*mixtum.*

**N***aturale* vocant, quod contrahitur  
ipsa naturali pecuniæ numeratione  
interueniente: *ciuile*, vbi quis spe  
futuræ numerationis accepisse confessus est,  
quod reuera non accepit: & denique *mix-*  
*tum*, vbi vel alius meo nomine numerat  
pecuniam, vel cum ante, aut post numera-  
tionem stipulatio interponitur, prout hoc  
ita explicat Petr. Nicol. Mozz. *de contract.*  
*tit. de diuis. mut.* vid. Struu. *S. I. C. Exerc. 16.*  
*tb. 6.* qui tamen hanc diuisionem & Lau-  
terbach. *ad b. t.* cum eo recte reicit. Ciuile  
enim, quod vocant, est. peculiaris contra-  
ctus,

Etus, *chirographarius* scilicet: mixtum itidem, si alius meo nomine pecuniam numerat, non constituit nouam mutui speciem, quod enim quis per alium facit, per se fecisse putandus est; si autem stipulatio vel antecessit, vel sequuta est, ad mutuum plane referri nequit. Ergo quia ipsa distinctio falsa est, forsan non opus erit, vt de eius vsu practico verba faciamus.

## DISTINCTIO II.

Inter Mutuum *verum* & *præsumtum*.

**P**ræsumtum est contractus literalis seu *chirographarius*. Ergo hæc distinctio eodem & non meliori nititur, fundamento, quam præcedens, vnde hic repeti possunt, quæ ibi dicta sunt.

## DISTINCTIO III.

Inter Exceptionem non numeratæ pecuniæ *debitori* & *creditori* competentem.

**V**sus in præscriptione A) diuersa sese exhibet. Exceptio enim n. n. p. *debitori*

A) Suppetunt & aliæ differentiæ, 1) Exceptio N. N. P. *debitori* competens, locum

ri competens, elapso biennio, excluditur, §. *vn. I. de liter. oblig.* (vnde quando Lauterb. *ad b. t.* eandem perpetuam esse asserit;

tantum habet in *mutuo*, & *dote*, quantumvis pignoris constitutio adcefferit, *l. 1. 2. C. Si pign. conuent. num. pecun. secut. non sit.* at quæ creditori aduersus *apocham*, in quolibet genere obligationis obtinet *l. 14. §. 2. de N. N. P.* 2) Exceptio N. N. P. contra *chirographum*, qua *privilegiata*, lapsu biennii excluditur, qua *vulgaris*, etiam post biennium *in praxi* durat. CARPZOV. *Ipr. for. part. 1. Const. 32. def. 66.* PHILIPP. *Vj. pract. Instit. Lib. 3. Tit. 22. Eclog. 68.* (*In praxi*, inquam, theoreticæ enim veritati, hanc exceptionem post lapsum biennii *penitus expirare*, magis congruit, per *l. 10. 14. C. de N. N. P.* DN. de BERGER *Resolut. Lauterb. p. 182.* TIM. FABER *ad I. Disp. 23. ad Tit. de Liter. Obligat. p. 283. lit. A*) contra *apocham* vero, post lapsos 30. dies, *prorsus cessat*, adeo, vt creditor non audiatur, quamvis pecuniam sibi non esse numeratam, probare, ac iuramentum, super non facta solutione, debitori deferre velit. RIVIN. *Enunc. Iur. Tit. 18. En. 15. & 16.* vbi tamen, actionem de dolo intra biennium locum habere, accreditorem super non

serit; hoc saltem *ratione effectus*, postquam scilicet semel opposita fuit, intelligi debet, quod etiam indicat verbum sequens: *peremptoria*.) Quando autem creditor contra apocham, debitori forsan datam, replicare vult, hoc intra xxx dies fieri debet, l. 14. §. 2. C. b. t.

#### DISTINCTIO IV.

Inter Exceptionem *non numeratæ pecuniæ* & *non numeratæ dotis*.

**P**rior, vti modo dictum, biennii lapsu excluditur. Circa posteriorem distinguendum: B) Aut matrimonium intra bien-

non accepta pecunia; debitori iuramentum deferre posse, submonet. Add. DN. de BERGER *Elect. Disceptat. forens. Tit. XI. Obs. 4. Not. 4.* Ceterum hodie in *Electoratu Saxonie* exceptio N. N. P. in processu executiuo non admittitur; *nisi sit in continenti liquida*, alias in reconvensionem reiicitur. ORD. PROC. RECOGN. *Anhang §. 8.*

B) Quæ heic sequuntur, intelligenda de marito *maioresse*; sin vero tempore confessionis, adhuc *minor* fuerit, tunc ad opponendam hanc exceptionem, eidem dantur *duodecim anni*, a tempore nuptiarum,

biennium soluitur, & tunc *anno continuo* a tempore soluti matrimonii: aut soluitur post biennium, intra decennium tamen, & tunc *tribus mensibus* excluditur exceptio non numeratæ dotis: aut denique ultra decem annos durat coniugium, & tunc plane cessat C) illa querela, *Auth. quod locum habet C. de dot. caut. non numer.*

## DIST.

rum, & si intra hoc tempus mortuus fuerit, heredi eius adhuc *unus annus* competit, nisi hic quoque *minor* sit, ubi *quingennium* habet, a morte mariti computandum. *Nou. 100. cap. 2. Auth. Si minor. C. de Tempor. in integr. restitut.*

C) Scilicet *in præiudicium mariti*, eiusque *heredum*, non *creditorum*, quippe qui, morte concursu, etiam post elapsa hæc tempora, exceptionem non numeratæ dotis opponere possunt. *CARPZ. Ipr. for. part. 1. Const. 28. def. 74. BRUNNEM. ad Auth. Quod locum C. de Dot. caut. non numer. n. 4.* Ratio: quia confessio nocet *confitenti*, non *tertio*; cessante ergo quod ad *tertium* (creditores) effectu confessionis, dotis illatio *in facto* consistit, atque adeo probari debet.



## DISTINCTIO V.

Inter Renunciationem exceptionis non  
num. pecun. *in chirographo &*  
*in separata scheda*  
*factam.*

**P**rior nihil valet. Facta enim est spe futu-  
ræ numerationis, quæ spes tamen sæ-  
pe fallit. Posterior autem exceptionem non  
numeratæ pecuniæ omnino excludit. Se-  
paratam enim schedulam aliquis spe futu-  
ræ numerationis dedisse non censetur, vid.  
*Carpz. P. 1. Const. 32. def. 65. n. 7.*

## DISTINCTIO VI.

Inter formulas: Caius hat mir 1000.  
Rthlr. geliehen, so wahr mir GOTT  
helffe, &c. Ich will Caio die geliehene  
1000. Rthlr. wieder geben, so  
wahr mir GOTT  
helffe.

**P**osterior non impedit exceptionem non  
numeratæ pecuniæ, quia supponit con-  
ditionem, *modo pecunia numeretur*, quod  
vtrum factum fuerit, aliunde prius probari  
debet, *v. l. 16. C. de non num. pecun.* secus in  
priori, cum nemo sub nuda spe fallaci iurasse  
præsumatur, vid. *Brunnem. in Comm. Cod.*  
*ad d.*

*ad d. l. 16. C. de non num. pecun. Carpz. alleg. def. 65.*

\* Muraui hanc sententiam in *doctr. ff. b. t. §. XXI.* vt nec priori casu per clausulam iuratoriam exceptio non numeratæ pecuniæ excludatur, cum & talis clausula sub spe fallaci adiici soleat; vnde nunc distinctionis nullum vsum esse puto.



## NOVA DISTINCTIO.

Inter Causam debendi *generalem*  
& *specialem.*

**I**lla non sufficit, e. g. Si quis scripserit: Confiteor, me Titio debere 100, vel, confiteor, me ex aliquo *contractu*, vel *delicto*, Titio debere 100, quoniam obscurum, ex quo contractu vel delicto debeat. *Hæc* est, quum aperte indicatur contractus, vel delictum, ex quo debitum ortum trahit, e. g. Confiteor, me Titio debere 100 *ex mutuo*, *ex emto*, *cerera*. Idem est, si quis verbis *equipollentibus* vsus, e. g. si scribatur: Ich bekenne hiemit, daß ich Caio wegen empfangenen Geldes schuldig worden 100 Thlr. quoniam mentio des empfangenen Geldes satis indicat *mutuum* heic subesse. Vel, si addita sit promissio de red-

reddendo, verspreche solche Summe hin-  
wieder zu bezahlen. B. STRYK. *Caut. Con-  
tract. Sect. 2. cap. 7. §. 5. seqq.* de BERGER  
*Elect. Proc. Execut. §. XI.* Ceterum defe-  
ctus causæ debendi instrumento guarenti-  
giato, in *Elect. Saxoniæ*, nil quidquam  
obest, per ORD. PROC. RECOGN. An-  
hang §. 5. quam sententiam quoque pro-  
bant STATVT. HAMBVRGENS. *part. 1.*  
*Tit. 20. art. 2.*



## LIB. XII. TIT. II.

# De Iureiurando, siue vo- luntario, siue necessario, siue iudiciali.

## DISTINCTIO I.

Inter Iuramentum *credulitatis* &  
*veritatis.*

**I**uramentum *veritatis* de certa scientia, &  
super facto proprio præstatur, vnde hic  
vsitata formula; die Klage ins Gewissen  
schleßen: Iuramentum vero *credulitatis* de  
iusta saltem opinione concipitur, deque fa-  
cto alieno, vel admodum antiquo proprio,  
quo casu hoc modo fit delatio: Daß man es  
dein

dem andern in seine Wissenschaft und Wohl-  
bewußt geschoben haben wolle. Hæc quoad  
diuersum conceptum. Vfus practicus in  
eo sese exferit, quod is, qui iuramentum  
veritatis præstitit, contrario probato, tan-  
quam periurus puniri queat, quia dolose fe-  
fellit alterum, ad cuius delationem iurauit.  
Sed propter iuramentum credulitatis eius-  
modi pœna locum non inuenit. Neque  
enim hic iurans certo quid affirmat, sed  
tantum verosimiliter. At vero eo ipso non  
negat, quod non etiam aliter forsan se res  
habere queat. Potest hinc simul decidi  
quæstio: *utrum heres iuramentum defuncto  
delatum, adhuc præstare possit?* Resp. enim,  
heres non iurat de veritate, bene tamen de  
credulitate, vid. Carpz. P. I. C. 12. Def. 40.  
*seq. & Const. 24. Def. 1. seqq.*

## DISTINCTIO II.

Inter iuramentum *explicitum* &  
*implicitum.*

**P**rius cognoscitur ex consueta formula:  
So wahr mir Gott helfe, vbi inter-  
dum additur: und sein heiliges Wort, vel:  
und das Heil. Evangelium: vel, durch Je-  
sum Christum: posterius ex aliis formulis,  
v. gr. So wahr Gott lebt: Bey dem Wort  
der ewigen Wahrheit: ich will Gottes Ange-  
sicht nicht schauen: ich will kein Kind Gottes,  
oder,

oder, der ewigen Seligkeit werden, &c. Quo-  
 ad vsum fori addiscendum quæritur: *utrum*  
*perinde sit, siue quis explicitum, siue impli-*  
*citum saltem iuramentum præstet?* Respon-  
 demus verbis Carpzouii *P. 2. C. 16. def. 6.*  
 quod non negemus quidem, Deum impli-  
 cite per verbum veritatis, (& similes formu-  
 las,) inuocari, ac proinde promissionem  
 sub verbo æternæ vel diuinæ veritatis, fa-  
 ctam, absque nota impietatis violari non  
 posse, intelligitur namque per verbum ve-  
 ritatis diuinæ ipsemet IESVS CHRISTVS,  
 verbum patris, (hypostaticum, vt Theo-  
 logi loqui consueuerunt) Saluator noster,  
*Iob. I: v. 1.* vnde etiam Lutherus hanc for-  
 mulam pro iuramento agnoscit *in enarra-*  
*tione II. præcepti*, add. Ioh. Zanger. *de ex-*  
*cept. p. 3. c. 11. num. 193.* nihilominus tamen,  
 quoties in iudiciis nostris iuramentum ali-  
 quod præstandum est, siue in ciuilibus, siue  
 in criminalibus, siue sit suppletorium, siue  
 purgatorium, siue aliud aliquod; toties iu-  
 ramentum implicitum non sufficit, sed ex-  
 plicitum præcise requiritur, puto, ex hac  
 ratione, quia omnes homines, præsertim  
 plebei, non ita semper vim iuramenti im-  
 pliciti percipiunt, quod tamen, si actus ef-  
 fectum sortiri debet, sine dubio exigitur.  
 Imo, ne quidem renunciationem mulieris,  
 sub promissione: *beym Wort der ewigen*  
*Wahrheit*, factam, pro iurata & valida ha-

beri posse, asserit idem Carpz. *loc. cit.* cuius sententia etiam in Electoratu Saxoniae recepta, alibi vero non, v. *Doctr. ff. ad tit. de Sc. Velleian. §. XI.* Posses etiam hoc addere, quod ii, qui iuramentum implicitum violarunt, non statim vt periuri puniantur in foro externo, quod secus est intuitu iuramenti expliciti.

### DISTINCTIO III.

Inter iuramentum *solenne & minus solenne.*

**P**rius (quod *aufatum* etiam dicitur, ob aufationem de vitando periurio præcedentem, Germ. ein zierlicher, gelehrter Eyd) semper requiritur, quoties iuramentum in iudicio præstandum: posterius in extraiudicialibus sufficit. Plurimas solennitatum species, pro diuersitate locorum quam maxime variantes, recensuimus in *disp. nostr. de solennibus iuramentorum*, vbi tamen *Cap. II.* simul ostendimus, quod ex omissione eiusmodi solennitatum, non statim irritum reddatur iuramentum. Sunt enim mera accidentalialia, inuocatio autem nominis diuini vnicum est requisitum iuramentorum essentiale.

## DISTINCTIO IV.

Inter Iuramentum *assertorium* &  
*promissorium*.

**P**rius de *rebus præteritis* A) interponitur, & de rebus non modo licitis, sed de actionibus quoque lege prohibitis, & turpibus, v. g. quando in causis criminalibus testis iurat, Caium homicidium, adulterium, & id genus alia delicta, commisisse, eo ipso nihil illiciti admittitur, sed potius iuramentum ad eruendam veritatem, & sic ad bonum publicum promouendum tendit. Posterius autem *futura* respicit, & de rebus illicitis non valet, quia alias ad delinquendum inuitaret, aut turpium nulla est obligatio. Equidem ex c. 28. X. de iureiur. exculpserunt DD. nostri famosam illam regulam: *Omne iuramentum seruandum esse, quod salua salute æterna seruari potest*, unde distinguunt inter facta *naturaliter* & *ciuilitur turpia*, ita vt priorum intuitu non habeat efficaciam iuramentum præstitum, bene tamen quoad posteriora, vid. Lauterb. ad b. tit. sed distinguendum putarem: vtrum lex ciuilis aliquid *præcipiat*, aut *prohibeat*, an vero saltem *permittat*; hoc postest.

A) Nec non de *præsentibus*, quod recte addit AUCTOR *Doctr. Pand. b. t. §. 9.*

steriori casu admitto effatum iuris canonici, de quo etiam solummodo loquitur *cit. c. 28.* quippe quod de fœmina, alienationem rerum dotalium iurato confirmante, disponit, quod in suum proprium præiudicium facere potest; *B)* quod si vero alii textus iuris canonici hoc velint, ut etiam legi prohibitiuæ, vel præceptiuæ, renunciare liceat, (quo pertinere videtur *c. pen. X. de pignor.*) illi, tanquam iuri Principum detrahentes, & sic verbo diuino contrariantes, merito essent repudiandi, cum constans DD. sit assertio, quod ius canonicum in terris protestantium non vltius sit receptum, quam quatenus illud iuri diuino non contrariatur. Pluribus de hac materia actum in peculiari disputatione de genuino intellectu brocardici: *Omne iuramentum seruandum esse, quod salua salute æterna seruari potest.*

## DIST.

*B)* Aliter, & si quid iudico, adcuratius, rationes subducit AUCTOR *cit. Disp. de Brocardico: Omne iuramentum*, cetera, §. 26. quod eiusmodi iuramentum ob legem prohibitiuam, vid. *pr. I. Quib. al. licet.* ibi: *Neque consentientibus mulieribus*, cetera, plane nullius valoris sit.



## DISTINCTIO V.

Inter Iuramentum *promissorium in specie sic dictum & confirmatorium.*

**I**ta subdistinguunt communiter iuramentum promissorium, de quo sub *dist. præced.* modo dictum fuit. Hoc autem eo ipso innuunt legum interpretes. Aut iuramentum *statim ab initio* accedit negotio celebrato, v. g. si quis dicat: dono tibi centum thaleros, ita me Deus adiuuet: aut accedit demum *ex post facto*, postquam negotium iam ante rite celebratum fuit, v. gr. donasti mihi centum thaleros, non tamen eos statim soluis, vnde post aliquod temporis interuallum ego de tua fide dubitare incipio, tu autem, vt omne dubium mihi eximas, præuiam illam donationem adiecto iuramento corroboras. Interim vsum huius distinctionis in praxi non deprehendo, sed quæ paulo ante de iuramento promissorio, generaliter considerato, diximus, eadem ratione ad vtramque hanc sub speciem applicari possunt.

## DISTINCTIO VI.

Inter Iuramentum *litis decisorium & æstimatorium.*

**D**uæ vtpotimum in iudiciis obveniunt distinctæ quæstiones: *an?* & deinde, *quantum?*

*quantum* actori debeatur? Prior determinatur per iuramentum litis decisorium, posterior per æstimatorium, quod etiam *in litem* alio nomine vocatur, de cuius speciebus ad *tit. seq.* agetur. Defertur autem litis decisorium *a partibus*: æstimatorium *a solo iudice*, l. 4. §. 1. ff. de *in lit. iur.* Ceterum recte quidem DD. ad iuramentum litis æstimatorium etiam *iuramentum expensarum* referunt ex *Ordin. Camer. p. 1. tit. 66. 67.* Verum hic notandum, quod illud in nostris iudiciis raro frequentetur, C) quippe ubi victor expensas, sine iuramento designare, & iudex deinde eas moderari solet, vnde formula in sententiis consueta: **Es ist auch Beklagter die auf diesen Proceß verwandte Unkosten, nach vorhergehender Liquidation, und erfolgter richterlichen Mäßigung, Klägern zu erstatten schuldig, B. N. W.** Exceptio esset forsan, si maxima summa impensarum nomine peteretur ab actore, ubi pro re nata, ad iuramentum admitti posset.

## DISTINCTIO VII.

Inter iuramentum *respondendorum* &  
*litis decisorium.*

**Q**uamvis aliquis, mediante iuramento re-  
spon-

C) Ex instituto hac de re egi in *Not. ad ACTOR. Einleit. zum Civil-Proc. cap. 43. §. 6. lit. I.* quo L. B. remitto.

spondendorum, omnes & singulas ab altera parte oblatas positiones, & sic totum eius intentionis fundamentum negauerit, nihilominus tamen ab instituta actione nondum absoluitur, sed actori via probandi adhuc patet, & licet hic deinde contrarium probet, nondum tamen vt periurus consideratur. Quæ omnia secus se habent, postquam iuramentum litis decisorium a reo præstitum fuit. Ratio differentię hæc est: Iuramentum respondendorum per indirectum saltem litis decisionem respicit, & nihil aliud est, quam species iuramenti calumniæ, *D)* illustr. Dn. Stryk. in not. ad *Lauterb. tit. de interrog. in iur. fac. verb. Dandorum*. Meuius *P. 3. Decis. 175. num. 2.* & non tam de veritate, quam potius de credulitate concipitur, vnde iuxta stilum Camerae, per vocem: *credo*, vel, *non credo*, responsiones effertur, vid. *Ord. Cam. p. 3. Tit. 15. §. 4.* quamvis iuxta *Recess. Imp. nouiss. §.* zu welchem Ende 49. ibi: durch das Wort: Wahr, oder nicht wahr, so viel ihr eigen Geschicht betrifft; so viel aber fremde Geschicht belangt, durch das Wort: Glaub Wahr, oder nicht Wahr seyn &c. inter facta propria & aliena distingui de-

*D)* In factis propriis tamen degenerat in iuramentum veritatis B. STRYK. *Introduct. ad Prax. forens. cap. 17. §. 10. & 12.*

debeat, vid. Brunnem. *Proc. Civil. c. 17. n. 19. & 20.* Quidquid tamen sit, iuramentum illud nihilominus manet solummodo iuramentum calumniæ, & sic prior adlata differentia inter illud, & iuramentum litis decisorium, firmo adhuc stat talo, prout hoc quotidiana iudiciorum praxis satis abunde confirmat.

### DISTINCTIO IIX.

Inter iuramentum *iudiciale* & *extraiudiciale*, s. *voluntarium*.

**A**ctus quidem iudiciales & extraiudiciales alias de iure commune, ratione validitatis, & effectus, parum ab invicem differunt, nisi dicere velis, (1) quod iudiciales facilius probari possint, & (2) quod maiorem præsumptionem pro se habeant, quam extraiudiciales; sed vero quod præsentem materiam attinet, non vnus effectus distinctionis iuramenti adlatæ in legibusprehenditur. Scilicet iuramentum extra iudicium delatum species conventionis est, *l. 17. pr. b. t. l. 20. §. 2. ff. eod.* & ergo, quia omnes conventiones ab initio sunt meræ voluntatis, nemo ad illud suscipiendum tenetur, sed libere recusari potest, v. g. si dicat alter: *Ich mag nicht schwören*, ita ut propterea pœnam iurare nolentium, id est, præsumptionem confessionis factæ, non incur-

currat, quæ omnia in iuramento, in iudicio delato, aliter sese habent, vt deinde dicitur; ibi enim vel acceptandum est iuramentum, vel referendum, vel conscientia probatione exoneranda. Porro, in iuramento iudiciali, si refertur iuramentum delatum, is, qui ante detulerat, illud præstare præcise tenetur, quia non debet displicere conditio iurisiurandi ei, qui primo detulit, vt habet *l. 34. §. 7. ff. b. t.* secus in extraiudiciali, *d. l. 17. pr. b. t.* nam in relatione noua species conuentionis adest, ad quam alter itidem cogi nequit. Denique magis vera est eorum sententia, qui statuunt, deferentem in extraiudiciali non esse obstrictum ad iuramentum calumniæ, sibi enim imputer alter, quod illud delatum sponte acceptauerit. Lauterb. *ad b. t. p. m. 170.* quod secus in iudiciali. Posses & hoc addere: Post delatum iuramentum iudiciale debet accedere decretum iudicis, eam delationem confirmans, Carpz. *de Proc. tit. ii. art. 1. n. 133.* Et *art. 2. n. 2.* a qua confirmatione demum delatio suum effectum sortitur; ast extraiudiciale vires suas a sola delatione & acceptatione habet. Ex iudiciali actio iudicati, ex extraiudiciali actio in factum oritur: extraiudiciale nullas solennitates requirit, bene tamen iudiciale.

## DISTINCTIO IX.

Inter Iuramentum *calumniæ* generale & speciale s. *malitiæ*.

**D**ifferunt hæ duæ species principaliter *obiecto*. Iuramentum calumniæ generale præstatur super tota causa, prout habent versiculi Poetastri cuiusdam:

*Illud iuretur, quod lis sibi iusta videtur,*

*Et si quæretur, verum non inficietur:*

*Nil promittetur, nec falsa probatio detur,*

*Vt lis tardetur, dilatio nulla petetur.*

Iuramentum malitiæ autem super puncto quodam speciali. Et hinc simul profluit, quod prius regulariter *ab initio* processus, & *semel* tantum præstetur, posterius autem roties, quoties præsumptio contra alterutrum ex litigantibus suboritur, quod non bona fide agat, sed protractionem processus intendat, v. g. si multæ dilationes peruntur: si quis interuenire vult in processu: si quis exceptiones non fundatas obicit, &c. Prius præstatur *ab utraque parte simul*, & *ab advocatis* etiam, E) posterius ab altero saltem

E) Sententia AUCTORIS & in l. 2. pr. §. 4. C. de Iureiur. propt. Calumn. & in R. I. de an-

rem litigante, neque regulariter ab aduocatis.

## DISTINCTIO. X.

Inter iuramentum litis decisorium  
a iudice, & ab altera parte delatum,  
quorum hoc iudiciale, illud  
autem necessarium  
vocatur.

**P**ost delatum iuramentum *iudiciale* tres  
viæ patent illi, quem delatio facta re-  
spicit. Aut enim potest iuramentum acce-  
ptare, aut referre, (nisi forsan tale sit fa-  
ctum, cuius alter nullam notitiam habet, *F*)  
l. 34.

*anno 1654. §. 43.* fundata; *bodie* vero ple-  
risque in locis, ob iuramentum ab initio  
officii præstitum, aduocatos ab hoc iura-  
mento liberari, post BRUNNEM. obseruat  
B. STRYK. *Introduc. ad Prax. for. cap. 12.*  
*§. 7.* quæ sententia confirmata in der  
Cammer-Ger. Ordn. der Mark Bran-  
denb. *Tit. 31. §. 9.* addito tamen hoc tem-  
peramento, nisi in progressu litis *gravis*  
*presumptio malitiæ* emergat, quo casu,  
vel ex officio, vel ad instantiam partis ad-  
uersæ, hoc iuramentum præstandum.

*F*) Hinc nata distinctio inter facta *propria*  
& *communia*, quam exponit AVCTOR  
*Doctr. Pand. b. t. §. 25.*

*lib. 34. §. 8. ff. b. t.*) aut conscientiam probationibus exonerare, vid. Rauchbar. *p. 2. q. 3. n. 19.* quod vocant: das Gewissen mit Beweis vertreten, & licet in hac probatione deferit probans, nihilominus reliquæ duæ viæ adhuc manent. G) Formulam pronuntiandi in eiusmodi casu habet Brunnem. *Proc. Ciu. c. 23. num. 14.* daß N. dasjenige, was er sich zu Vertretung seines Gewissens zu beweisen angemasset, nicht bewiesen, dannerhero er den deferirten Eyd zu præstiren oder zu referiren schuldig. Hæc in iudiciali obtinent. Sed in iuramento *necessario* duæ fal-

G) Ad *relationem* iuramenti eum, qui in defensione conscientie succubuit, non admitti, crebriori DD. calculo placuit. Vid. quos excitat MARTIN. ad *Ord. Proc. Sax. Tit. 19. §. 2. n. 41.* cui sententiae quoque fauet praxis *Marchiæ, & Ducatus Magdeburgici.* Cammer = *Ger. Ordn. Tit. 43. §. 19.* Magdebl. *Proc. Ordn. Cap. 29. §. 9.* Imo de iure *Marchico & Electorali Saxonico*, ne quidem *regressus ad iuramentum* patet; quamvis si in conscientie defensione *nonnihil* probatum, iuramento suppletorio, vel purgatorio, pro ratione circumstantiarum, omnino locus sit. Cammer = *Ger. Ordn. d. T. §. 19. seq.* *Ehur = Sächf. Verbest. Proc. Ordn. Tit. 19. §. 1.*



saltem viæ competunt, acceptatio, & conscientiae exoneratio. Relationi locus non est. Cui enim referret? an iudici deferenti? sed hoc valde obsonum futurum esset. Afferit quidem Carpz. *de Process. tit. 12. art. 2. num. 94.* citatus a Lauterb. *b. t.* quod nec probatio pro exoneranda conscientia in hoc iuramento locum habeat. Sed eam sententiam, tanquam fundamento destitutam, recte iam reiecit *H)* illustr. Dn. Stryk. *in not. ad Lauterb. b. t. verb. recusari potest.* Porro, si acceptatur iuramentum *iudiciale*, deferens ante omnia iuramentum calumniae praestare tenetur, *l. 37. b. t.* alias enim quilibet ex mera malitia deferre interdum iuramen-

*H)* Loquitur CARPZ. *l. c.* de iuramento *suppletorio*, quod in hoc defensio conscientiae locum non habeat, quæ sententia tum in *Marchia Brandenburgica*, tum in *Ducatu Magdeburgico* recepta. Vid. *Cammer=Ger. Ordn. Tit. 44. §. 8.* *Magdebl. Proc. Ordn. cap. 39. §. 3.* Aliud de iuramento *purgatorio* dicendum, in quo probationi pro exoneranda conscientia utique locus est. *Cammer=Ger. Ordn. Tit. 46. §. 3.* *Magdeb. Proc. Ordn. d. l.* licet secus in *Electoratu Saxoniae*, ubi, si iuramentum *purgatorium* in causa *ciuili* delatum, probatio illa penitus exulat. **ORD. PROC. RECOGN. Tit. 32.**

mentum posset. At vero iudex, deferens *necessarium*, non iurat de calumnia, quippe qui præsumptionem legis pro se habet, quod bona fide agat omnia. Denique & hæc notabilis inter utrumque iuramentum intercedit differentia. *Iudiciale*, semel præstitum, non retractatur propter nova instrumenta; bene tamen *necessarium*. Ratio differentiae habetur in *l. 7. b. t.* quia in priori casu adest conuentio quædam, & transactio, (ibi: *transactum sit negotium*) atque adeo alter sibi imputare debet, quod delationi iuramenti rem commiserit. In posteriori casu autem illa ratio sine dubio cessat, quia delatio a iudice facta. Hoc tamen adhuc notandum: scilicet, quod diximus, iuramentum iudiciale non posse retractari sub prætextu periurii admissi, quod illud saltem intuitu priuari interesse intelligendum sit. Criminaliter ergo nihilominus puniri poterit ille periurus, cum pars deferens interesse publico præiudicium inferre neutiquam potuerit.

## DISTINCTIO XI.

Inter Iuramentum *suppletorium*  
& *purgatorium*.

**P**rius regulariter defertur auctori, posteriori reo. *Regulariter*, inquam, interdum enim fieri potest, ut propositio conuertatur,

tur, quando scilicet de exceptione agitur, ubi reus actoris, actor autem rei vices sustinet. Porro: quando deferitur iuramentum suppletorium, tunc semiplena ad minimum probatio requiritur, quæ fit per vnum testem, omni exceptione maiorem. Ant. Faber in *Cod. l. 4. tit. 1. def. 4. n. 5. & def. 18. n. 7.* sed si iudex vult deferre iuramentum purgatorium, tunc saltem contra reum coniecturæ quædam adsunt, quæ probationem semiplenam non efficiunt, v. gr. vnus testis omni exceptione non maior. Suppletorium in causis ciuilibus saltem deferitur, non vero in criminalibus, quando de crimine, pœnam corporis afflictiuam inferente, agitur, quia tunc probationes luce meridiana clariores requiruntur, *l. ult. C. de probat. ibique Gotbofr. Carpz. P. 1. C. 23. Def. 11. Menoch. de A. I. Q. lib. 1. cent. 5. cas. 464. n. 1. seq.* ast purgatorio & in ciuilibus, & in criminalibus locus est, *Meu. p. 8. Dec. 57. num. 1. seq. Heig. p. 1. qu. 40. n. 10.* vnde negligentiae aduocatorum (non enim dicam ignorantiae) interdum adscribendum est, quod illud iuramentum, in fauorem clientum suorum, non vrgeant ab aduersario. Regula enim: *Actore non probante absoluendus est reus*, non obstat, quominus reo, iudiciis grauato, tortura illa spiritalis imponi queat. In purgatorio mul-

tæ

ræ adhiberi solent solennitates: 1) in suppletorio non.

## DIST.

1) Rem optime illustrat locus ex KAYSER. *Prax. Crim. part. 1. cap. 6. §. 2. p. m. 319.* vbi, postquam renorem sententiæ, qua duobus inquisitis iuramentum purgatorium dictatum, recitasset, hæc verba subiungit: Wie denn auch beyde inquisiten solchen dem Urtheil gemäß abgefaßten End . . . auf einem schwarzen Tuch vor der Bibel, dem Crucifix, Todtens Kopff, der Sand-Uhr, und zwey brennenden Lichtern, würcklich abgelegt, cetera. Non tamen in omni purgatorio illæ solennitates adhibentur, sed saltem, si in caussa *criminali*, vel, secundum obseruantiam quorundam locorum, *matrimoniali* (e. g. *Wittebergæ*, vbi teste NÆVIO *Tr. de Iuram. part. 3. cap. 10. §. 7.* purgans se a promisso matrimonio, *flexis coram mensa, atro panno obducta, genubus, ac candelis incensis, foribusque ac fenestris apertis, coram venerabili signo crucis, ac Bibliis propositis, iurare teneatur,*) illud dictatum; quamuis in hac personis honoratioribus eædem remitti soleant. RIVIN. *Enunc. Iur. Tit. 32. En. 7.* NÆVIUS d. l.

## DISTINCTIO XII.

Inter Iuramentum purgatorium in  
causis civilibus & criminalibus  
delatum.

**V**fus quam maximus *K*) in foro hic de-  
prehenditur. Si enim in causis civili-

bus

*K*) In eo etiam insignis vsus deprehendi-  
tur, quod in causa civili is, qui iura-  
mentum purgatorium præstitit, ab ex-  
pensis quoque absolui debeat, BRUNNEM.

*Proc. civil. cap. 23. n. 38.* quod secus in  
causa criminali. Heic enim, si quis fa-  
cto culpabili causam inquisitioni dedit,  
quantumvis, præstito iuramento pur-  
gatorio, absolutus sit, ab expensis tamen  
immunis haud est DN. de BERGER *Elect.*

*Iurispr. Crim. part. 2. Supplem. Obser-*  
*uat. 168.* Quin generatim alii refusioni

expensarum locum concedunt, si inquisi-  
tus, prævio iuramento purgatorio, abso-  
lutus; quoniam si indicia ad iuramentum  
purgatorium sufficiunt, iuste quoque in-  
quisitio mota; atque adeo fiscus debet

manere indemnis. B. STRYK. *Introduc.*  
*ad Prax. forens. cap. 20. §. 12.* quæ senten-  
tia in *Electoratu Saxoniæ* diserte confir-  
mata, per *Rescriptum de anno 1717. d. 3.*

*Febr.* quod conceptis verbis reruli in *Not.*

bus illud iuramentum defertur, alter autem id præstare recusat, tunc manemus in regula vulgata; quod scilicet iurare recusans pro confesso habeatur, siue, quod idem est, incurrat pœnam iurare nolentium, v. l. 34. §. 6. & l. 38. ff. h. t. ast, qui in criminalibus (grauibus scilicet) L) iurare recusat, propterea non ordinaria, sed extraordinaria saltem pœna afficitur, Menoch. de A. I. Q. lib. 2. cas. 274. n. 5. Læsius ad tit. de purgat. Canon. in f. Brunnem. Proc. ciu. c. 23. n. 36. condemnatus enim est ex præsumptionibus saltem, & sic non adest probatio luce meridiana clarior.

### DISTINCTIO XIII.

Inter Obtestationem & Iuramentum.

**O**btestatio vocatur, quando quis alterum, nominato Deo, vel alia quadam re ipsi carissima, vel ab ipso maxime verenda, obsecrat

ad AUCTOR. Einleit. zum Peinl. Proceß cap. 12. §. 17. lit. B. & §. 18. lit. D. vbi verba Ord. Criminal. Boruss. dedi.

L) Si enim delictum sit leuius, cui pœna arbitraria imminet, utique reus, hoc iuramentum præstare recusans, ad eandem condemnari potest. CARPZ. Pract. Crim. part. 3. Q. 116. n. 81.

secrat de veritate dicenda, qualis est Archi-  
Sacerdotis, *Matth. 26. v. 36.* Ich beschwe-  
re dich bey dem lebendigen Gott, daß du uns  
sagest, ob du seyest Christus, der Sohn Got-  
tes. Eiusmodi obtestationem non esse iu-  
ramentum, quilibet facile videt, atque hinc  
cum iuramento etiam confundi non debet,  
conf. Exc. Thomafius *Iurispr. diuin. l. 2. c.*  
*9. §. 65.*

## DISTINCTIO XIV.

Inter *Contestationem* & *Iuramentum*.

**I**n iuramento adest inuocatio nominis di-  
uini; sed contestatio dicitur, quando  
quis comparatione rei gratissimæ, (*alienæ*  
tamen, non propriæ,) asseuerat, non mi-  
nus sibi cordi esse veritatem in illa re, ac  
sibi est illa res nominata. Exempla habentur  
*Genes. 42. v. 15. 16.* vbi Iosephus fratres  
suos ita alloquitur: Daran will ich euch prü-  
fen bey dem Leben Pharaonis, &c. item  
*2 Reg. 2. vers. 2. & 4.* vbi Elisa ad Eliam: So  
wahr der Herr lebt, und deine Seele, ich ver-  
laß dich nicht. Exc. Thomafius *loc. cit. §.*  
*66.* Vfus in eo consistit: vtrum is, qui con-  
trauenit eiusmodi contestationi, tanquam  
periurus in foro humano puniri possit?  
quæ quæstio sine dubio negari debet.

## DISTINCTIO XV.

Inter *asseuerationem* & *Iuramentum*.

**I**n *asseueratione* iterum non est inuocatio nominis diuini, vt in *iuramento*, sed ea dicitur, quando quis *comparatione rei propriae* gratissimæ testatur, sibi non minus cordi esse veritatem, ac sibi cordi est *conseruatio rei*. Distingui tamen in duas classes solent eiusmodi *asseuerationes*. Scilicet vel fiunt *a principibus*, & *illustribus personis*, bey Fürstlichen wahren Worten, Treu und Glauben, Item bey Adelichen Treuen, bey Cavaliers Parole, &c. vel *a priuatis hominibus*, v. gr. so wahr ich ein ehrlicher Mann bin, ich will ein Schelm, oder nichts werth seyn, &c. Posteriores nullum effectum regulariter producunt, nec pœna afficitur is, qui adhibitis huius generis *asseuerationibus*, alterum fallit, nisi quod, vt alias, ad interesse conueniri possit. De prioribus vero dicitur, quod vim *iuramenti* habeant, M) Gail. 2. Obs. 59. num. 2. seq. & alii apud Lauterb. b. t. idem potest esse, si propter specialem consuetudinem certi populi, vel certæ etiam sectæ, vis *iuramenti* *asseuerationibus* tribuatur, quo refero Quakero- rum formulam: Bey Mannen und Worten,

M) Interim in omnibus causis, in quibus  
pro



ten, N) conf. Dn. Thomas. l. c. §. 67. Hugo Grotius de I. B. & P. l. 2. c. 13. §. ult. quamvis illud, quod de illustribus personis dictum, quoad vim obligationis saltem intelligi debeat, non autem eo respectu, ac si pœnæ periurii ordinariæ propterea locus sit, quod in Quakeris etiam locum inuenire existimo. Ergo adhuc multum interest, ut iuramentum ab asseuerationibus accurate distinguatur. Posses etiam formulam: *an Endes statt*, huc referre, quippe quæ ex omnium confessione, vim veri iuramenti non

*pro forma, ac ad substantiam actus*, iuramentum requiritur, eiusmodi adseueratio haud quaquam sufficit, quum reuera iuramentum non sit, e. g. in *renuntiatione ac intercessionemulierum*. CARPZ. Ipr. for. part. 2. Const. 16. def. 5. & Const. 36. def. 9. in *renuntiatione futuræ successionis*, MEV. ad Ius Lubec. Part. 2. Tit. 1. Rubr. n. 87. ZIEGLER. ad Lancellot. Lib. 3. Tit. 3. §. 3. BRVNNEM. Cent. 3. Dec. 98.

N) Quæ tamen in iudiciis vim iuramenti non habet B. STRYK. Vjs. mod. ff. b. t. §. 8. ib. præiudic. RIVIN. Enunc. Iur. Tit. 18. Enunc. 134. DN. MENCKEN. Tractat. Synopt. Proc. Tit. 24. §. 7. nisi consuetudo particularis ita ferat. MENCKEN. d. l.

non habet; O.) v. Ruland. *de Commiss. p. 2. l. 2. c. 11. num. 32.* Nota adhuc: si asseuerationibus accedunt maledictiones, v. gr. Diabolus me rapiat, &c. tunc *execratio* vocatur.



## NOVA DISTINCTIO.

Inter *Iuramentum & Votum.*

**I**n illo vel homini quid promittitur, vel quid adferitur, negaturue, inuocato Deo, in testem, & vindicem periurii, in hoc ipsi Deo quid promittitur. Vsum hæc distinctio præstat plane eximium circa quæstionem: Num iuramentum vi metuue extortum

O.) Dissentit a se ipso B. AVCTOR *Doctr. Pand. b. t. §. 2.* formulam hanc *implicitum iuramentum* continere adserens, cui sententiæ & ego subscribo. Is quippe, qui in vim iuramenti promittit, tacite Deum inuocasse censetur, vt fidem promissi non seruata in vim periurii flectat, ac ipsum, ceu peierantem, puniat. Vbi tamen Legge, vel consuetudine, vel sententia corporale iuramentum requiritur, eiusmodi formulam non sufficere, haud inuitus largior. B. STRYK. *Vs. mod. ff. b. t. §. 14. ib. eit.* B. IO. SAM. STRYK. *Meletem. de iurament. Meletem. 7. cap. 2. §. 27. seq.*

*tum validum sit, ac relaxatione indigeat?*  
 Ait H. GROTI. *de I. B. & P. Lib. 2. cap. 13. §. 14.* ea inductus ratione, quod in tali iuramento Deo quid promittatur; quo ipso vero aperte miscet iuramentum & votum. Aliud quippe, promittere Deo, quod solvere velim latroni, aliud promittere latroni, cum inuocatione nominis diuini. Quum ergo in tali iuramento Deo nihil promittatur, is vero, qui vim ac metum infert, faciente ipso GROTIUS *d. l. nullum inde ius consequatur*, consequens est, eiusmodi iuramentum prorsus esse nullum, nec vlla absolutione indigere, nisi ad cautelam illa petatur. L. B. de PVFENDORF *de I. N. & G. Lib. 4. cap. 2. §. 8.* Illustr. DN. THOMAS, *Instit. Iurispr. Diuin. Lib. 2. c. 9. §. 34.*



## LIB. XII. TIT. III.

## De in Litem iurando.

## DISTINCTIO I.

Inter Iuramentum *affectionis* (s. ordinarium) & *veritatis* (s. extraordinarium.)

**I**uramentum affectionis toties præstatur, quoties alter rem nostram, (*speciem* sci-

scilicet, eamque *raram admodum*, ita ut similis facile haberi nequeat,) quam ipsi forsan commodauimus, locauimus, vel penes ipsum deposuimus, *dolo malo* restituere detrectat, vel eandem restituere paratus quidem est, ita tamen dolo corruptam & deterioratam, ut usum consuetum nobis amplius præstare non possit, *l. 5. §. 3. ff. b. t. l. 68. ff. de R. V.* & huc pertinet quoque, si corruptio non quidem per dolum, per *lata* tamen *culpam* facta fuerit, agitur enim de priuato saltem interesse consequendo, & vero tunc lata culpa dolo æquiparari solet, *l. 32. ff. depos.* E contrario autem, si quis per *leuem culpam* rem deteriorauit, aut fecit etiam, quo minus eadem restitui possit, iuramento *veritatis* locus est, *l. 2. §. 1. ff. b. t.* In iuramento *affectionis* sine vlla taxatione *A)* in infinitum iuratur, *d. l. 68. ff. de*

*A)* Sed quid faciemus cum *VLPIANO*, qui in *l. 4. §. 2. ff. b. t.* & in *L. 3. §. 2. ff. Ad exhib.* arbitrio bonæ fidei iudicis congruere docet, *taxationem* huic iuramento adiicere. *DD.* varîe has *LL.* conciliant. Alii distinguunt inter *taxationem*, quæ fit *a Lege*, & quæ fit *a Iudice*; alii verba *d. l. 68. sine vlla taxatione*, ad verbum: *iurauit*, non ad verbum: *damnandus*, referenda censent, ut sensus sit: *Quum actor iurauit,*

*ff. de R. V.* Per iuramentum *veritatis* autem illud solummodo æstimatur, quod interest agentis, *d. l. 2. §. 1. b. t.* iuramentum *affectionis*, quia tendit ad coercendum admissum a defuncto dolum, non datur aduersus heredes, bene tamen iuramentum *veritatis*, ubi meram rei restitutionem pro scopo habemus, vid. Lauterbach. *ad b. t. circ. fin.*

Eam quoque tanquam notabilem differentiam adducere solent, quod iuramentum *affectionis* in actionibus bonæ fidei solummodo locum habeat, non autem in iudiciis stricti iuris, in quibus nempe æstimatorio per iuramentum *veritatis* suscipitur. Sed

*uit, nulla taxatione a iudice præfinita, id iudex seruare debet.* Alii aliter. vid.

DONELL. *emuel. Lib. 26. cap. 11. lit. E.* ibique HILLIGER. Nobis placet sententia BACHOV. *de Action. Disp. 7. part. 1. tb. 13.* WISSENBACH. *ad ff. part. 1. Disp. 24. §.*

*47.* in arbitrio iudicis esse, vtrum *laxum & liberum*, an vero *certa taxatione limitatum* iuramentum actori deferre velit. Quum enim Iudici liberum sit, iuramentum hoc *plane non deferre*, sine dubio & taxationem eidem adiiicere poterit, prout ipse philosophatur VLPPIANVS *d. l. 4. §. 2. ff. b. t.*

Sed illa assertio, quod pace dissentientium dictum sit, nec iuri civili, nec praxi nostrorum iudiciorum consentanea esse videtur. Quod enim ius civile attinet, ibi nec in omnibus b. f. iudiciis iuramento affectionis locus est, sed in aliquibus saltem. De emtione, quæ sine dubio ad iudicia b. f. perinet, expressus habetur textus in *l. 4. C. de act. emt. & vend.* vbi Impp. Diocletianus & Maximianus ita: *Si traditio rei venditæ iuxta emtionis contractum procacia venditoris non fiat: quanti interesse compleri emtionem fuerit arbitratus Præses provinciae, tantum in condemnationis rationem deducere curabit.* Puto tamen, quod & hic exceptio esse possit, si forsan res rara, cuius similis vel plane non, vel admodum difficulter haberi possit, vendita alicui fuerit. Hoc inrerim exinde ostendisse sufficiat, non esse regulam vniuersalem: quod indistincte in omnibus b. f. iudiciis, in litem iurare, & pretium affectionis petere liceat. Quemadmodum autem hæc regula in contractibus b. f. affirmatiue non procedit: ita nec e contrario in stricti iuris iudiciis vniuersaliter dici potest, quod in illis nunquam illi iuramento locus relinquatur. Textus in *l. 5. pr. & §. f.* item in *l. 6. ff. b. t.* quem pro sua sententia adducit Lauterbach, *Comp. iur. b. t.* ipsi magis aduersatur, quam quod patrociniū præstet, quod etiam agnoscit B.

Stru-

Struuius in *S. I. C. Exerc. 17. tb. 65.* quando  
 afferit, in stricti iuris iudiciis iuramento affe-  
 ctionis locum non dari, cum hac tamen re-  
 strictione, *præterquam si per accidens fiant*  
*arbitraria*, ad quam restrictionem pro-  
 bandam *d. l. 5. §. f. b. t.* adducit. Audia-  
 mus ipsum Marcianum in *cit. §. f.* Plane  
 inquit, *interdum & in actione stricti iudicii*  
*in litem iurandum, veluti si promissor Stich-*  
*moram fecerit, & Stichus decesserit, quia*  
*iudex æstimare sine relatione iurisiurandi*  
*non potest rem, quæ non extat.* Forſan ve-  
 ro dices, hoc de iuramento veritatis sal-  
 tem intelligi debere, quo etiam respexisse  
 videtur Lauterbach. dum *pr. & d. §. f.*  
 coniungit. Sed vero ex collatione *illius*  
*princ. cit. loc.* liquido constat, quod de iu-  
 ramento affectionis locurus fuerit ICrus,  
 quia ibi de iureiurando, in iudiciis b. f. & ar-  
 bitrariis præstando, expresse agitur. Quod  
 si vrgeas: interim tamen verum manere,  
 quod vt plurimum in b. f. rarius autem in  
 stricti iuris iudiciis iuramentum in litem  
 affectionis locum habeat, & vero in rebus  
 moralibus regulæ vniuerſales ab eo defumi  
 soleant, quod *vt plurimum* obtinet; Resp.  
 id quidem verum eſſe, ſed ſimul addo, id  
 noſtro caſu non exinde prouenire, quia il-  
 li contractus ſunt bonæ fidei, ſed quia in  
 illis *vt plurimum* de rebus *in ſpecie* reſtitu-  
 endis agitur, v. g. in deposito, commodato,  
 ro,

to, pignore, locato, &c. perinde vt in actionibus realibus, quæ arbitrariæ vocantur, vt in rei vindicatione, & similibus. In hisce autem omnibus species illa, tanquam obiectum actionis, ita comparata est, vt affectionem vtplurimum specialem recipiat. In actionibus stricti iuris hoc autem interdum solummodo fit, v. g. si res rara donata, aut apud Romanos per stipulationem promissa fuerat. Ita ergo regula ad sensum iuris Romani formanda esse videtur: *in quibuscunque actionibus species rara, pretium affectionis recipiens, petitur, ibi iuramentum affectionis præstatur, siue ea actio sit realis, siue personalis, siue b. f. siue stricti iuris.*

Sed, posito etiam, adlatam differentiam in legibus Romanis fundatam esse; vterius tamen tunc inquirendum esset; *utrum ea adhuc hodie apud nos usum in foro præstare possit?* Certe ea differentia ex nullo alio fundamento deriuari posset, quam quod iudex pedaneus apud Romanos, in iudiciis stricti iuris, ad verba contrahentium præcise adstrictus erat, nec ultra eadem progredi poterat, quamuis æquitas hoc suadere videretur, prout hoc accurate ostendit Wesenb. *in Parat. ff. b. t. num. 6.* sed vbi locorum iudices pedanei apud Germanos deprehenduntur? Et ergo vbi est hodie tam restricta eorum potestas? nullibi certe. Quid  
er-



ergo? numne corruente fundamento effectus adhuc durare poterit? non videtur, nisi absurdum aliquod admittere velimus.

Cupis forsan autoritates? Produci-  
mus Carpzouium, cuius verba in *P. 1. c. 23. Def. 19. num. 7. seqq.* sequentia sunt: *Etsi vero, inquit, lubens fatear, prædictam distinctionem* (inter iudicia b. f. & stricti iuris) *ab interpretibus fuisse receptam, ac con-  
mode etiam retineri atque defendi posse, (de quo tamen nos propter ea, quæ paulo ante ad-  
duximus, adhuc dubitamus,) non memini tamen, addit, in praxi hanc differ-  
rentiam multum attendi, quin potius arbitrio iudicis relinqui, quando iuramentum hoc, siue affectionis, siue veritatis, deferendum existimet. B)* Nam circa iusiuran-

*B)* Imo non tam ab arbitrio iudicis, quam a circumstantiis, in quolibet negotio occurrentibus, dependet, vtrum iuramentum adfectionis, an veritatis deferendum sit. Quod & ORDINAT. CANCELL. HANNOV. Tit. 24. §. 6. eleganter inculcat, ibi: Und zwar nach der Sachen Beschaffenheit, (non ergo pro arbitrio iudicis) das iuramentum æstimationis, siue veritatis, oder auch affectionis, cetera. Vnde si nullus dolus vel lata culpa aduersarii concurrat,

*dum in litem arbitrio iudicis multum esse tribuendum, satis apparet ex l. 4. §. 2. & 3. l. 5. §. 3. & 4. ff. de in lit. iurand. Ex quo fit, ita concludit, ut hodie non solum in omnibus b. f. actionibus, siue in rem, siue in personam, quibus res restituitur, sed etiam in strictis iudiciis, arbitrariis, & non arbitrariis, ex causa iusta atque sufficiente, in litem iuret, ut notat Andr. Rauchbar. p. 1. qu. 9. num. 32. Verba Carpzouii ita perspicua esse reor, ut nulla ratione de solo veritatis iuramento intelligi possint, quamuis eadem ita explicare voluerit B. Brunnemann. ad l. 5. ff. b. t. num. 9. Carpzouio iunge Struuiam Ipr. R. G. P. l. 2. tit. 12. aphor. 17.*

Facile quidem credimus, contrariae sententiae etiam non defuturos, quos pro stabilienda sua opinione adducere possint, sed in collisione eiusmodi diuersarum auctoritatum, ea semper praeferrí debet, quae cum genuinis principiis conuenit, quales Carpzouii esse ante demonstratum fuit. Ex quo simul apparet, testimonium dicti Carpzouii non ad solam Saxoniam restringendum esse, sed ex identitate rationis, ad omnia Germaniae fora extendi & applicari

*iure*

nec hodie iuramento adfectionis locum esse, rectissime docet, ac ipsis rerum argumentis illustrat HORN. *Class. IV. Resp. 13. & Class. XI. Resp. 95.*

*sure debere.* Conferantur omnino, quæ pro more suo, hic solidissime deduxit illustr. Thomasius *in disp. de pretio affectionis in res fungibiles non cadente cap. 3. §. 24. seqq.*

## DISTINCTIO II.

*Inter affectionem extra rem & in ipsa re radicatam.*

**V**sum huius distinctionis in eo ponunt nonnulli, quod iuramentum in litem affectionis tunc saltem locum habeat, quando adest affectio *in ipsa re*, v. gr. raritas, ut res similis vel plane non, vel tamen admodum difficulter iterum haberi possit, non autem si *extrarem* est, v. g. si quis rem aliquam propterea maximi faciat, quia ipsi a Principe, vel Patrono, eadem donata fuit, quæ sententia placuisse videtur Lauterbachio *circ. fin. b. t.* & Dn. Beyero *in Pos. ff. ad h. §. pos. 2. 3. & 4.* conf. quos citat Brunnem. *ad l. 1. ff. b. t. num. 7.* & Hilliger *ad Donell. lib. 26. c. 6. lit. D.* Verum hæc opinio simpliciter approbari nequit, cum iuxta *l. 35. ff. de minor.* interdum quoque affectio extra rem consideretur. Ita enim Hermogenianus *in d. l. Si in emtionem*, inquit, *penes se collocatam minor adiectione ab alio superetur; implorans in integrum restitutionem*  
audie-

*audietur, si eius interesse, remtam ab eo rem fuisse, adprobetur: veluti quod maiorum eius fuisset: ita tamen, ut id, quod ex licitatione accessit, ipse offerat venditori. Eodem fere recurrunt, quæ Iauolenus in l. 36. ff. de bon. libert. habet, ubi ita: Multi enim casus interuenire possunt, quibus expediat patrono petere bonorum possessionem, quamuis æris alieni magnitudo, quam libertus reliquerit, facultates patrimonii eius excedat: veluti, si prædia sunt aliqua ex bonis liberti, in quibus maiorum patroni sepulchra sint, Et magis æstimat patronus, bonorum possessionis iura pro parte ea ad se pertinere: vel aliquod mancipium, quod non pretio, sed affectu sit æstimandum. Non ergo ideo minus habere debet ius petendæ bonorum possessionis, qui animo potius, quam aliorum computatione, bona liberti æstimat.*

*Ut vero distincte mentem nostram explicemus, ita dicendum esse existimamus: Propter interesse in ipsa re radicatum, iuramento in litem affectionis semper locus; sed propter interesse extra rem consideratum, illud interdum saltem admittitur, interdum non.*

*Noua autem incertitudo adest. Quæritur enim nunc vltcrius: quales sint illi casus, ubi actor ad iuramentum affectionis propter interesse extra rem consideratum, ad-*

admittatur? Hic vero egregiam nauauit operam Illustr. Thomafius in cit. *Disp. Cap. I. §. 24.* vbi rotam quæſtionem ita ex fundamento explicat. Scilicet omne pretium affectionis, prout hoc ipſa denominatio indicat, ex affectibus humanis, circa rem quandam concurrentibus, oriri dicit. Sed vero affectus triplices ſunt, *ambitio, auaritia & voluptas.* Quantum ad *auaros* attinet, illi erga res ſingulares nullam fere affectionem fouent, nummis ſolummodo intenti, quorum erogatione commodum ſuum promouere poſſunt, quæ commodi promotio in rebus ſingularibus ceſſat. Ergo auaro aliquot nummi a principe donati magis arident, quam alia gratiæ & beneuolentiæ teſtimonia, quia non illam primario intendit, ſed tantum habet pro medio perueniendi ad finem ſuum, ſcilicet ad diuitias.

Aliter res ſeſe *ambitioſorum* intuitu habet. Vnde omnes fere circumſtantiæ, propter quas affectio circa rem adeſſe creditur, vnice in aliqua ambitione fundantur, *v. g. quod res ſit donata a principe.* Ambitioſus enim nihil ipſa gratia principis antiquius habet. Et quamuis leuiſſimum ſaltem fuerit, quod proſectum eſt a Principe, ambitioſo tamen id inæſtimabile viderur. *Premium illuſtris alicuius certaminis* eandem affectionem producit, & licet vel coronæ gramineæ, vt olim, ferreæ, aut quercinæ da-

re fuerint, circumstantia tamen certaminis, & fortitudinis, magnam affectionem operantur. *Reliquias porro casus alicuius insoliti magnificere solemus, non ob alium finem, quam vt iactatione quadam multa de casu illo insolito & periculo, in quo nos tanquam homines singulares seruati fuerimus, aliis narrare possimus, quo pertinet v. gr. equus, cuius ope magnum periculum quis euasit, &c. item, quæ a maioribus accepimus, in magno etiam pretio habemus, antiquitas enim familiæ ambitionem auget, nam quo antiquior res est, eo antiquius præbet testimonium de antiquitate familiæ.*

Quoad *voluptuosos* similiter species quædam affectionis deprehenditur. Sed hi potius eo respiciunt, an res dilectas a sodalibus suis, vel ab amasia acceperint, quam a Principe, aut viro quodam illustri. Vnde linteolum, aut ligamentum, amoris testimonium, ein affectionis-Båndgen, pluris faciunt, quam alias res pretiosissimæ ab aliis æstimari solent.

Applicationem iam ita facimus. *Pretium affectionis ex ambitione proueniens, licet affectio sit extra rem posita, iuramento in litem affectionis locum concedit, secus quam illud, quod ex voluptate oritur. Ratio cit. loc. §. 26. suppeditatur. Nempe voluptas est vitium, quod omnium reprehensioni est obnoxium, adeoque huic non succurrunt,*  
ne-

neque ei fauent leges humanæ. Accedit, quod leges ferantur ab ambiriosis hominibus, h. e. ab hominibus in virili ætate constitutis, quialii dominantur, qui adeoque leges ingenio proprio valde indulgentes condunt, & ea, quæ ipsis aduersa sunt, condemnant. Adde *c. 3. §. 6. Disp.* vbi ita: sicuti in iure non quilibet metus actionem quod metus causa producit, sed is demum, qui cadit in virum constantem, *l. 5. §. 6. ff. quod met. caus.* & quia a viris bonis, h. e. ambiriosis, approbatus est, *l. 8. §. 2. eod.* ita nec omnis affectionis erga rem in iudiciis ratio habetur, sed eius demum, quæ cadit in virum honestum & grauem. Addimus ad illustrationem dictorum adhuc *l. 6. §. 2. ff. de Oper. seruor.* vbi ita Vlpianus: *item, inquit, voluptatis vel affectionis æstimatio non habebitur, veluti si dilexerit eum (seruum) dominus, aut in deliciis habuerit.*



LIB. XII. TIT. IV.

**De Conditione causa data, causa non secuta.**

**DISTINCTIO I.**

Inter Causam *præteritam* & *futuram*, ob quam aliquid datum fuit.

**C**ausa præterita huc non pertinet. Ponamus ergo, Titium ædes suas Sempro-

pronio vendidisse non solum, sed præterea etiam tradidisse, Sempronium vero in solutione pretii hactenus moram commisisse; quæritur, an Titius propterea ius pœnitendi habeat, & a contractu iterum resilire possit? Notum vero est ex vulgaribus principiis, quod in nullo contractu nominato, qualis est emptio venditio, pœnitendi facultas competat, sed solum propter moram alterius ad interesse agendum fit, consensus enim hic absque pretii solutione iam perfectam producit obligationem, & in hoc consistit *causa illa præterita*, v. l. 8. C. de contrah. emt. secus in contractibus innominatis, ubi ex solo prævio consensu, tanquam pacto nudo, causa, id est obligatio perfecta nondum oriebatur, sed ex traditione demum, v. g. Do, sed sub modo, VT DES: do, vt FACIAS, ergo ob causam saltem futuram, quæ si non adimpletur, vt sperabam, facultas rem meam repetendi mihi etiam competit. v. l. ult. ff. b. t.

Quæritur autem, cum hodie ratione obligationis, inter contractus nominatos & innominatos non amplius sit differentia, utrum adlata distinctio usum aliquem adhuc in praxi præstet? Affirmative respondendum esse existimamus. Nam adhuc frequenter accidit, vt aliquid detur sub modo, v. g. vt a lite discedatur, vt matrimonium mecum contrahatur, quod fit in  
 annis



arrhis sponsalitiis, & dote, nec non, vt negotium expédiatur, quem tamen modum implere cessat alter, quis vero dubitaret, quod in tali casu huic nostræ conditioni non sit locus, v. l. 3. §. 2. & 3. l. 6. *aliasque ff. b. t.* Idem est, si quid donatum fuerit sub modo, v. g. *vt alter certa tibi alimenta præberet*, iuxta l. 1. C. de donat. quæ sub mod. vbi etiam rei vindicatio conceditur, quæ alias quidem iuxta principia iuris Romani, in eiusmodi casibus locum non inuenit.

Ad causam futuram alias quoque *conditio* referri solet: sed ea in præsentí materia non indigitur. Deficiente enim conditione, totus actus annihilatur, l. 37. ff. de contrab. emt. l. 8. pr. ff. de peric. & commod. rei vend. ergo res tunc vindicari poterit a quocunque possessore. Quamvis vero in l. 3. & 7. C. de Condict. ob caus. dat. synonymice accipiantur, illa duo vocabula: *conditio* & *modus*, quilibet tamen vocem *conditionis* hic abusive sumi facile aduertit.

# De Condictione ob turpem, vel iniustam causam.

## DISTINCTIO I.

### Inter Causam *turpem* & *iniustam*.

**S**ollicite has duas species ab inuicem distinguunt nonnulli LL. interpretes, vt Franzkius in *Comm. ad b. t. num. fin.* Lauterbach. *ad b. t. Perez. ad tit. C. de Condict. ex Lege n. ult.* nec non Struuius *S. I. C. Ex. 18. tb. 28.* qui hanc differentiarationem (quantum ex subiectis ab eodem exemplis colligere licet) adducit, quod condictio ob *turpem* causam locum inueniat, si quid datum ratione alicuius præstandi *in futurum*, quod intuitu accipientis turpe sit; condictio autem ob *iniustam* causam, si accipiens quid consecutus fuerit ex causa iniusta *præterita*, v. gr. si repero pecuniam ex coacta stipulatione solutam, aut si condicuntur fructus, quos m. f. possessor ex re nostra prouenientes consumpsit, &c. Franzkius *loc. cit.* ulterius conductionem ob *iniustam causam* & ex *iniusta causa* a se inuicem distinguit, dicendo, quod prior respiciat futurum, posterior autem præteritum

ritum. Sed ita conditio in iustam & turpem causam coincidere videtur? Has vero ita distinguit, vt conditio ob turpem causam locum habeat, si quid propter *singularem aliquam* turpitudinem futuram detur; ob iniustam vero, si talis singularis turpitudine non subsit.

Verum enim vero rectius monent alii, reuera nullam hic subesse differentiam. Omne turpe est iniustum, & omne iniustum est turpe. Turpitudine quoque talis semper manet, siue tanquam præterita concipiatur, siue tanquam futura. Nec gradus turpitudinis diuersam decisionem suppeditare potest. Et ergo sine causa duas rubricas codicis inseruit Tribonianus, vnam *de condictione ob turpem*, alteram *de condictione ex iniusta causa*, conf. Schilter. *Exerc. 24. tb. 16.* Exc. Thomafius *in not. ad Strauch. Diff. 22. tb. 9.*

Et quid si etiam concederemus dissentientibus, quod reuera inter vtramque speciem differentia intercedat? ea tamen theoretica saltem esset, non practica, cum in eo conueniant omnes, quod non solum illud, quod propter *iniustam*, sed & quod propter *turpem* causam dedi, indistincte iterum repeti possit. Ergo eorum intuitu, qui hic nimis subtiliter disputant, vulgatum illud optime applicatur:

*Maxima de nihilo nascitur historia.*

## DISTINCTIO II.

Inter Turpitudinem intercedentem vel  
ex parte *solius dantis*, vel *solius acci-*  
*ipientis*, vel *utriusque*  
*simul.*

**H**æc distinctio extra omne dubium magnam utilitatem adhuc hodie in foro præstat. Scilicet, si turpitudinis ab *utraque parte* adest, v. g. si tibi centum thaleros do, ut Titium verberes, occidas &c. condictioni locus non datur, quia in pari causa possidentis conditio semper melior habetur, v. l. 3. ff. b. t. Idem est, si turpitudinis deprehendatur in persona *solius dantis*, quo pertinet exemplum Vlpiani in l. 4. §. 3. ff. b. t. si meretrici aliquid datum fuerit, quod repeti nequit. Quamvis enim Vlpianus male audiat communiter, quod dixerit: *meretricem turpiter facere, quod sit meretrix; non turpiter accipere, cum sit meretrix*; recte tamen sese habet eius assertum, si iuxta mores Romanorum, quibus lupanaria tolerabantur, explicetur. Qui enim ex legis permissione agit, ille quidem actionem laudabilem non suscipit, in foro tamen externo pro homine turpi haberi nequit, licet inter personas viles & abiectas referatur. Quod si tamen de foro interno & moribus nostris quæstio formaretur, aliud omnino di-

dicendum esset. Quod si vero *a parte solius accipientis* turpitudine interueniat, v. g. si quid alteri dem, ne furtum, vel damnum mihi inferat, ne iniuriam faciat: vt depositum, vel commodatum restituat, quod sponte facere recusabat, v. l. 2. §. 1. & l. 9. b. t. tunc demum conditioni locus est. Danti enim nihil imputari potest, bene tamen accipienti.



LIB. XII. TIT. VI.

## De Conditione indebiti.

### DISTINCTIO I.

Inter Indebitum *absolutum* & *secundum quid* tale.

**P**rius vocant, quando is, qui indebitum accepit, nullam omnino causam allegare valet, propter quam solum retinere possit, v. g. si pupillus sine tutoris autoritate aliquid promisit & soluit, item, si id, quod sub conditione promissum, ea adhuc pendente, soluitur, &c. *posterius* autem, quando accipiens vel ius naturale, cui lex civilis non assistit, vel e contra-

rio ius civile strictum & subtile, quod ab æquitate naturali quodammodo recedit, pro se allegare valet, unde noua distinctio indebiti oritur, de qua mox dicemus sub *dist. III.* Vfus præsentis distinctionis hic est: Indebitum absolutum indistincte repeti potest; illud vero, quod saltem secundum quid tale est, interdum reperitur, interdum non, prout etiam dicitur.

### DISTINCTIO II.

Inter Indebitum *ex errore iuris & facti* solutum.

**V**trum in hac materia omnis error conditionem pariat; an vero error facti solum, valde inter DD. disquiritur. Sed nos reseruabimus decisionem eiusdem ad *tit. de iuris & facti ignorantia.*

### DISTINCTIO III.

Inter Indebitum *naturale tantum & civile tantum.*

**N**aturale tantum vocatur, quod quidem iuxta ius civile strictum & subtile peti posset, (& adeo hoc respectu non esset indebitum) sed cui simul tamen æquitas naturalis resistit, quo minus exigi queat. Exemplum habuimus ad *tit. quod vi metusue caus. gestum erit*, ubi iuxta Stoicorum principium:

um: coacta voluntas etiam est voluntas, promissa metu extorta omnino præstanda erant; vi stricti iuris, sed prætor tamen, tanquam restaurator æquitatis naturalis, restitutionem concedebat, vi cuius promissum non solum non præstari debebat, sed tunc quoque, si iam præstitum erat, A) solum repeti poterat. *Ciuile tantum* appellant, ubi quidem æquitas naturalis solutionem factam suaserit, sed vero de iure ciuili actio ad eam exigendam non competiit. Tale erat, quod ex nudo pacto debebatur. Quantum ad vsum practicum attinet, ita tenendum: Si indebitum est *naturale tantum*, tunc illud omnino iterum repetitur, prout ex adducto exemplo de obligatione vi metuque extorta, satis liquido adparet. In concursu enim æquitatis naturalis & stricti iuris, illa huic sine dubio præferenda est, conf. l. 47. ff. b. t. verb. *quoniam indebitam iure gentium pecuniam soluit. l. 66. b. t. ibi: hæc condictio ex bono & æquo introducta, quod alterius apud alterum sine causa deprehenditur, reuocare consuevit.* At, si inde-

A) *Durante adhuc metu; qui enim metu promisit, & cessante metu, sponte soluit, nil repetit, quoniam per spontaneam solutionem metus est purgatus, l. 2. C. de His quæ vi met. caus. GAIL. Lib. 2. Obseruat. 93. n. 29.*

debitum *ciuile tantum* est, tunc non reperitur solum, *B*) ex modo adducta ratione, *conf. l. 15. pr. ff. b. t. verb. indebiti soluti conditio naturalis est.* Et huc recurrit, quando communiter asserunt DD. nudum pactum apud Romanos non produxisse quidem actionem, bene tamen exceptionem; *v. l. 7. §. 4. ff. de pact.* Vnde maximam curam adhibere conuenit, vt alterum ab altero probe distinguatur.

#### DISTINCTIO IV.

*Inter Errorem intercedentem ex parte soluentis & accipientis.*

**V**sum distinctionis in eo ponit Lauterbach. *ad b. t.* quod ratione soluentis error facti solummodo excuset, non autem error iuris; ratione accipientis autem vterque, cum is ex errore suo, qualiscunque ille demum fuerit, lucrum consequi non debeat. Quænam quoad prius (nam posterius libenter concedimus) nostra sententia sit, ex iis, quæ *infra ad tit. de iuris & facti ignorantia*

*B*) Nisi obligatio naturalis a iure ciuili penitus sit *reprobata*, e. g. in muliere fideiubente. *vid. AUCTOR. Doctr. Pand. b. t. §. 7.* Add. *not. infr. Lib. 44. Tit. 7. Distinct. 2.*



*tia* dicentur, & simul de usu huius distinctionis genuino constabit.

## DISTINCTIO V.

Inter CondiCTIONem indebiti *certi*  
& *incerti*.

**P***priori* locus est, quando certum quid repetimus, v. g. certam quantitatem, ædes, fundum, equum, & id genus alia; *posteriori*, quando incertum quid condicitur, id est, interesse, possessio, obligatio, &c. vide casum in *l. 40. §. 1. ff. b. t. add. l. 15. §. 1. ff. b. t.* Usus practicus nullus adest, sed mere theoreticus, ut diuersa conditionis huius obiecta probe ab inuicem separentur. Idem in reliquis titulis obseruandum, quando scilicet etiam conditio sine causa, conditio furtiua, aliæque ita distingui consueuerunt, nisi forsan quoad conditionem furtiuam dicere velis, quod ea, si *certi* dicitur, domino soli, *incerti* autem non dominis competat, quamuis & hic in effectu parum intersit.

## De Condiçãoe furtiua.

## DISTINCTIO I.

Inter *Condiçãoem furtiuam* & *actionem furti*.

**V**traque ex delicto quidem prouenit, & sic mere personalis est, (nam a ter-  
rio rei furtiuæ possessore eadem vin-  
dicari debet) differunt tamen *diuerso fine*.  
Scilicet condição furtiua rem solummodo  
persequitur, vel, si res non amplius extat,  
eius æstimationem; actio furti autem mere  
pœnalis est, quippe qua vel duplum, vel  
quadruplum apud Romanos consequeba-  
tur actor, prout furtum vel manifestum erat,  
vel non manifestum, *ff. ult. l. De oblig. quæ  
ex delict. nascunt.* Ex quo prouenit, quod  
condição furtiua quidem adhuc hodie in usu  
sit, non autem actio furti, quia actiones Ro-  
manorum pœnales nunquam recepimus, de  
quo suo loco fusius dicetur. Et recte notat  
Lauterbach. *in Comp. Iur. b. t. ab init.* quod  
condição furtiua interdum quidem actio  
furti etiam appelletur, sed *improprie* tamen,  
*v. l. 7. ff. de furt.* quod enim ibi per actionem  
furti condição nostra intelligatur, satis exin-  
de adparet, quoniam actio commodati (pro-  
pter

pter furtum a commodatario factum instituta) actionem furti tollere dicitur, & vice versa, quod ad actionem furti proprie sic dictam, tanquam pœnalem, applicari non potest.

## DISTINCTIO II.

Inter Condiotionem *furtiuam* & actiones *ex aliis delictis* orientes.

**H**ic tanquam prorsus singulare obseruandum venit, quod nulla vnquam actio, ex delicto proueniens, contra heredem institui possit, *nisi aliquid ex delicto ad eum peruenerit*, vel, *nisi lis cum defuncto iam contestata fuerit*, vid. §. 1. I. de perpet. & temp. action. Et quamuis nonnulli hic contra communem DD. opinionem, defendere voluerint, quod dicta assertio tantum de actionibus pœnalibus intelligenda sit, rei persecutoria autem indistincte contra heredes competat, siue aliquid ad eos peruenerit, siue non; nos tamen illi hypothese subscribere nondum possumus, A) partim ob  
cit.

A) Rectissime se habet AVCTORIS sententia, quam pluribus textibus confirmant BACHOV. ad §. f. I. de Obligat. quæ ex delict. nasc. n. 2. & Tr. de Action. Disp. 5. tb. 4. LAVTERB. Disp. de Transsit. action. §. 35.

*cit. §. 1. l. de perpet. & temp. act.* quæ satis aperte actiones pœnales & rei persecutorias ab inuicem distinguit: partim, quia in *l. 1. §. ult. ff. de vi & vi arm.* expresse dicitur: *ex causa huius interdicti* (ex delicto orientis) in heredem & bonorum possessorem ceterosque successores *in factum actio* (non ergo de pœnali sermo est) competit in id, *quod ad eos peruenit*, qui textus dissentientibus varia tormenta conciliare solet. Ast dicunt, heredes tamen factum defuncti præstare debere; Recte. Sed facta defuncti sunt duplicis generis, alia licita, alia illicita. Priora præstare tenentur heredes, neutiquam vero posteriora. Imo *iniustum* lucrum heredibus extorquendum est, sed, si ad heredes ex delicto nihil peruenit, tunc quoque iniustum lucrum penes eos non deprehenditur, quod illis extorquendum sit.

Satis ergo firma manet thesis: *actiones ex delicto non dari aduersus heredes.* Nunc ad exceptionem pergimus. Condictio enim furtiua indistincte contra heredes competit, *quamuis nihil ad eos peruenerit, & quamuis lis cum defuncto non fuerit contestata.* Ita habetur in *§. f. in f. l. de Oblig. quæ ex delict. & in l. 9. ff. b. t.* Si rationem tam diuersæ decisionis desideras, DD. communiter hanc tradunt, *B) quia fur est in perpetua mora,*  
*mora*

*B) Alii DD. qui hanc conductionem non ex*

*mora autem obligationem semper perpetuat.*  
 Adducunt in hanc rem *l. 8. §. 1. ff. b. t.*  
 sed ibi plane alia quæstio, scilicet de inter-  
 esse ob rem peremptam a fure præstando,  
 vbi sine dubio recte applicatur adlata ratio,  
 quod nempe tunc illud tempus spectan-  
 dum sit, quo res furtiua plurimi fuit, hoc  
 enim & in aliis delictis locum habet. Ve-  
 rum, quod propterea heredes etiam con-  
 ueniri possint, licet nihil ad eos peruenerit,  
 hoc exinde non probatur. Nam quilibet  
 delinquens, qui non in ipso momento, vbi  
 delictum commisit, læso satisfactionem of-  
 fert, moram committit. Ergo omnis quo-  
 que actio ex delicto proueniens contra he-  
 redem competeret, quod tamen falsum est.  
 Manet ergo, quod hic mera decisio ciuilis  
 deprehendatur, cuius ratio reddi non po-  
 test, iuxta *l. 20. ff. de LL.* Legem ergo  
 non corrigimus, quod nobis non compe-  
 rit, sed rationem non concludere solummo-  
 do ostendimus.

LIB.

*ex delicto, sed immediate ex L. descen-*  
*dere autumant, illam rationem expro-*  
*munt, quod æquitas L. indistincte here-*  
*des stringat, licet delictum vel dolus con-*  
*currat. Mihi, salua cuiusuis autoritate,*  
*B. AVCTORIS sententia placet.*

P. I.

Q

# De Eo, quod certo loco dari oportet.

## DISTINCTIO I.

Inter Actionem, *quod certo loco &*  
*actionem directam.*

**V**t rite iudicium ferri possit, an hæc distinctio adhuc hodi in praxi vsum habeat, an non? diuersa supposita præmittenda erunt.

I. Quod actio *de eo, quod certo loco*, non pertineat ad contractus bonæ fidei, sed ad eos saltem, qui stricti iuris dicuntur, siue vnilaterales, *v. l. 5. 6. 7. ff. b. t.*

II. Quod iudex pedaneus in contractibus stricti iuris præcise ad verba contractus adstrictus fuerit.

III. Et quod proinde dicta actio potissimum, imo vnice ex distincto officio prætoris & iudicis pedanei profluxerit.

IV. Quod porro, vti ex dictis inferitur, si quis centum Ephesi dare stipulatus erat, domicilium autem suum Romæ habebat, in hoc foro domicili, iuxta ius ciuile strictum, conueniri non poterat, licet solurio, prout promissum erat, Ephesi non perficeretur, *v. l. 1. ab init. ff. b. t.*

V. Quod

V. Quod autem, quia hoc iniquum videbatur, prætor hanc iniquitatem corrigere voluerit. Prætoriam enim esse actionem *de eo, quod certo loco*, DD. facile concedunt.

VI. Quod prætor, quemadmodum alias ius ciuile verus illudque subtile *aperte* corrigere & abrogare non audebat: ita quoque in præfenti materia idem facere noluerit, vnde actionem nostram *utilem* vocauit. Conf. omnino *l. 1. ff. b. t.* vbi Caius ita: *Sed quia, inquit, iniquum erat, si promissor ad eum locum, in quem daturum se promississet, nunquam accederet, quod vel data opera faceret, vel quia aliis locis necessario distringeretur, non posse stipulatorem ad suum peruenire: ideo visum est, utilem actionem in eam rem comparare.*

VII. Quod ex plurium, si non omnium confessione, actio hæc utilis non differat *realiter* ab actione directa, sed saltem adiectitia qualitate. Sic v. g. si eum, qui Ephesi dare stipulatus est, in hoc loco factæ promissionis conuenio, vocatur *actio ex stipulatu*; si vero actionem in foro domicilii instituo, vocatur *actio ex stipulatu de eo, quod certo loco*. Fuse de hac materia disse-rit Reinhardus Bachouius *de Action. Disp. 7. part. 2. tb. 3.* *Ex his autem, inquit, & quod creditorem cum commemoratione loci agere oportebat, euincitur necessario, quod ipsa*

*actio prima, quam quis v. g. ex stipulatu sibi quæsiuit, sua natura sit stricti iuris, & quod ipsa actio ex stipulatu sit in iudicium deducenda: (siue potius, in iure proponenda, id est, coram prætore, nam ita pergit Bachouius) quandoquidem hæc ratio iuris nostri est, ut obligatio & actio, prout primo constituta & nata est, sit in iure apud prætorem proponenda, qui secundum narrationem & propositionem actoris, formulam dabat, & cum ea partes ad iudicem pedaneum mittebat. Itaque in nostris terminis necesse habebat actor exponere prætori, quod Titius sibi promiserat centum Ephesi dari, sed quia in locum adiectum non veniret, cogi se alibi experiri, ita ut propter interesse loci permittat æstimationem & arbitrium iudici, an minoris, an maioris, & omnino quanti reus sit condemnandus, iuxta quam petitionem prætor formulam dabat, permissa nominatim arbitrio iudicis æstimatione, & hoc ipsi formulæ inserto, (v. gr. si paret, Titium decem Ephesi debere, neque in eo loco pecuniam debito tempore soluisse, iudex ex arbitrio tuo condemna, Bachou. cit. loc. thes. 2. in f.) nam alias actor causa caderet (ob plus petitionem. v. §. 33. I. de action.) & reus iuxta naturam stricti iuris iudiciorum obiecta exceptione actionis alibi motæ absolueretur. Quæ scilicet, concludit, perspicue ostendunt, unam specie & eandem origine esse actionem,*  
*quæ*



quæ alio loco mouetur, sed quæ tantum nouam induit qualitatem, diuersam ab actionibus stricti iuris, in quibus iudex ad certam quantitatem, quæ in obligatione fuit, adstringitur. Hæc vltcrius prosequitur Bachouius, quæ omnia huc transcribere nimis prolixum foret. Dissentit quidem Anton. Faber in *tr. de error. pragmat. Decad. 91. error 5.* putans actionem; alio loco institutam, aliam omnino a priori, & prorsus non ex stipulatu esse; sed huius singulas rationes iam fuse & acerbe simul refutatas inuenies apud cit. Bachouium *d. loc.* ergo vt nos hic detineamus, operæ pretium iterum non esse videtur.

Quæritur saltem pro ratione instituti nostri: Vtrum distinctio, inter *actionem de eo, quod certo loco*, & inter *directam* adhuc hodie in foro vtilitatem præstare queat?

Sed hic porro & in antecessum quæritur: (1) an adhuc hodie iudices pedaneos habeamus, in contractibus stricti iuris ad verba conuentionum præcise adstrictos? Negatur. (2) An adhuc hodie prætores habeamus, qui iudicibus pedaneis certas formulas præscribunt? Negatur. (3) Annon hodie libere & aperte iniquitatem iuris veteris subtilis redarguere liceat, quod nequitiam licebat prætori? Affirmatur. (4) An ergo, si hoc licet, adhuc illis coloribus opus

fit, quibus prætor uti necesse habebat? Negatur, &c.

Quid ergo? Sane si omnia supposita illius distinctionis corruunt, quisnam adhuc adstrueret, quod dicta distinctio utilitatem in foris Germaniæ præbere possit? Ergo hodie, siue in loco promissæ solutionis, siue ob moram, vel ex alia causa, in loco domicilii agatur, semper actio directa instituitur, nec adiectitia aliqua qualitate indigemus amplius. Quod enim de bonæ fidei iudiciis dicitur in *l. 7. pr. b. t.* quod iis hoc per se infit, ut alibi intentata pro æstimatione loci definiantur: illud hodie eodem modo etiam ad ea iudicia, quæ stricti iuris vocantur, applicari poterit.



LIB. XIII. TIT. V.

De Pecunia constituta.

DISTINCTIO I.

Inter Constitutum *obligatorium*  
& *possessorium*

**C**onstitutum *possessorium* nihil aliud est, quam species fictæ traditionis per breuem manum, quando scilicet

cet causa possessionis, in qua hactenus constitutus fui, mutatur, v. gr. si rem meam vendo, sed eam statim ab emtore conduco, aut si rem, quæ hactenus ex titulo commodari, vel locari, penes me fuit, iam titulo domini; propter præcedentem iustum contractum, possidere incipio, conf. *l. 18. ff. de acqu. vel amitt. poss. l. 77. ff. de R. V.* item in materia pignorum, si debitor creditori hypothecam in rebus suis constituit, cum clausula constituti possessorii, vi cuius debitor rem oppignoratam, in casu moræ, non proprio suo, sed creditoris nomine possidet, atque adeo creditorem in possessione constituit, de qua clausula vid. Mev. *P. 5. Dec. 159. 160. 350.* Illustr. Dn. Stryk. *de Caut. contract. Sect. 2. c. 4. §. 19.*

Constitutum *obligatorium* e contrario nihil aliud est, quam geminatum nudum pactum, A) respiciens solutionem vel debiti  
 • pro-

A) Vereor, ut in omni constituto obligatorio *geminatum pactum* subsit, quum non tantum debitum ex *nudo pacto*, sed & ex *quocunque contractu*, & *quasi contractu*, imo & *ex delicto* oriundum, constitui possit. *l. 1. §. 6. l. 29. ff. b. t.* CARD. MANTICA *de Tacit. & ambig. Conuent. Tom. 2. Lib. 19. Tit. 3. n. 12.* Unde magis placet illa descriptio: *Constitutum est pactum*

proprii, vel alieni, quod prætor ad corrigendam subtilitatem iuris veteris iterum introduxit, quoniam graue est, fidem (geminatam) fallere, *l. i. pr. ff. b. t.* Vnde in aprico est, qua ratione constitutum debiti proprii a stipulatione, debiti item alieni a fideiussione differat. Ad constitutum enim non requiruntur verba solennia, sed quælibet alia, siue ore tenus prolata, siue scriptis comprehensa, sufficiunt. Placet subiicere casum ex *l. 24. ff. b. t.* qui non parum ad illustrationem huius materiæ conferre potest. Ita autem ait Marcellus: Titius Seio epistolam emisit in hæc verba: *Remanserunt apud me quinquaginta ex credito tuo, ex contractu pupillorum meorum, quos reddere debebo Idibus Maiis probos. Quod si ad diem superscriptum non dedero, tunc dare debebo usuras tot.* Quæro, an Lucius Titius in locum pupillorum hac cautione reus successerit? Marcellus respondit, si intercessisset stipulatio, successisse. Item quæro, an, si non successisset, de constituta teneatur? Marcellus respondit, in sortem teneri. Est enim humanior, & utilior ista interpretatio.

LIB.

*legitimum, quo quis debitum, vel proprium, vel alienum, se soluturum promittit.*  
 Vid. HOPP. ad §. 9. I. de Action.

LIB. XIII. TIT. VI.

# Commodati vel contra.

## DISTINCTIO I.

Inter Commodatum *solius commodantis*, *solius commodatarii*, & denique  
*utriusque causa simul*,  
factum.

**V**us in diuersa culpæ præstatione sese exferit. Si enim commodatum *solius commodantis* gratia contrahitur, v.g. si quis sponsæ forte suæ, vel vxori, quo honestius culta ad se deduceretur: item si quis ludos edens prætor scenicis, vel ipsi prætori quis ultro commodauit, tunc a commodatario nil præter *culpam latam* exigitur, *l. 5. §. 10. ff. b. t.* vbi sub voce *doli* lata culpa comprehenditur. Quod si porro *utriusque*, & *commodantis* & *commodatarii* gratia contractus celebratus fuerit, v. g. si communem amicum ad cœnam inuitauerimus, ruque eius rei curam suscepisses, & ego tibi argentum commodauerim, præstanda erit *culpa leuis. l. 18. pr. vers. at si utriusque ff. b. t.* Si vero denique commodatum *solius commodatarii* gratia contrahitur, culpa *leuissima* a commodatario exigitur, *d. l. 18. pr. b. t.*

Q5

Quod

Quod si quæritur, quid in dubio præsumatur: an scilicet *solius commodantis*, an *solius commodatarii*, an vero *simul utriusque gratia* commodatum celebratum fuerit? Tunc sine dubio pro media specie stabit præsumtio. Ordinaria enim commodati natura est, ut propter solius accipientis utilitatem ineatur, *l. 5. §. 2. in fin. ff. b. t.* at vero contrahentes in dubio ordinariæ legum dispositioni se conformasse censentur.

Cum sub hoc titulo communiter materia de dolo, culpa, & casu fortuito generatim explicari soleat: hinc nostri quoque officii erit, ut distinctiones in hac materia occurrentes, breuiter ad trutinam reuocemus. Vnde iam sequitur

## DISTINCTIO II.

Inter Dolum *præteritum* & *futurum*.

**D**olus *præteritus* pacto remitti potest, non autem *futurus*, tale enim pactum ad delinquendum inuitaret, *l. 23. ff. de R. I. l. 1. §. 7. ff. de pos.*

DIST.

DISTINCTIO III.

Inter Dolum *bonum* &  
*malum*.

**V**ocabulum *doli* abstrahendo a certis circumstantiis, nihil aliud denotat, quam acumen ingenii, commodum nostrum quocunque modo promouendi. Fit hoc autem duplici ratione, scilicet mediis vel *licitis*, quo casu dicitur dolus *bonus*, Germ. eine Klugheit, Vorsichtigkeit, quo omnes licitæ cautelæ pertinent: vel *illicitis*, tunc dolus *malus* appellari solet, Germ. Arglistigkeit, vnde prouerbium: Arglistigkeit ist keine Klugheit. Dolus malus in iure prohibitus, nulli vero dolus bonus.

DISTINCTIO IV.

Inter Dolum *præsumtum* &  
*verum*.

**V**erus dolus ex malitioso proposito & intentione alterum lædendi diiudicatur: *præsumtus* autem idem est, quod lata culpa, v. Lauterbach. *ad tit. ff. de dol. mal.* Has duas species accurate a se discernere multum refert. Interdum enim promiscue vsurpantur; & eadem prorsus prædicata admittunt, interdum autem non. Scilicet, quotiescunque agitur de priuato damno re-  
far-

farciendo, *A*) toties nihil interest, vtrum ex vero, an ex præsumto alterius dolo, damnum oriatur, vt ex famosa *l. 32. ff. depositi* aliisque constat. Ast, si de pœna publica imponenda agitur, tunc lata culpa vero dolo non æquiparatur. Hinc homicidium dolosum aliter punitur, quam culposum, *l. 7. ff. ad L. Corn. de sicar.* Sic tutor dolo vero pupillum lædens, infamia afficitur, non autem, qui dolo præsumto læsionem infert, *§. 6. l. de suspect. tut. B*)

## DIST.

*A*) Siue ex contractu, siue ex delicto ad damni restitutionem agatur, per *l. 1. §. 1. ff. Si Mensor fals. mod. l. 1. §. 2. ff. Si is qui testam. lib. B. DN de COCCII Collat. Iuridic. de Culpa. Collat. 13. §. 3.*

*A*) Quem non de leui sed lata culpa intelligendum esse, partim ex eo patet, quod nusquam LL. ob leuem culpam remoueri posse tutorem adserant, partim ex *L. 213. §. 2. ff. de V. S. & L. 3. §. 18. ff. de suspect. tutor.* claret, vbi Vlpianus: *Qui ob segnitiam, vel rusticitatem, inertiam, simplicitatem, vel ineptiam, remotus sit, in hac caussa est; vt integra existimatione tutela vel cura abeat.* Quæ omnia de leui culpa exaudire velle, est, distinctionem culpæ latæ & leuis vel ignorare, vel confun-



## DISTINCTIO V.

Inter Dolum *ex proposito & ex re.*

**P**rior producit querelam nullitatis, per ea, quæ ad *tit. de dol. mal. dist. 1.* diximus; verum ob posteriorem contractus non est nullus, sed *ex l. 2. C. de rescind. vend.* alternativè agendum est, vel ut suppleatur id, quod iusto pretio deest, vel, si hoc alter facere recusat, ut a contractu iterum recedatur. Dolus enim ex re nihil aliud est, quam læsio ultra dimidium.

## DISTINCTIO VI.

Inter Culpam *commissionis & omissionis.*

**V**fus hic nullus deprehenditur, præterquam ut terminos intelligamus. Propter utramque enim speciem eædem actiones competunt, non modo ex contractu, sed etiam, si ex L. Aquilia reparatio damni petatur. Terminj autem ita sunt intelligendi. Diligentia scilicet, quæ culpæ opponitur, consistit interdum in omittendo, interdum in

fundere, prout graviter differit FRANZK. *Exerc. 3. Q. 8. n. 8.* Add. *Illustr. L. B. de COCCII Iur. Controv. Civil. Tit. de Suspect. Tutor. Q. 3.*

in committendo. Quod si ergo committitur, quod omittendum erat, vocatur *culpa commissionis*, v. g. si quis ignem, vel candelam ardentem in eum locum adfert, ubi fœnum, stramen, aut alia materia vstibilis deprehenditur; vicissim, si quis omittit, quod committendum erat, culpa omissionis vocari consuevit, v. g. si quis noctu ianuam non claudat, & sic res per fures auferantur, &c.

### DISTINCTIO VII.

Inter Culpam *malitiæ* (seu *versutiæ*),  
& *ignavia* (*imprudentiæ*, vel *negligentiæ*.)

**H**anc distinctionem in textibus iuris civilis fundatam esse, hætenus deprehendere non potui, in iure tamen feudali quodammodo fundata esse videtur, quoniam ibi omne vasalli admissum vocabulo *Culpæ* s. *Felonie*, Germ. *des Lehnsfehlers*, denotari solet, vid. *Colleg. nostr. Feudale Disp. VIII. thes. III.* Quicquid tamen sit, illa distinctio aperte contra regulas logicas impingit. Altera enim species, culpa scilicet *versutiæ*, latius patet, quam ipsum genus, nihil aliud enim est, quam merus dolus, v. Reinhard. Bachovius *ad §. 2. I. quib. mod. re contr. oblig. num. 3. in fin.* Arn. Vinnius *ad eund. §. num. 11.* Idem ergo mihi de ista distinctione.

stinctione videtur, ac si quis hominem in rationalem & irrationalem distinguere conareretur.

## DISTINCTIO IIX.

Inter Culpam *latam*, *leuem* & *leuissimam*.

**Q**ualis huius distinctionis usus sit, ex regulis, quas DD. vulgo formare consueuerunt, facile constat.

Regula I. Quotiescunque contractus *solius accipientis* vtilitatem respicit, v. g. commodatum, toties ab illo accipiente *culpa leuissima* præstanda est, *l. 5. §. 2. ff. b. t.* dans vero ad solum dolum præstandum tenetur, *l. 61. §. 6. ff. de furt.* & hic vocabulo doli culpam latam (vt alias in negotiis mere ciuilibus, vid. dist. IV.) non comprehendere existimo, C) ob verba *d. l. 61. §. 6. quin etiam pau-*

C) Ego malim & hoc casu sequi regulam, qua, vbicunque de eo quod interest, & restitutione damni dari quæritur, latam culpam dolo æquiparari traditur. *L. 32. ff. Depof. L. 226. ff. de V. S.* Nec obstant verba *d. l. 61. §. 6. ff. de Furt.* quoniam hæc eo saltem pertinent, vt facilius commodantem excusare debeamus a dolo, & consequenter a lata culpa; ceteroquin  
vbi

*paulo remissius circa interpretationem doli mali debere nos versari.*

Regula II. Quotiescunque per contractum celebratum *utriusque contrahentium* utilitas promouetur, toties uterque etiam *culpam leuem* alteri præstat, *d. l. 5. §. 2. b. t. v. g.* in emtione, locatione, pignore &c. Quoad pignus tamen ob stare videtur, *l. 13. §. 1. ff. de pign. act.* ubi etiam culpa leuissima requiri videtur, verb. *Venit autem in hac actione & dolus & culpa, ut in commodato. Venit & custodia.* Verum cum *l. 5. §. 2. b. t. & d. l. 13. §. 1.* idem autor sit, Vlpianus scilicet, probabile autem non sit, eundem Vlpianum sibi contradixisse, præcipue quoniam utraque lex ex eodem tractatu desumpta, nempe *l. 5. ex l. 28. ad edictum, l. 13. autem ex lib. 38. ad edictum*, hinc quamuis alias correctioni legum non faueamus, tamen omnino admittenda esse videtur opinio Noodtii, qui *lib. 1. probabil. c. 4.* ita legit: *at in commodato venit & custodia*, cui opinioni accedit, quod puncta, & aliæ distinctiones, quæ in textibus corporis iuris deprehenduntur, non sint authenticæ, sed a DD. infer-

ubi vera lata culpa adest, quo minus pro dolo habenda sit, textus iste non prohibet. Consent. WISSENBACH. *ad L. 23. ff. d. R. I. §. 23.* BACHOV. *ad Treutl. Vol. 1. Disp. 24. th. 4. lit. C.*

fertæ. Aliter responder Phil. Matthæi *ad l. 23. de R. I. num. 80.* cuius tamen responsio paulo obscurior esse videtur; D)

Regula III. Quotiescunque contractus ad *solius dantis* utilitatem tendit, toties saltem *culpa lata* ab accipiente exigitur, *d. l. 5. §. 2.*

D) Rectissime AVCTOR responsionem illam MATTHÆI obscuram vocat, quod euidenter patebit, si verba ipsius adponamus. Licet VLPIANVS; inquit, in *L. 43. §. f.* pignus quoad culpam commodato comparet, non tamen propterea in commodato perinde vt in pignore regulariter duntaxat culpa levis præstanda, quoniam in genere quidem hi contractus conueniunt in eo, quod in utroque culpam præstari oporteat, sed in specie hoc discriminis habent, quod creditor, cui res pignori est data, ad tantam diligentiam obstrictus haud sit, quantam commodatarius in re sibi commodata præstare tenetur, vt sic, quod in vna L. deest, ex aliis supplendum sit. Alias adhuc responsiones adferunt PAGENSTECH. *Siciliment. ad Lauterb. Manip. I. §. 33.* HUBER. *Prælection. ad I. Tit. Quib. mod. re contr. obligat. §. 15.* quæ tamen, si dicendum quod res est, itidem partim *obscuræ*, partim *diuinatoriæ* sunt.

*§. §. 2. ff. b. t.* dans vero ad culpam leuissimam tenetur, prout recte colligunt ex *l. 61. §. 5. ff. de furt.* vbi vid. Dion. Gothofred. *in not.*

Nota I. Has regulas tunc saltem locum inuenire, *quando ex contractu aliquo agitur*; ast quando ex L. Aquilia, ob damnum illatum, alterum conuenimus, tunc nulla distinctione opus, nam & culpa leuissima per eam legem coercetur, *v. §. 3. seqq. l. d. L. Aquil.*

• Nota II. Has regulas in iis saltem contractibus applicari posse, *qui pro obiecto rem habent.* Aliud in iis, vbi *factum* aliquod ab altero præstandum, quales sunt tutelæ administratio, mandatum, & negotiorum gestio, quippe in quibus ab administrante *culpa levis* indistincte exigitur. Quantum ad tutelam attinet, omnes, credo, inter se conuenire DD. quod ultra culpam leuem a tutore aliquid non exigatur, propter *l. 33. pr. ff. de admin. & peric. tut.* & *l. 7. C. arbitr. tutel.* Verum quoad mandatum & negotiorum gestionem diuersæ occurrunt sententiæ. Mihi analogiæ & rationi iuris magis conueniens videtur, vt nec a mandatario, nec a negotiorum gestore maior, quam a tutore, culpæ græuis exigi possit. Neque enim ex his etiam aliquis commodum ex gestione sua accipit. Et inuitu negotiorum gestoris rem ex *l. 20.*

*C. de*

*C. de negot. gest.* apparere existimo, in qua quidem ab initio negotiorum gestor a tutore in eo distinguitur, quod prior *spon*te gerat, posterior *coacte*; prior item ad omnia expedienda non teneatur, vti quidem posterior. Verum mox quoad culpæ præstationem inter se comparantur. Et quilibet videt, quod *§. 1. in f. I. de Oblig. quæ quas. ex contr. nasc. de casu speciali E)* loquatur,

*E)* Cui sententiæ nil quidquam detrahunt, prout quidem contendit PAGENSTECH., *Sicilim. ad Lauterb. Manip. 3. p. 40.* verba Imp. in *§. 2. I. Quib. mod. re contr. obligat.* ibi: *Nec sufficit ei, (commodatario,) tantam diligentiam adhibuisse, quatenus suis rebus adhibere solitus est, si modo alius diligentior poterat eam rem custodire. At si hæc verba,* ita pergit PAGENSTECHER. *d. l. eius indolis & intellectus sunt in §. 2. quare non eandem indolem & eundem intellectum habebunt in d. §. 1.* Resp. verba *d. §. 2.* non esse *eadem*, aliud quippe est: POSSE alium diligentius rem custodire, etiamsi nullus adsit, qui se ad custodiam offerat; aliud est alium *actu* adesse, qui ADMINISTRATURVS EST commodius alterius negotia, de quo casu loquitur *cit. §. 1. DN. THOMAS. ad Strauch. Disp. 16. §. 16.* Multo minus eandem la-

befa-

tur, propter verba expressa: *si modo alius diligentior eo commodius administraturus esset negotia.*

Quoad contractum mandati tanquam textus obstantes vulgo adduci consueverunt *l. 13. & 21. C. Mandati*, sed non difficulter responderi posse censeo. Quamuis enim nonnulli acriter vrgeant verba *d. l. 13. omnem culpam a procuratore præstandam esse*, v. quos citat Hilliger *ad Donell. l. 13. c. 11. Lit. E.*  
nil

• befactat PAGENSTECHERI philosophia: *quod maior adhuc in negotiorum gestore, respectu præstandæ leuissimæ culpæ, ratio sit, quam in commodatario, quum in illa maior culpa sit, quam in hoc: hic voluntate domini res eius tenet, ille absque ea, & ignorare non possit, culpam esse, immiscere se ultro rei ad se non pertinenti.* Resp. in cit. §. 1. Imp. adserit negotiorum gestorum obligationem *utilitatis causa* receptam esse, ne absentium, qui forte subita festinatione coacti, nulli demandata negotiorum suorum administratione, peregre profecti essent, negotia defererentur. Quid ergo, num quod utilitatis causa receptum, culpæ adnumerabitur? num ciuilitas erit nociua? num in locum officii humanitatis culpa subrogabitur? Conf. AVCTORIS Disp. *de Duob. circa idem fact. concurr. §. 12.*



nil tamen obstat, quo minus & hic illam particulam ex ante adducta analogia iuris & identitate rationis *F)* explicemus. Neque adeo opus est, ut cum aliis inter negotia, quæ nullam, aliqualem, & exactissimam diligentiam requirunt, distinguamus, de

*F)* Quinimo vocem: *Omnis*, suis nonnunquam cancellis circumscribendam esse, apud DD. in confesso est. Sic quum Imp. §. 1. *proam. l. Omnes vero populi*, ait, *LL. tam a nobis promulgatis, quam compositis, reguntur*, recte Interpret. docent, de populis, *imp. R. subiectis*, hæc tantum intelligenda esse. Sic nemo dubitat, venditorem ad *mediam diligentiam* duntaxat teneri, *l. 5. §. 2. ff. Commod. l. 35. §. 4. ff. de Contrab. emt.* licet PAVLLVS in *l. 18. §. 9. & l. 38. pr. ff. de damn. infect.* OMNEM diligentiam ab eo præstari debere contendat. Nec obstat, quod in *dict. l. 13. casus fortuitus* solum excipiat, atque adeo *leuissima culpa* utique a mandatario præstanda sit. Resp. in *l. 28. C. de Locat. & Conduct.* dicitur, quod in locatione dolus & custodia præstari debeat, *non vero casus fortuitus*, perperam tamen inde cogitur, ad *leuissimam culpam* conductorem teneri, quum solus casus fortuitus excipiat.

de qua distinctione vid Brunnem. *ad d. l. 13.* Eadem responsio, quam modo dedimus, *ad cit. l. 21. C. Mand.* suppetit, in qua per verba: *exacto officio*, nihil aliud, quam levis culpa indigitatur. Dicit enim Imp. Constantinus, quod suæ quidem rei quisque sit moderator & arbiter, id est, quod in illis etiam lata culpa non vertatur vitio; sed quod in alienis exactum officium, id est, culpa levis exigatur. *Ex l. 23. ff. de R. l.* denique nihil certi definiri potest. Non solum enim mandatum cum commodato; sed & cum commodato venditum coniungitur. Anne ergo in venditione etiam levissima culpa præstanda?

Sed, quod caput rei est, adhuc restare videtur. Non pauci enim sunt, qui adlatam & hætenus explicatam nostram distinctionem plane reiiciunt, inter quos Ræuardus *ad l. 23. ff. de R. l.* Mart. Anton. del Rio *ad eand. c. 1.* Hugo Donellus *Comm. lib. 16. c. 7.* Struuius *S. I. C. Ex. 19. th. 41. seqq.* & in *Iurispr. Rom. Germ. l. 3. tit. 3. apb. 14. seqq.* & nouissime adhuc Dn. Beier in *Pos. ff. ad tit. commod. post pos. 43.* Nostrum ergo erit, vt hic quoque mentem nostram aperiamus. Cum vero breuitati studeamus, missis aliorum opinionibus, de rationibus Struuii, qui maximæ autoritatis in foro est, solum in præsentī dispiciemus.

Existi-

Existimamus autem, Struuium sine causa ab opinione communi recessisse, eiusque duas regulas, quas loco trium communiter receptarum substituit, in effectum cum tribus illis coincidere. Age videamus.

*Prima* ipsius regula hæc est: *Dolus solum & huic proxima lata culpa præstatur in contractu depositi*, addita ratione, *quia nulla eius (depositarii) utilitas versatur*; sed annon idem est, quod dicunt communiter: quotiescunque contractus ad solius dantis utilitatem tendit, toties saltem lata culpa ab accipiente exigitur. Quæ de precario addit, vulgo etiam moneri solent.

*Secunda* regula Struuiana est: *in reliquis PLERISQUE contractibus bonæ fidei præstatur culpa, & quidem tam levis, quam leuissima*. Hæc ab initio communi sententiæ directo contradicere videntur, quippe quæ in plerisque contractibus leuem solummodo culpam requirit, quando scilicet eiusmodi contractus utilitatem utriusque contrahentium intendunt: sed re exactius pensata, opinio Struuii vel iterum cum vulgaris principiis coincidit, vel non adeo cohæret. Ita enim pergit *loc. ant. cit. apb. 16. præ aliis tamen contractibus ac negotiis diligentia desideratur in commodato, &c.* sed cur hoc? Scilicet, quia iuxta ante dicta in commodato solius accipientis utilitas versatur.

Minus recte ergo Struuius duas culpæ leuissimæ species constituisse videtur. Quod si enim iuxta illum *in plerisque* contractibus leuissima culpa requiritur, in quo consistet culpa leuissima *præ aliis* in commodato præstanda? Diligentiae vocabulum, quod in nonnullis textibus occurrit, non semper denotat culpam leuissimam, *G)* sed ex natura substratæ materiæ est explicandum. Quod vero interdum esse possit exceptio, libenter fatemur. Plura alio tempore.

Dantur quidem multi gradus, interdum decem etiam, vel plures, circa eandem rem, quod obiicit Dn. Beier. *loc. alleg.* sed in iure respicimus ad illud; quod ut plurimum fieri, & quinam gradus plerumque adesse soleant. Eos autem ad tres a nobis explicatas species *H)* commode referri posse, nemo negare poterit, & sic quoque arbitrium iudicis iuxta hoc fundamentum dirigendum erit.

## DIST.

*G)* Exemplum est in *l. 36. ff. de Act. emt.* in qua PAVLLVS custodiam & DILIGENTIAM a venditore præstari debere adserit. add. *l. 68. ff. de Contrab. emt. l. 6. ff. de Administrator. rer. quæ ad ciuitat.*

*H)* Malo dicere: *gradus*, quoniam plus & minus non variant speciem. CORAS. *Lib. 4. Miscell. cap. 1.*

DISTINCTIO IX.

Inter Culpam *latam* & *latiorem*.

**H**uius distinctionis autorem communiter faciunt Bartolum. 1) Sed eandem in

1) Non penitus BARTOLI mentem sententiamque AVCTOR noster expressit. Is enim ad *L. 32. ff. Depos. n. 8. seqq.* pro *quinque* culpæ speciebus (seu potius gradibus) propugnat, nimirum *lata*, *latiori*, *latissima*, *leui*, *leuissima*. Quemadmodum vero distinctionem inter *latam* & *latiorem* culpam recte reiicit AVCTOR, ita nec inter *latam* & *latissimam* discrimen statuendum. *Lata* enim culpa dolo proxima dicitur in *L. 22. §. 3. ff. Ad SCt. Trebell. L. 11. ff. de Incend. dolo* comparatur, *L. 1. §. 1. ff. Si mensor fals. mod. dix.* & prope fraudem adcedit. *L. 7. ff. de suspect. tutor.* unde, si BARTOLVM sequi velimus, confit, *latiorem* culpam ipsum dolum, *latissimam* autem supra ipsum dolum esse, quo tamen nihil absurdius dici potest. Vid. TIBER. DECIAN. *Traçt. Criminal. Tom. 1. Lib. 1. cap. 6. n. 9.* qui tamen in eo fallitur, quod nusquam in toto Corpore iuris, culpæ gradum per *superlativum* designatum reperiri statuatur,

In textibus iuris non esse fundatam, exacte monstrauit Struuius *Ex. 19. tb. 19.* cum culpa lata & latior in illis promiscue accipi soleat. Valeat ergo Bartolus cum hac distinctione.

## DISTINCTIO X.

Inter Culpam *in concreto* & *in abstracto* consideratam.

**R**egulariter per culpam leuem eam indigitamus, quæ in *abstracto* est, id est, quæ penes eiusdem conditionis homines ut plurimum deprehendi solet, v. g. penes plurimos patresfamilias; interdum tamen illa quoque intelligitur, quæ penes hunc vel illum hominem in rebus suis in specie *K)* de-

quam sententiam oppido refellit *L. 44. ff. Ad Leg. Aquil.*

*K)* Quæ dicitur culpa leuis *in concreto*. Nonnunquam tam *in abstracto* quam *in concreto* culpa leuis præstatur, puta a tutore, & marito, *l. 17. ff. de Iur. dot. l. 1. pr. ff. de Tutel. & rat. distr. h. e.* Si tutor & maritus in suis rebus sint diligentissimi, eandem diligentiam in rebus pupillaribus & dotalibus quoque adhibere tenentur, nunquam tamen minorem, quam quæ adscendit ad gradum diligentiae mediæ patris famil.

deprehenditur, quod fit in iis casibus, vbi socium nobis eligimus, quia qui parum diligentem sibi socium acquirit, de se queri debet, sunt verba Caii in *l. 72. ff. pro soc.* Sed quid si in communionem incidimus, v. g. si nobis duobus hereditas, vel legatum aliquod relinquitur? ratio prior quidem hic non potest applicari: nihilominus tamen idem habetur in *l. 25. §. 16. ff. fam. bercisc.* ex ratione, quia coheres propter partem suam habuit causam gerendi, id est, vt puto, quia vnam ex rebus hereditariis sine altera vix administrare potuit. Nollem tamen propterea cum Dn. Beiero *loc. prox. cit.* statuere, quod vbique culpa levis in concreto solum præstanda veniat; non enim, nisi LL. hoc expresse permittunt, videndum est, quid fiat, sed quid fieri debeat. At vero, si quis negligens est in rebus suis, an ego propterea pati teneor, vt in meis quoque negligenter versetur? Non videtur. Add. *Doctr. ff. b. t. §. XXIII.*

## DISTINCTIO XI.

Inter casum *insolitum* & *insolitissimum*.

**V**sus se exerit in eo casu, vbi quis casuum fortuitorum præstationem per pactum

etum in se recepit, ad quam alias ex legum dispositione, non erat obstrictus. Scilicet, eiusmodi pactum de casibus *insolitis* solummodo intelligitur, neutiquam vero de *insolitissimis*, qui rarissime contingunt, vel, prout alii loquuntur, vix mille annis semel, quamvis hic terminus nimis laxus sit, *L)* v. Carpzou. *P. 2. C. 26. D. 8.* Gail. *2. Obs. 23. n. 10.* Seb. Medic. *de casib. fort. p. 1. qu. 15. n. 18.* aliique a Lauterbachio *ad b. t.* allegati.



## NOVA DISTINCTIO.

Inter Casum *fortuitum* & *improvisum*.

**A**dfert hanc distinctionem CARPZ. *Pract. Crim. part. 1. Q. 5. n. 31.* eamque hunc in modum explicat, quod in casu fortuito *nulla præcedat culpa*, in casu improviso vero *nonnunquam præcedat culpa*, *nonnunquam dolus*. Mihi vero hæc distinctio fundam-

*L)* Vnde rectius *arbitrio iudicis* hoc committitur B. STRYK. *Tr. de Iur. Sens. Disp. 10. cap. 7. n. 38.*



damento destituta videtur, partim, quod hæc vocabula *promiscue* in LL. capiantur, vid. l. 13. C. Mandat. l. 1. C. Ad L. Cornel. de Sicar. partim, quod damnum casuale eiusmodi denoter euentum, qui *consilio vel prouidentia humana auerti ac præcaueri* non potuit. At ubi culpa vel dolus præcedit, vtrique euentus ille auerti & præcaueri potuisset. Et quid multa? Ipsemet hanc distinctionem destruit CARPZOV. *Ipr. for. part. 2. Const. 26. def. 15. §. 3. seqq.* Verus siquidem, inquit, casus fortuitus est ille, quem nullum consilium humanum præuidere potest, l. 2. §. 7. ff. de administrator. rer. quæ ad ciuitat. Vnde & dicitur casus improuisus l. 13. C. Mandat. item fatalis casus in l. 5. C. de Adpellat. quæ verba repetit IDEM Lib. 5. Tit. 6. Respons. 45. n. 12. Quum ergo hæc distinctio nequidem in theoria recte se habeat, non opus est multum laborare de vsu eiusdem practico.

# De Pignoratitia actione vel contra.

## NOVA DISTINCTIO.

Inter Contractum *pignoratitium*  
& contractum *retroven-*  
*ditionis.*

**I**lle ad alium contractum se refert, eiusque est adcessio, *hic* est absolutus, & per se stat. 2) In *illo* ius pignoris constituitur, in *boc* dominium transfertur, si venditor dominus est. 3) Ex *illo* ad repetendum competit actio pignoratitia directa, ex *boc* actio venditi ex pacto. 4) In *illo*, quoad debitum non sit solutum, nulla locum habet præscriptio, bene in *boc*, nullo tempore adiecto, vel tempore præstiturio elapso, & quidem præscriptio 30 annorum. 5) In *illo* primum fit mentio mutui, & deinceps subiicitur, fundum hunc creditori securitatis ergo debere esse concessum; in *boc* omnis mentio mutui omittitur, & mox a contractu venditio.

ditionis incipitur, e. g. Kund und zu wissen  
 sey hiemit, daß heute dato ein beständiger  
 Wiederkauffs = contract geschlossen worden.  
 Nemlich es verkaufft Titius sein Land = Guth  
 an Sempronium auf 20 Jahr wiederkäuflich,  
 cetera. vid. fufe III. DN. de BERGER. *Resolut.*  
*Lauterbach. b. t. p. 221. B. STRYK. de Cautel.*  
*Contract. Sect. 2. cap. 4. §. 29.*



## NOVA DISTINCTIO.

Inter Pactum antichreticum *expressum*  
 & *tacitum*.

**I**llud est, quum diserte inter partes hoc  
 agitur, vt in vicem vsurarum creditor  
 fructus rei oppignoratae percipiat, donec  
 debitum legitime sit dissolutum; hoc, si debi-  
 tor pecuniam mutuo accipiat sine vsurarum  
 promissione, & creditori rem frugiferam,  
 sine expressa fructuum reservatione, tradat,  
 quo ipso tacite hoc actum censetur, vt fru-  
 ctus, loco vsurarum, retinere liceat. *l. 8. ff.*  
*In quib. causs. pign. vel hypoth. tac. contrab.*  
 Vfus distinctionis practicus in hoc se exserit,  
 quod antichresis *tacita* legitimum vsurarum  
 modum haud quaquam excedere debeat,  
*expressa* vero vtrique eundem excedere pos-  
 sit,

fit, si fructus sint *incerti*, nec excessus prorsus *immodicus*, de quo iudex arbitrabitur. vid. LAVTERBACH. *Disp. de Iur. civi. pignoris* §. 41. *seqq.* BACHOV. *ad Treutler. Vol. 2. Disp. 1. tb. 6. lit. B.* sibi quodammodo contrarius *Tr. de Pignor. Lib. 1. cap. 14. n. 3.* B. STRYK. *Vs. mod. ff. b. t. §. 4.* DN. de BERGER *Oecon. Iur. Lib. 3. Tit. 2. §. 15. seqq.*

